

Foreword

This Collection of Sizang lyrics is definitely a unique performance. It is unique on the ground that (1) the compiler is my cherished friend and roommate for several years, but I never knew that he was ever interested in cultures and traditional songs. His sudden interest in them now confirms the fact that our traditional songs and lyrics are our great heritage that cannot and will not be totally neglected. People may be influenced by doses of western-style musics but still, there always remain certain persons who store our invaluable heritage in the small corners of their hearts. People may come and go, but our cultures will remain the same, at least in the form of songs and lyrics.

Again, it is unique because (2) in this ultra-modern age, people are not contented with what they are, but they even try to evacuate this world and live in the outer cosmic space. Nevertheless, the compiler, Dr.Pau Za Nang ventures a way that will enable us to come into contact with the ancient past. This indeed is a noble labour that should be honoured. There is a saying, “Every generation revolts against its fathers and makes friends with its grandfathers”. People generally do not wish to leave out their ancestry.

In this decade, it is encouraging to see that the acceleration of culture is itself speeded up more and more. The younger generations are keen to use our traditional poetic words when they compose and write songs.

In fact, the tune of our traditional songs has only three notes and is somewhat monotonous. But if we attentively ponder their deeper meaning, they are not inferior to songs and poems of other nations. It is also a fact that the poetic words of traditional lyrics touch the heart of people much more than the ordinary words.

May this and his future collections impact and enrich the minds of the younger generations so as to be able to show the world that we have God-given fascinating and enjoyable cultures of our own.

Date: 17-8-2007

— Dr.Mang Cin Pau, Yangon

Thu Mai Sot

1. Ih pu se lawn ih pi selawn te, ih pu te ih pi te, ih pate ih nu te leitung ah mihing ngeina khang khat tek kan na nungta ngawl hi.(Kumpi te in khang khat le khang khat sia kum (20) kihal in na ciangtan hi.) La khawng na phuak a,ana nei lei teng hu in ih taangthu a ki he kik thei (ameal mu kik na bang) hong suak hi.
2. Ni dang lai ih pu ih pa te na KHAN na vawt hi. Tua KHAN tungah a taangthu na at hi.Tu hun ciang KHAN tungah ih dei za ta thei ngawl le,ahun zui thu tatuam te hang in KHAN luang in LAIBU ki vawt hi. Ni dang lai KHAN a vawt ciang, Lawi / Sial / Khui te ngo in, zu luup in,sum tam mama bo in na hanciam hi. Mihing theampo in KHAN na vawt kim tek zo ngawl hi. Tua ahi man Hi Laibu ih vawt zong mihing sim ii, KHAN hong ki vawt sak taw ki bang ki ci nuam hi. Zo kam in Laibu ih vawt ciang tam ih vawt hang le ki khawng ngawl ki sumh ahi man akua ma theampo in Laibu vawt nuam ngawl vawt zo ngawl hi. Tutung ih Laibu vawt sia Part One abu khat na tu in ki ngai sun hi.Pathian in ci dam khan sau daupai na hong pia a, hong thu kim pui le, Part Two, Part Three cibang vawt tato tu in ki ngeal hi. Ih vawt tato zawk na tu minam it, a kua ma theampo in, Labu man sang atam zaw tawh nong hanciam pui tek tu uh zong ki lam en hi.
3. Laibu Part One sung sia,Khua sim pan La nei te ih La kihel kim in suak sak thei leang aki uk bel hi. A hi zong La hong theng masa po, a Labu aman lang suak sak nop ciang aki khen hong suak hi. Tua ban ah tu hun leitung ah nungta lai La nei te, Khua ngei ngawl lai hong nusia ih thin nat mama te ih La zong at maksak in hong ki nei hi.La nong puak uh ciang Typewriter ahi bua le Computer taw khet sitset in two copies veu nong puak tu ki dei hi. Tu hun ciang taang Laa a he om non keak ngawl ahi kom ih khet kik ciang khial na tam thei mama hi. Laimal aki sim thei sitset te

kisuak sak ma sa pai tu hi. Hi Part One Labu sia Sizaang Khua sim pan aki hel kim tu ki ngaisun ahi hang ih lung kim bang suak zo ngawl lai tha tu hi.Tua ahi man Part Two Labu ih vawt kik ciang ahoih zaw a sua na tu ngaisut na (Idea)nong piak tek na tu zong ki tha ngai hi.

4. Ei Zokam (Sizaang kam) Labu a ki vawt sia Captain Mun Kho Pau in 1954 kum in bu khat na vawt hi.Tua ban ah Sya H. Vum Ko Tual in Sizaang Lawmla te ci in bu no khat na vawt hi. Dr Vum Ko Hau, Dr Vum Son, Buanman Kum 250 cinh Laibu (U L.Tun Htawng), 1955 kum in Sya Thawng Kho Hau le U Lam Kho Mang in Khang taangthu Part One ci-in na vawt a,Ih Ngeina La te tatawm kihel hi. Captain K.A.Khup Za Thang in Zo Khang sim na Bu pui khat na vawt hi.La ahi zong taangthu ahi zong tua laibu tengma ih sim tu om pheang suak ahi man, mai sang akua ma theampo ih minam it na thin tawh Laibu ih vawt tato tu ki lam en hi.

5. La nong puak uh ciang tu lai Lakhiak na atel ki tawm mama zo ahi kom (Heading) Thulu / akua aphua / bang hun aphua / Bang aphua ci bang in La tungah Thulu hong at leh uh te, ki dei kan hi.Khat le khat ki tel khial na om tu La te (La el)te hong hel bua le uh te ki ci nuam si hi.Ni dang lai in ngal le sa aaki ci theam po ai zo sia akhan zo mama in ki tuat hi. Tu hun ciang Inn pha po, Motor Car pha po,heang zo te khan zo ci tu bang khat ahi hang, tua te sang in, Aki niam khaik thei,ngual a it thei, ngua maw na amai sak thei, mi theampo tawh tuiton thei le a piangthak te khan zo in ki tuat zaw hi. Nidang lai le tu hun nuntak dan ih khaikim thei tu ki sam hi. Mipi sim tu Laibu ih vawt bua a, eima innkuau, eima bee atu Record bek ih koi le ih taangthu tek abo tu sia haksa ngawl tu ki um hi. Nidang lai Late ih et kik ciang ih ngam sungah thu lam dang apiang te, lawm la te, ih ngalmat ih sa mat te, ih nop sak na le ih khua ngai na te la in ki phua tek bel hi.

6. Mihing khat Personel La te Khua le tui sung le bee sung phung sung la te ban ah Sizaang te in La zeksa na nei lai hi.

Sizaang kampau te ii La zeksa anei teng ii thu lu:(Heading) teng:-

Ak Saak La, Ak La, Ai sa La, Bu peang La, Cingh La, Dan Thian La, Hang Thawn La, Hang Ih Suan La, Inn Tamh La, Kul Sin La, Khang Tak La, Khuang kung La, Khuai La, Ki Khen La, Lap Khiak La, Lo Hun La, Lai Bung Ngal La, Nu Tun La, Ngal La, Ngal Theam La, Nau Cinh La, Ngual Ngaih La, Nawi Kai Nu La, Ngaw Nuai Pu La, Kai Peam Kawi La, Sawng La, Suak To La, Sial La, Sai La, Sa Ngai La, Siphu La, Sa Suak La, Bung Tum La, Tuak Khial La, Ton Ko La, Tuai Tong La, Thel Kiak La, Thi Mu La, Thang Ho La, Tui Mung La, Than Kuan La, Than La, Than pan cia La, Tual Om La, Tual panh cia La, Tual pan cia La Naw, Tual La thipna, Thul Zaang Pa La, Thuantak Tulpipa La, Tual Nuai pu Lakai, Tong Kim pa La, Thawmpu Lakai, Von Tawi La, Valuk La, Zaangtaa La, Zin Thak La, Zunam La,.....ci te sia La zeksa te ih thu lu (Heading) ahi hi. Hi La zeksa sung pan ih tel thei tu in Danthian La ngui 2 at leang:-

- (1) - Tung thang van le simlei zil zam thian awng na ngam lei hi ee,
- Sim lei le thang van kal a,na hawm thiam zam diil dial ee.
- (2) - Tung Pathian le sun ni awng nge,nau bang hong uap thiam ve vua.
- Nau bang hong uap thiam ve vua,na nun nop kan ah sang sak aw.

La zeksa sung pan ih tel thei tu Siphu La ngui khat ih at tu hi.

- (1) - Pumpai awng nge,pum pai awng nge, zang a pum pai no keu aw.
- Zang a pum pai no keu awng nge,thawl taw ciam ma va la nge.

Mihing khat sim ih La (Personal Lyric) a ki at siat zawk ciang La zeksa Sizaang kampau te ih nei atung ah thu lu om teng(La zeksa teng) ih tel thei ih heak thei tu khat sim sua sak tato tu ki ngaisun hi.

7. Ngeina La (Siyin Lyric) khangno te ih tel thei tu Part Two, Part Three hong sua kik ciang La ih khiak na zong hong ki at tu hi. Sontena:- Tapa tanu te Von,ih tapa te Taang, ih tanu te Lia ci bang teng Dictionary dan in vawt tu ki ngaisun hi.Ni dang lai te na LAI na nei ngawl ahi man,by heart athinsung ah thu le La te na ciing suak hi.Tu hun ciang ih tepte lai sasun teng Laibu in ih koi bua le ih Taangthu abo na tu manaw hi.Ih taangthu abo le ih minam zong abo na tu manaw hi ci-in ki ngaisun ahi man, La te Laibu in aki vawt hong suak hi.Taanglai ngeina apha te zui tato tu, apha ngawl tu hun paidan tawh aki si ngawl te nu siat thei tu thu pi hi. Ki let sak na ki phatsak na hi ngawl in General Knowledge nei a,ih minam alaam saang zo tu le a it tu mi tampi a om tu dei na bul pi hi.

8. Laibu ih vawt zawk na tu hong hanciam pui Kawl zaang a teang, U K.T.Ngo Za Lian (Khuasak)U Suang Kho Lian (Lophei),U Vungh Kho Khai (Voklak) U Tuang Za Thang (Pumva) leh,Yangon Christian Media Center pan, Forward hong at sak Dr. Mang Cin Pau le Laibu sua zawk na tu hong seppui C.M.C Staff teng tung zongah lung dam na lian pi ka nei hi.

Date: 4-8-2007

Dr Pau Za Nang
Camp:- Nyaungnapin

BUANMAN PU THANG SUAN **(251-16) LA**

La kai khawm: Dr. G. Kam Ya Dal

Pu Thang Suan la sia Tidim ngam bup (Zo ngam bup) in la zek sa in sa hi. A hau a zawng, a lian a no mihing te ii nun taak dan taw ki sii bel a hi man a hi zong, mi theam po ih ngai sut na vut zo bel a hi zong (Mangkang te ih "hit/touching") ci bang sak nuam sa tek a hi zong la zek sa suak hi tu in ki um bel hi.

A NAW

1. - Zang mang tun nu aw ti tang, ngun ih ngal a khua tu tawm no, zing mei bang, ka mit sak.
- Hing le ngaw sawl bang kai tang, lai tui khua mual, ngi neam nuai a, ngo sai bang, ka lam ze.

2. - Len tu ngam sai bang sat tang, za tang kung tin thei bang hut e, ngual in ni bang awi e.
- Taang ing ti ka ngai man na han lung ka ciam, ka pial lai a ning zu khuam, bang ngual nge.

A LA NGUI

1. - Al bang ka man,na tu a, zang khen kawl tiang,ngai ing nge.
- Sing khua mawng bang, kah peam mun ah sawm sial kai, min luang bang ze.

2. - Taang ka pian na, ka nun thum awng, lai tui a tuang, nu sia nge.
- Lai tui khua mual, tul hawi tung pan, lawk ta hong tau, va ngei e.

3. - Mim bang pian na, bual tui vang khua, ka tuai lai, len na mu nge.
- Ka tuai lai len, na mu nge, kah thi thual,ngua luang bang ze.

Sizaang Ngeina Labu

4. - Vai bang tham na, sim lei ken liang, sang na lim buuk, tun taw kah, lim buuk hi e.

- Zua awng lo bang, na hin lai a, ngual in paak bang tawi e, lam nen tun, thei luun bang ze.

“Tonzang Innpiipa na Pu Thang Suan la hi sia hoi sa ma ma a, sak mun bel in nei ci hi. Thang Suan la om zo lui lam ba le, kei ma la suak thei le awi ing ci ci hi.”

5. - Nu tun lau tha, tung leang van ah nah ngual zal na, nah mu nam.

- Sawm sial beal bang, ka ngaw ni a, nah ngual leang bang,hong zawn aw.

6. - Tun taw al bang, ka man lai a, khua kiim tan ni, bang awi hi ze.

- Na nuai tuang lam, ka nei ciang a, do tun nun leng, bang khuang ze.

7. - Zua kiak nu a, thai le ka von, thin lai pui ngua,huang bang ze.

- Lai zom ngua bang, khiap hi leng se, phung taw han lung, tiam tu vee.

8. - Ka sen lai a, ka zua sau sak, do in kam mei, hong sua ee.

- Do awng kam mei, hong sua na ve, mi lai sim lu, in tua nge.

9. - Zaang si min phung, za tam te paw, do lai ngil ngiak, tam sang nge.

- Bat phu tui bang, laak sak ing nge, khua mual tuul sawl, thak sak nge.

“Falam te hi ka leh minam dang te hi ka le,Sizang kual hong sim tawntung hi.Sizang te pawl khat Mualnuam ah tai hi. A tai ngawl teng (Liim Khai te sim ngawl) Thuklai ah ki ngawm tek in ngal ki do hi. Khuasak le Thuklai na Thaang sang sii a, Buanman in Liimkhai sang

sii hi. Pu Thang Suan lam pui na tawh a Sizang hong sim te Liimkhai ngam (vong hawi) khawng dong in not tawntung hi.”

“Tua ban ah phu laa nuam theam po in Pu Thang Suan sia zu luup-sa ngaw in Pu Thang Suan in phu laak sak zawk ngol nei ngawl hi tuak hi. Pu Thang Suan sia Thuklai ih ten tek lai ngal kap mang seam hi le ki lawm hi. Tua hu in la hi sia om thei suak hi.”

- 10.- Kei paw ka sei no ciang a, zang sa kam kei,no bang hing.
 - Zang sa kam kei, no bang hing nge, ka do zin bang, liing sak nge.
- 11.- Hong en ve vua, en ve vua, khua mual suang pui, en ve vua.
 - Lal lu bel bang, ka suan na, khua mual suang pui, en ve vua.
- 12.- Thin lai khuai bang, ka han kom a ngual in mung lo bang tum ze.
 - Ngual in mung lo, bang tum a, kawi in sun nau,bang ka ze.
- 13.- Sai kim ka ngual, dem nop lai a, bel lun khuai bang, hang ta ze.
 - Kawl va bang tuan, nop lai a, zang ni hong sua dang ta ze.
- 14.- Sen ka phung le, lam tui mang ten, ngil al bang mang, aw ti e.
 - Al bang le ki, mang maw a, lung ka tup lo, ka do vang,khua suan ing nge.
- 15.- Tun tha kiak meal, in ma ing nge, lal hen taw khau, bang cia nge.
 - Lal hen taw khau, bang cia ing nge, tuang lam luan thi, pal la nge.

Sizaang Ngeina Labu

- 16.- Al bang man pui, sen ka tun nu,hawm sa bang,tan zo ing nge
 - Phung ih nial taw, ka luan thi taw, lun kan kong mual, suak ing nge.
- 17.- Pu von lang lam, zam luang min ngei, ngai khua tam sial, na hi e.
 - Sun kim lawk bang, ka tau ciang a, ka ngai khua lun, lua sang nge.
- 18.- Ka von ni ngeal, zang ngam lei pan, pham sa akhau, bang cia nge.
 - Hen taw khua mual,suak tu bang a,phung va ko aw ka ci ze.
- 19.- Ka kialngil awng, na la lawm e,sing hial sap,ma zam ing nge.
 - Von awng baal bang, pil po vun na, tuang lam sawl pha om tu ze.
- 20.- Ni Nu ka lung, ngai manna,khua mual a lum,suang phut nge.
 - Kang bang kah lam, laak nuai sawm sial, pu von in ma, ciang suan ze.
- 21.- Thang nen hei sa, huan kung zo zam, pa taang a, tuang man ngawl ze.
 - Se sum a tui, bang ka laak aw, zin in pai tem, bang kua ze.
- 22.- Tunga Pathian, le nuai zin leang, in lai zom sel a, law ciang bang, a hong sa ze.
 - Lai zom ngua bang, khiap hi leng se, phung taw han lung, ciam tu ve.
- 23.- Kiang lang lam le, von sak luang awng, do in taang phung, bang kal ze.
 - Se sum hawl suang, zan sia ing nge, von luang hong mual, suak maw ze.

- 24.- Zang ngam lei a, zang tawi thiam thil, ka siang a tuang, tung ta e.
- Ning le ai, a kong zial bua zong, zang tawi awng ze, zum lo aw.
- 25.- Mim phung lau tha, kahual na ngawl, sawm sial ka ngaw, lu awng nge.
- Sawm sial ngaw lu, kom pang liap a, nuai zin le lung,tai ngawl ze.
- 26.- Zaang ta lang lam, se lawi ka laak, tung ah al si, za tam e.
- Tai teang phui ngua, a meang ma sa, lau tha ka, sial na hi e.
- 27.- Tun lung tup lo, von nah lung tup, zang tawi thiam, thil sai awng nge.
- Zang tawi thiam thil, na sai ni a, phung ning beal ngawl, natun tawl, huai ka sa ze.

A THIP NA

- 28.- Sim zawng peam ti, ka tha vang nong en bel sia, nuai zin ta ii, mim khau a, zeak sa hi ze.
- Al bang ka tha, khua mual a, sua lei veang nge, lal mi kah hen, ka siang tuang, tut lei veang nge.

Pu Thang Suan ii Falam ngun khau a sa, Buanman Tappi ih a phua:

- Phung teng sim lu, ngai teng sim lu, tiou ngaal laam tual, tung ta e.
- Khua thang ngun pui, tang khau luai na, taang in ka siang, atun e.

**Buanman pan Pu Thang Suan aphat lai in, Sizang kual
a min thang bel Taap te sai ha sia Pu Thang Suan ka
hi. Tasia a ka hu Taappi ih a la phua hi:**

- Phung tawh ciam ngawl, sawn taw khip a, vui mang ka siang, ah sia ing.
- Sawn thin lai khuai bang hang zawm awng, zang kawl tiang, a liim zawm maw.

* * *

BUANMAN PU KHAT KAM
(251-17) LA

La Kaikhawm : Pu Do Ngin, Yangon 1954

1. - Nu tun in ning bel ngual ti a, sang nam kim a zial ing nge.
 - Zua hang nah min thang la lawm e, kam kei a min, lo ing nge.
2. - Zang si khua mual sua hang tuan na, kol sa taw tuang kik ing nge.
 - Pu von khua mual, tul lim nuaia, taang ngual pial, va lam bang ze.
3. - Hau ni thum in tuang nu sia e, nah sawn lo bang,hing ing nge.
 - Khua mual a kol sa sim lu, tung al van, kah zo sak ze.
4. - Mel thei lo pan do hong leeng e, kum tin kah lal, tang hi ze.
 - Tin hang sim sal in nei ing nge,do taw lem zawng kik ing nge.
5. - Hau ta ngam zang, zua mun inn awng, sawm sial kah khum na awng nge.
 - Kah khua kah tuang, lam awng nge, kah hen zawl, bang kah kai naa.
6. - Tiin hang ngua bang, tuan sa awng nge, hen taw kan sang sa awng nge.
 - Hen taw kan saang, sa awng nge,zo tui sin tham a siang nge.

7. - Tiin hang inn bang, nah he man na, do lun sai bang at awng nge.
 - Do lun sai bang at hi ve te, lam taw al bang mang awng nge.
8. - Hau ta lang lam, thang be khi awng, bat lo na a tham awng nge.
 - Tiin ngel taw tiam, kik ing nge, mim khau aa khil kik ing nge.
9. - Tha le hen mual sua na pan ah, von luang hong mual suak ta e.
 - Hen tuang tut bang kah pa taang a, phung in lam bang vel ta e.
- 10.- Se sum ngai a, ka tuai zing zin, zang don na ni taam ta e.
 - Phei phung ngawl a, taang phei phung taw, sum tual a sial, in tua nge.
- 11.- Thaw hial nen na, ngam tul ta awng von mang in tuan na hi ze.
 - Ngam tul ta le, mel mang maw a, tun le sua luan thi hi e.
- 12.- Von ngual kawi tu, thang ciang khua a, kah tong dam thak bek ing nge.
 - Lia in ngual dei, kawi kah vak e, tun le sua luan thi hi ze.
- 13.- Pu pa vang khua, dawi ai bang zek, vang khua sai bang sat ing nge.
 - Hau tun nu le, tuai ni thum ten, vang khua hai bang ngak ta e.
- 14.- Von awng sua siang, nah zot pui sawm sial sim lu, tul tung vau ling pak bang ze.
 - Se sum tun siang nah tut pui te, nah ngual leeng mual, ah khup tu ze, phai mit nah hem thak nam maw.

Sizaang Ngeina Labu

- 15.- Lia lai zom a, khan duang hoi awng, ang lai tawi thiam kah na tee.
 - Sen ngual kawi taw, ang lai tawi taw, kul sin zal kal ngak late.
- 16.- Thang pan om lai hong to e, tiin mang lei, luang aa ki daw.
 - Nah hen bang kek, pa taang lap tan, sua siang nah ze, zum nam maw.
- 17.- Nuai zin tual khawi, khum nuai sawm sial, zang len tual, ah mang awng nge.
 - Do ngam zang a, khum nuai sawm sial, tang in kah kawl, tiang phung nge.
- 18.- Mim bang pian na, pu pa ngam zang, tak lei bang zal, kah na e.
 - Zua awng mu bang, nah mawl kom a, pu von ngam zang, ngai ing nge.
- 19.- Sen kah len na, khai tui vang khua, ni khat zing zin nuam ing nge.
 - Phai mit suan leng, tung thi thiai, phei phei phung suan leng tung la ze.
- 20.- Pu von ngam zang, sing duang baang sa, sun kim ma zam kik ing nge.
 - Min nam sial a, se sum kah se, mim le sawm taang huai hen aw.
- 21.- Ka tuai ni thum, phak sap zing zin, zin taw dawn bang tuak awng nge.
 - Na kiak ngai in, kah zak ni a, vang khua zin bang, ling kah naa.

A THIP NA

1. - Sang le lal hen mual kah sua, ah thang zawm maw, tin hang sim sal a kah pai, ah thang zawm maw.
 - Sang le lal hen mual kah sua, ngual sing veng nge tin hang sim sal a kah pai, ze zum veng nge.
2. - Khai tui ta ii, kah tha vang nong en bel see, kol sa tung a, taang lai tuang, kik zo veng nge.
 - Kol sa tung a, taang lai tuang kik zo veng nge, kam kei sim lu, khua mual sua kik zo veng nge.
3. - Kah tiin tham na, lung ngil la, sul zui veng nge, do tun nu kiang, mang nah awi nah lei ziam maw.
 - Do tun nu kiang, mang nah awi, nah lei ziam maw, kah tin lau than, ning kong sia, nong dawn nam?

Hi atungah La sia Mangkang te hong khan til lai, Thuklai khua a, ah u Son Thuam Mangkang ngalkap ten kap a thi hi. Ta sia ah phu ah lak na a nau pa Kam Suak in a Mangpa Major Gordon Cumming sia lam pan pang a, Hai kang a kap lum hi.

Mangkang te taw ki do na sung a, Mangkang te a thi teng pan a lian bel pa hi.

* * *

BUANMAN PU TAWN THUAM

(141-18)LA

La kai khawm Pu Do Ngin

& Pu Ngo Ko Khai, 1954 Yangon

AH KAI

1. - Kah sa nga paw e, taang bang na sa veng, nu tun in al bang ta a, ngual lai a sei sang kah tang hi e.
 - Sei sang tang ing nge, zang si ngual awng ting, pa zua la nah tham na ting, ngun pui ngal khuai bang kah suan kik hi e.

Sizaang Ngeina Labu

2. - Za ta pau lan nee, al bang mang aw ti, al bang la ki mang maw e, zua lam sun hai bang kah ngak kik hi e.
 - Ciin taw tiam ing nge, sial lum lo hi veng, kim pui la kah dem na ting khua ti zong sia khuang kah kai kik hi.
3. - Pu von ngam zang e, zil la ze di diai, kim pui la kah lu na ting, sing tan sun hai bang ah ngak kik hi.
 - Kawi taw tiam ing nge, tu kawl tawi hi veng, sing ta la nah ngam zang a thai le von mim bang kah bual sak kik hi e.

AH NAW KI PAN

4. - Zua hang bat phu aw ti tang ngun ii ngal a lam bang kah zon, hing le ngaw zial ing.
 - Hing le ngaw sawl bang kai tang, tun siang tut tang, kah sum tual a han mung huan tuu zing bang.
5. - Kam kei lan kah hang zia ti, mual hong tawn ne, ih vang khua a tin hang dawn, lai law e.
 - Sui lung muang in muang la tang, nam tem tawi a sul la kah zui tul vum a, suang ing nge.
6. - Pu von lang lam aw ti tang, zam luang min ngei ih phung lai a ngil al bang, mang ta e.
 - Taang sa nga thei bang sen ta, zua hang lun ta, kah mim phung ten, hual khau kho khi nan nei.
7. - Zua hang bat phu aw ti tang, khua ti zong a mi nun nuam sa, zing mei bang kah mit sak.
 - Kil bang khang a sial lum lo hi veng, zang si kah ngual lai a lal hen kai, min zan kah luang sak ze.
8. - Mun inn ngam lo aw ti tang, thai taw von taw, hai bang ih nga, ei nga sing om ngawl ze.

- Von kop in tuang nu sia ta, thim hong zing e, ka khun lan na luan thi thel bang khu e.
9. - Pu von lang lam aw ti tang, aw khi ten dal nau bang kah ka, sing ta hawm ting na ze.
- Sei sang tang a sial lum lo hi veng, zang si ka ngual lai a tang le lian lam bang hong, vei na ze.
- 10.- Nu tun sung dip, tui bang kiam zo ta, thai aw ei sung dip e, mi za tan sik bang hong dawn na e.
- Nuai om lai paw, khuai bang hang sa veng, nau bang kah-kaa lai a, za taang li tui bang hong ting na e.
- 11.- Sei no ciang a lai ngil nem hi veng, bu suan mu bang ngai a phung lai nu sawl bang kah hul hi e.
- Sawn zai tha awng hiam bang hat zu ven, thai aw ei lung tup a sum tual a ton mung hong, zing na e.
- 12.- Len na se thing aw ti tang, thai lung tup a tuu bang suan sa ngam bang mang thong ta e.
- Sawm sial lian na vui taang bang khop sa, nga liam ih tan na ze, phung aw mim khau bang zeek, kik leng aw.

A THIP NA

- 13.- Sim ah haw nge, sim ah sa bei e, zo ah haw nge, zo ning zu bei e.
- Von tawi lang lam, sawm sial ai sa aw, lai tin hang in, tuang nu a sia e.
- 14.- Ton mung le han mung kah thua ah thang zawm maw, sang luang le lal, luang kah thua ah thang zawm maw.
- Tung tiang leeng van sang sawn nazua mang mun na sang luang le lal, luang ah zal, khawm nam maw.

Sizaang Ngeina Labu

- 15.- Kam kei in mual sang tawn le, tawn lei veng nge, tung a khai mu, ah lam le lam lei veng nge.
- Sawm sial hawl na ngal don kai min luang bang ze, va al ngia sawl, bang kah kai, lo lai hi.
- 16.- Thai awng nang ii lung tup a tu kawl kah tawi, mim le sawm taang, ban thang a dip sing veng nge.
- nah kiang kei ii lung tup a pai va kah law, mual tin sang a khai mu lap, thiam zil veng nge.

Huai pa

A thip na akhak bel sia samlai hi. Hong thak kik tu khi hi.

Thian Pum 20/10/55

* * *

BUAN MAN PU SAWN ZONG (131-19)LA

La kai khawm - Pu Do Ngin (Buanman)

ANAW

1. - Tun mang batphu aw ci tangh, duap ih nuai a leido vangkhua, zingmei bang ka mei sak.
 - Hing le ngaw sawl bang kaai tangh, laitui vangkhua ih sumtual a, hanmung tu zing bang ze.
-
2. - Khual le tual paai bang kop tangh, vangkhua suan ding ih daai kiang a, lo mei za hong laang ee.
 - Von paw thanglam bang muak tangh, ka von a kamkei ee, tom ta vei kammei a bum ing nge.

ANGUI

3. - Ngal ciang vangkhua tam diu deu ee, sua mang tialdaw zaw diu deu.
- Lumsuang phu na sawmsial aa na, do aw na ciam peal ve te.

4. - Sakciang puvon mi mun nuam teng, phaibi hong zel taze.
 - Kung hul a zin bang thak ngawl a, ah khua mual a, siina luangthing zan phom ee.
5. - Laitui lia nu tam la lawm ee, sakciang tu bang suan ing nge.
 - Amiim phung taw a vangkhua taw, nikhat aal bang mangh khawm ee.
6. - Zaangsi na ngual phung nong elna, mealmak taw teng ciam ing nge.
 - Miimphung awng tuang nu sia nate, pu pa siam taw ciam ih veang nge, ka do khen tang bang nol ing nge, luan thing bang ka sai tan ze.
7. - Zang mang langhlam a min ngei bel, zangsi vangkhua suan tu ci a, mual ciin a hong laangta ee.
 - Mual ciin a hong laangta ee, ka tung khua pui nging bang hi a, miza zin bang ling sak ze.
8. - Do aw na phung tam la lawm ee, ih dai kiang a mualciin sokhei san bang ze.
 - Zang khen kawliciang saai ing nge, ka do ngiit bang leang ka na ee, tuun mang hong zaal thiam pheang ze.
9. - Zin awi ngawl a do lun mang awng, zang si taw na awi nam maw.
 - Simlu lakmai tun ni don a, sakluang kammei suak awng nge.
10. - Phai le ka von phung na kiaknu, tuanglam sui na mealma nge.
 - Phaimit haithei bang hut ta, ka pham zong a leangvan ka kaai thei ciam maw.
11. - Kawi kiaknu a ki hei ing nge, sawn ka oih a huang ing nge.

Sizaang Ngeina Labu

- Tuun awng ngial bang khin natu a, zangni a sua dangta ze.
- 12.- Ka von baal bang pil pan ci nge, do zuapa'n maciang suan ze.
 - Ka sial lum le sungla tangh nge, zangsi ngual le sungla tangh nge, zualam taw ngil ngiak awng nge.
- 13.- Tuun biak luang a sum bang kong biak, na tong zawi kai lei ve te.
 - Na aang nuun thum luai ba nang nge, malzin bang thak bai sa nge.
- 14.- Taang ngual lam kuun thiang ning ci nge, bat tha law bang tial ing nge.
 - Hawk kuam sangsa hawl ing nge, zin le do a lai lak ze.
- 15.- Mual heam miim phung za in tam ee, naa nuai tengpo dim sa nge.
 - Langh a lam se bekhi meal hoi, ngam a hai thei san bang ze.
- 16.- Thang ciang mang thin thu sa awng nge, pataang sai bang at awng nge.
 - Sawm sial a thian bekhi meal hoi, ten dal taw ngil ngiak awng nge.
- 17.- Zaang mang tuun nu tong a ci paw, mang teng aal bang mangh ta ze.
 - Zang tawi in nau bang theam ta ee, sim lu sa bang hawm ve, vaitho khingan muang sak ze.
- 18.- Lia nu lung mawl suul a na zui, zang don a sau ngual awng nge.
 - Zang don sau ngual awng nge, kawi phamsa taw hei awng nge.

- 19.- Kawi simlu ma ciang suan, ing nge, do khua mual a suak awng nge.
- Ngai min nong lo lo nam maw nge, phaimit nong le kik nam maw.
- 20.- Maimak lung dei tang baal bang pil, zang sawmsial ma ciang suan te.
- Mang teng hanlung hong ciam ta ee, na tiin kamkei ka tuai lung dei, tulpan laikhun in nei ee.
- 21.- Zua ngeal lungtup ngalciang vangkhua, sang le laal huai ka na ze.
- Kamkei ih mual sua na hi a, huisai ih lapna hi ee.
- 22.- Ka aang hui bang theu sak aw, ka nuai zin aw, kua batphu lam bang na zong ziam maw.
- Tawi le na henluang hi a, lai taw na mual sua nam maw.
- 23.- Zon lun na min ka law na tuai min law na, na kiakna tumdang sa nge.
- Taang le lia tuun aang dim sang nge, zinleang a thak cing sa nge.

A THIP NA

- 24.- Zaang a tawn sai min ngei le kamkei simlu, tuai ni ngeal in laitui khua mual hong sua ee.
- Tuai ni ngeal in laitui khua mual hong sua ee, a leak dawn a vai manglu ki suangta ee.
- 25.- Laitui tuan sam bang peal a ngal ciang vangkhua, sang le laal in zua sau sii sial bang zuan ee.
- Kim pui te ih ngal sial bang et lai tak a, lia lung mawl in piil taang bang the zau ta ee.

- 26.- Ka tiin pham ka tuai pham a ka hing buang le, von na langhlam phaimit in mu nuam ing nge.
- Ka phaimit le thang sum bang zing zo ta ee, tawi sawn te awng kei paw pham ka nial tong nge.

* * *

BUAN MAN PU ZONG (AN THANG)
() LA

La kai khawm - Pu Do Ngin

1. - Zua ngeal lung tup ngal ciang vang khua sang le lal huai ka na ze.
- Kam kei ih mual sua na hi a hui sai ih lap na hi ze.
2. - Nguabang tuan na ka zua ngam zaang ka sau lan bang nga veng nge.
- Ka sau lan bang nga veng nge ngai teng ngi a zial ing nge.
3. - Ta bang top na von lian nu awng lun lai tu bang suan ing nge.
- Tul ta kai suk lawk ta khuan na luan thi taw sul zui ing nge.
4. - Se sum ngai a ka tuai zing zin sing khua a ni taam awng nge.
- Se sum na se cim ka zu le tawi in na mel mu nuam ze.
5. - Ka von ni ngeal tang bal bang pil hawk kuam sang sa hawl awng nge.
- Sang mang mual ngial niang ka na e ka ning bel thum man ngawl ze.
6. - Ka tuai ni ngeal kam kei dung zil tui a um bang khuai ing nge.
- Tuai ngeal nang ih kiak nu a tawi sen taw ki muang lang nge.
7. - Ka tuai lal hen nun nuam zal sa sing duang vom bang baang awng nge.

- Kam kei taw mual na sua pui tu pam lo ninbang neng awng nge.
- 8. - Ka ciin mai mak siang a bang sa koi a na haw ta ziam maw.
 - Ih vang khua thei sen sang nge ngam thang bang vil kik ve aw.
- 9. - Ka von ni ngeal thang tem bang dei sau tum na bang khuak awng nge.
 - Sau tum na bang na khuak mun pan ngil al bang mang thong awng nge.

A THIP NA:-

- 10.- Lai tui tuan sam bang peal a ngal ciang vang khua sang le lal in zua sau si sial bang zuan ze.
- Kim pui ta ii ngal sial bang et lai tak a lia lung mawl ten pil taang bang the zau ta ze.

* * *

BUANMAN PU TUANG MANG (134-21) LA

*La kai khawm:- U Lian Khaw Thawng
& U Mang Nang, Buanman*

- 1.- Pu pa ngual ngen sawm sial min thang mual tin sang zing zin awng nge.
 - Mual tin a zing zit kal a, tang in ka kawl ciang phu nge.
- 2.- Taang ngual leeng puan bang zawn ing nge, na nuai a sau va sa nge.
 - Na nuai ka sau sak mun pan na, sang ti vui tang bang khawm nge.
- 3.- Na thing nuai a sang ngial thiam aw, tuai in tui bang la sak ze.

Sizaang Ngeina Labu

- Sawm sial lian le phung ning beal aw, lau tha nam bang hual ing nge.
- 4.- Ka tuai baal bang pil bel awng nge, na nuai ma ciang ka sot aw.
- Sang na ka taw lal na hen taw,leang van na kai khawm nam maw.
- 5.- Lia ngual tu kawl ka tawi luang a, na nuai bu bel, suang ing nge.
- Sing ta ka meal mak vak cing nge,sang taw om mai lei veang nge.
- 6.- Zua mun inn le tuai sau sak awng,va al om mai na'n nei ze.
- Tun awng ning beel na ngual na ze,zin leang tuang tut na hi ze.
- 7.- Pu von na lam tam la lawm me,tui bang ka kiam na hi ze.
- Ka pham zong in thai le von awng,leang van ka kai zo diam maw.
- 8.- Ngua bang tuan ka sau sak awng,tun le zua ci bang tawm me.
- Ka kung vul ngawl zin na hawm tel,zing zin ten et cim la ze.
- 9.- Sang aw nang ih lung tup a,zua mun na zal lang nge.
- Ka tuai kul sin tang vak cingh nge,sing lam puan bang kawm ing nge.
- 10.- Hawk luam kawm a sang phung cing awng,tun taw ngi bang khen ing nge.
- Tun taw ngi bang khen ing nge,thi min thei bang lo ing nge.

- 11.- Sawn ni thum taw ka ciam lai a,sang mang suk tang bang huan e.
 - Ka cia lam a mual ciin sang pan,pu von min nam sial ing nge.
- 12.- Sawm sial sim na zang leang phual mul lia ngual aw ka lawm nam maw.
 - Pham tam sim na ka pa taang a,tang ngual aw et cim langh nge.
- 13.- Von aw leang van na kai pui tu sawm sial pat bang sai ing nge.
 - Patang sai bang na lap na tu phung lam tui bang tawi ing nge.
- 14.- Sang awng mung bang kong tum lai a,thang van hong thum va dil ze.
 - Ngual tung tuan na lawm sa veang nge,von mang in kiak nan nei ze.
- 15.- Tuang lam tung asang min sim na,tio a lum suang va phut nge.
 - Ka pham zong a taang le lia awng,ka min thei law nan nei aw.
- 16.- Na thing nuai a sang lun awng nge,kei taw keak ka lawm lo ze.
 - A lawm ci a lam bang zon ngawl,sawm sial taw ka zal sak ze.
- 17.- Sial lum taw lawm tuai lun no awng,sang le lal huai sa awng nge.
 - Ang lai tawi taw sang lung dei taw lam ngei taw meal mang awng nge.

18.- Hau ta lang lam sang lun awng nge,zang len tual a mang awng nge.

- Von sen ten ma bang suan ing nge,se sum hawl suang zang siang nge.

19.- Sawm sial in ka min thang ci a,mual cin sun nau bang om ze.

- Na thing nuai a sang taw tua thiam lam kun ka thian na hi ze.

20.- Pu pa ngual ngen sawm sial min thang phung taw ciam a, ni khat ngua bang phuk ing nge.

- Tang in khua mual a sua ta ze,ka pa tang om lum sang nge.

A THIP NA

21.- Tang ngual lal hen ten dal leng thei khuang bang ze, lia ngual lang lam aw khi kai min luang bang ze.

- Thai le von lai neam vak cingh ze zum ing nge, do ngam lei a, sang lun ci bang thei ing nge.

22.- Ka sau taw la lawm lo a ka cial daw taw sang lun sik zong, kawi siang ni bang taam ta ze.

- Pu von lang lam bang liang a ka tin mang awng, nang tong zeak a, tong ka zawi kai ziam maw.

* * *

BUAN MAN KHUA PU LAM TUN (130-21) LA

*La kai khawm (i) U Tun Khan Thang,
(ii) U Thawng Za Thang, (Buanman)*

LA NGUI

1. - Hong to ve te hong ngei ve te, zang si vang khua suan ve te.

- Zua ngel lo bang nah hin lai a, kawl ciang thang van mau bang ze.

2. - Lal hen ing nge, sing in ngen ne, ngual tung tuan na om ngawl ze.
 - Ngual tung kah tuan nah tu a, kawl sa tung a tuang ing nge.
3. - Lal kop kah hen kah pa taang a, tun taw lai kuang kim kah naa.
 - Do ta khan lo bang lel tang nge, phung taw hen kawl khai ing nge.
4. - Sang ih sim na, lal ih sim na, khua mual a tul thing phut nge.
 - Khua mual tul thing, ngi nem no awng, von min law na lawm sang nge.
5. - Cin taw ma ciang, kah sa sot na, thang nen tuang lam mel mu nge.
 - Kah sau a tuang, tung ing nge, luan thi kham tang in nei nge.
6. - Kah ciin a kam, kei awng nge, hau taw lem a, zawng awng nge.
 - Sang ih sim taw, lal ih sim taw, leeng van khua mual nah sua aw.
7. - Hau tawi lian nu, tin ngual kawi awng, ngal pa taw ki lawm sang nge.
 - Hen tuang tut na, kah pa taang a, nah luang ngo sai bang lam e.
8. - Sawn sul zui a, von mom no awng, nah kiak na mel in ma nge.
 - Hau ngual ten mal, bang ko ta, nah luang pak bang muat ta ze.
9. - Kah tun lung he, kah vak ting nge, sawm sial a ning tui sia nge.

Sizaang Ngeina Labu

- Sen ngual kawi taw, tiam kik ing nge, pa taang vo sa dim sak nge.
- 10.- Kah zua nah lam, tam la lawm e, khua mual a tul thing phut nge.
 - Khat tang lo bang, kah hin ciang a ih phung ning bel tam kah naa.
- 11.- Pu pa thei lo, do hong leeng e, khen tang bang nol zal ing nge.
 - Phung kam kei le, sawn lungdei awng ni khat muan lei suak hing nge.
- 12.- Bat phu vai bang, tham ziam ci a, zang si lim bang en ing nge.
 - Mim phung taw, han lung ciam ing nge, do luang sai bang at ing nge.
- 13.- Tun sung sua pui, lia ni ngel awng, hau tun nu ma om ve te.
 - Ning le ai sa, niang pan vak ting, kah len nah ding mel ma nge.
- 14.- Ton zawi kai na, sawm sial bual na, hau tun nun tuang nu sia e.
 - Tuai teng laam khuang, bang thawn ing nge, vang khua tum ma dang sak nge.
- 15.- Lai khun phai mit, sing maw tang nge, dam tui mim phung in nei nge.
 - Khua mual sau ngawl, do phung ting te, sawm sial a zial thong ing nge.
- 16.- Zang vui sai le, nuai om lai awng hau ngual in mual hong sua ze.
 - Mim phung zin bang, ling tek hing nge, kawi ban sam za tam hing nge.

- 17.- Khai tui von tawi, sen i tun nu, sau taw dai a dam sak nge.
- Sawm sial khum na, hen tuang tut na, mi za phai mit leeng awng nge.
- 18.- Kah tin ah ni, ngel te awng nge, leeng van kai kum tiam awng nge.
- Kiak zo tuk tang, tung ngawl lai a, mim phung vui khau bang nok ze.
- 19.- Hau tun nu tong, neam bel awng nge, kiak tu sun ni khan awng nge.
- Phung sau mang kam, mei suak tu see, sun hai kia bang ngak awng nge.
- 20.- Za taang pian na, lung ngil lang nge, tuai ni thum zin bang tha nge.
- Pu pa phak sap, do ngam lei a, se sum tang phung tiang ing nge.
- 21.- Pham ngai liang a, tin kam kei awng, na nuai sial bang ngiak awng nge.
- Sawm sial khua mual, nong sua ni a, nah kawi zin bang ling kah naa.
- 22.- Do ang kawm a, kah sawn mom no, tuang lam tun sau nah sa nam.
- Nah tuai tha kiak, ngai nah zak ni, phai mit nah sing sap tuam maw.

A THIP NA

- 23.- Mim phung lang lam, sawm sial aw, khua ngai lo aw, nang bek liang vuang aa hong kia nah sa ziam maw.
- Nang bek liang vuang, a hong kia nah sa le, zang mang tun nu, ah lian zaw, huang a khia nge.

* * *

BUAN MAN PU THANG SAWM
(137-20)LA

La kai khawm: Pa Sing Nang (Kalaymyo)

A NGUI

1. - Sen pupa ma, bang ki pat a, hen dei mual, sua sa hi ee.
- Ahen thiam taw, a tai nga taw, kot kawl om, lum sa hi ze.
2. - Mim phung lum bang, a sun nan ne, kawl tiang taw, min thang hi ze.
- Khua kim ngual in, ni bang en ee, na nuai vang khua, sat hi ze.
3. - Lang lam be khi, min thang ta ee, hau tun nun kiak, na nei ee.
- Thin thu phei pha, ngawl bang kim ee, ngil aal bang man, na hi ze.
4. - Tam ngual thom khawl, beek tham zaal na, thian mang in, ngua bang ha ee.
- Na von ni ngeel, tang bang khang a, zangsi lai min, thang pheeng ze.
5. - Zua ni thum va, bang pil kom a, na hen tuun siang, hong tut te.
- Hen ni thum taw, tun ning beel taw, phung taw baal bang, mal ve tia.
6. - Ih hial sap a, phung mang teng po, do in bak sawl, bang tha ee.
- Phung luan huan thing, zaan sia hing nge, tu a ih neem, na hi ze.
7. - Tun taw sua taw, lai ni thum taw, zin le do, a hawm ing nge.

- A lai lak a, ki hei ing nge, tang no ka khan, khem ing nge.
- 8. - Zin leeng do leeng, a ki kaal a, aal bang a da, kei hing nge.
 - Tun le ka zua, lung he vaak ting, sang le laal zial, kik ing nge.
- 9. - Hau phung sim a, ka lai lian nu, kiak tum dang a, zaal awng nge.
 - Mai mak lung dei, baal bang pil bel, siang a nong len, tim nam maw.
- 10.- Thai taw von taw, lai kuang kim sa, sau taw kop meel mang awng nge.
 - Ti bang top na, taang le lia awng, tang baal bang pil, ka ve te.
- 11.- Tu kawl tawi na, naa thing nuai pan, pham tu sa, bang zawng awng nge.
 - Sang na kaa taw, von ni thum taw, leeng van na om, lum nam maw.
- 12.- Sang kaa lal hen, mual sua bang a, von pham sa mual, a sua nge.
 - Phungin thang lam, bang muak ta, ngual lai ze zum ka veeng nge.
- 13.- Tuun le na zua, lung he man a, patang a sawm, sial lum me.
 - Ka von mom no, khua ngai lo aw, zang lam lian taw, zaal awng nge.
- 14.- Len tu sung a, sang mang awng nge, phung baan zaal a, vul awng nge.
 - Patang lap taan, ka von ni ngeel, buai vom a, min lo ing nge.

Sizaang Ngeina Labu

- 15.- Tun le zua han, mung phu ngawl a, patang pan paan sawl khai nge.
 - Kiak za tam ta, ih ti tiang a, lung muang maw, suul zui hing nge.
- 16.- Tun le zua min, law na tu a, zang hui sai hong, thang ta ee.
 - Dai phui ngua le, len se thing in, pa tang lim sung, kik hi ze.
- 17.- Tang zong lia zong, ih ki theam na, sang lun nam kim, zo hing nge.
 - Ning le aisa, ih niang bua zong, pham zong hing zong, patang hong laam, kik ve vaw.
- 18.- Ngawk ngi ngei ee, ngawk ngi ngei ee, nu tuun sau sak ngawk, ngi ngei.
 - Thi le a hing, ih la lap na, zua tial daw, vui va tit ee.
- 19.- Zan tiang ih mang, sua sia ti a, sang lun a thian, ning ti nge.
 - Sang lun thian tu, ning tum ing nge, sen ngual kawi le, ka lai lian nu, tha kia tu a, lai khun sun nau, bang om me.
- 20.- Ti bang top na, naa thing nuai a, a sa suul va, zui ing nge.
 - Pupa min nam, kai zak ing nge, sawm sial tung tuang, kik ing nge.
- 21.- Sawm sial zuapa, ka min thang ti, sei no ka laam, kun hi ze.
 - Sei no laam tual, ih sum tual a, ning le ai ka, bual sak ze.
- 22.- Tuun sung lai zom, phung ni thum te, sen kawi mal neu, zia ti ee.
 - Sen kawi taw tiam, kik ing nge, sang lun a sung, kik ing nge.
- 23.- Om lai vei a, phei phung baan sam, leeng van tual a, zua siang na tung, zo nam maw.

- Tak bang keek laam, bang muak thei le, tuun taw sua taw, lai kop te, ting tu ze.
- 24.- Sen tuun bang kiak, min ka law aw, thin lai ngu ling, bang do tia.
- Patang laap ngawl, ngai meel mu ngawl, tiin lian nu zaal, ka po aw.
- 25.- Mawng bang peem na, lun ih lai pan, mim phung mu bang, ngai ing nge.
- Kum tin om lai, kung kuai awng nge, thei lo thiam thil sin awng nge.
- 26.- Zua meel thei ngawl, na tuun aang pan, ngual lai sei saang, tang ve tia.
- Aal bang ta puak, bang thuk tu tiang, sen tuun nu tuang, nu sia te.
- 27.- Zua ngeel lo bang na hin lai a hual nam bang zeek lam ve te.
- Na kiak nu a na von ni thum phei phung thin lai bawl ing nge.
- 28.- Zangsi mi za thum lai a na hen ngeel ting ka na ze.
- Hen ni thum ma tiang na suan nam sua siang na tuang nam maw.
- 29.- Zua aw na min meel mang vaak ti khua mual di lei ban zawi nge.
- Tha le na hen na sim na tio lum suang in po naw.
- 30.- Khai tui phung sim tiin lian nu awng ti bang a tawp a awng nge.
- Ti bang tawp na sawl bang baan na nah sau dai a dam u ve.

Sizaang Ngeina Labu

- 31.- Zin leeng taw thang vaan neel bawl tuang lam dawng tuak ing nge.
- Lai lung khing tu tung thian mang le sawn ngeel in aang bang phong ze.
- 32.- Lai lung muang maw sawn khat phung in sun ni kim bang om ze.
- Kiak tu inn bang a he man a tiin lian nu in zan ka sawt khuang bang ha ze.
- 33.- Tang bang dam tu ih dei man a zang lam lian taw pian mang mun a hil ing nge.
- Tung pa thian in lum bang sung ee om lai taw peekik ing nge.
- 34.- Pu von na lam tam ka na ee ngam zaang daw a tam i ee.
- Ngam zaang daw tam sua hang zaal na tio lum suai min lo ing nge.
- 35.- Zang a pe thik thang zaw maw nge tio a lun suan thang zaw maw.
- Phak sap pan piang zaang pe thik saang tio suang min thang zaw ee.
- 36.- Hen mual sua le na tai nga taw sua aw na khan na la nge.
- Phung taw tiam ngawl lai taw tiam ngawl sau mang tum dang sua aw na khan khuup ing nge.
- 37.- Kawi taw von taw ka tiam tiang a tul thing de tui bang la nge
- Tul thing le lum suang thua ing nge zing zin ten et tim la ze.
- 38.- Bat na ngawl a phung ni thum ten za lai a mi thang sak ze.
- Hiam bang ih khial na ngawl bul a man tung aw tong tiam sak ze.

- 39.- Khua kim ngual in sai bang sawm a phung aw pat bang neem ve te.
- Pu von ngam zang om muang na po tung mal ka bang hung la nge.
- 40.- Ka sanga aw na la lawm ee ngual taw tan bang kim la nge.
- Thian mang tong dam ih san tiang a phung lem zawng kik ing nge.
- 41.- Sen ngual kawi taw ka tiam tiang a sau le tial lem zawng sak nge.
- Pu pa min nam meel mang vaak ting tio a lun suang va phu nge.
- 42.- Thang van pan piang lai lung muang maw pung ten tui bang lak sak ze.
- Sawm sial lian le ka ning beel aw sum tual a sial bang laam ze.
- 43.- Ziat le vei pan khua kim ngual ten ngil aal bang mang aw ti ee.
- Ngil aal bang la ki mang maw a thang dam tui zawi in la nge.
- 44.- Sawn ngeel va bang na pil kom a do taw tong dam tiam awng nge.
- Mi ti nan na thang dam tui ze vang khua phu bang kho sak te.
- 45.- Sawn ni ngeel tui bang tiim kom a ngual taw lem zawng ka ve tia.
- Tuun taw sua taw taang na tam ngual thin lai ngu ling do ze.

A THIPNA

- 46.- Thang a vai mang sial bang lian, ih vang khua a, zangsi ngual ten, nuun nop naan, nei lai ve ee.
- Zangsi ngual teng, nuun nop nan, nei lai tak a, lai lak a phung aw, ei neem na hi ee.
- 47.- Zin a pham le, do a zal ka sa sial nan, ning le ai taw, sang mang nam, kim zo veeng nge.
- Tang ka ngual ten, kiak tu ni bang awi ta ze, ka phei phung tu, sawm sua pa, kawi ing nge.
- 48.- Zang khen kawl tiang, min thang le von lun min thang, phung taw tiam ngawl sang lun ngua, bang phuuk awng nge.
- Pu von ih min, meel mang vaak na ti kom a, khua mual pan ning, tui nong kik, lei hi ze.

* * *

BUANMAN PU HONG SUAK **(157-21) LA**

*La kai khawm:- Pa Suak Za Nang
& Pa Kham Za Dal*

1. - Sang kaa lal hen, mual sua bang keak, pu von na min, mang maw e.
 - Lum bang sung tu, na ngai na, phuung teng sun nau, bang kaa te.
2. - Tuan a ma bang, ih ki pat a, thah tui ta phuung, lai hing nge.
 - Zin maang leen puak, thing bang lel a, hau lai sim sal, tang hing nge.
3. - Sum bang bel sa, hau phuung cing awng, meal mak taw, tong ciambawng nge.
 - Sim sal tang sa, phuung tu tawm no, luun dang a, zin bang tha a e.

4. - Vai bang thaam na, bel luun mang te, a tong zawi kai, thiam saang nge.
 - Bel luun taw ciam, tuan pu von awng, vaang khua saai bang, saat ih ve tia na min ci bang, mang maw ze.
5. - Zua awng lo bang, na hin lai a, lun taw na ciam, thiam ve te.
 - Bat phuu thaam na, lai taw ciam a, lai do ngua bang, phuuuk ve te.
6. - Tul khan thiam le, hawk kuam ngam zaang, phuung luun teng thaam, na awng nge.
 - Tun le zua le, ciin teng sial na, ka luan thi awng, si khuuk ning, tui cing bang ze.
7. - Ka zua khuai bang, haang awng nge, do kawl ciang a, pham awng nge.
 - Ka tun tong dam, neam awng nge, zua taw na leen, ton naam maw.
8. - Tun le zua le, ka ciin maang teng, ni khat al bang, mang ta ze.
 - Ngai khua sial tu, na von mom no, thian awi a hing, kik ing nge.
9. - Ka zua maang le, luun phuung cing awng, na sial lum le, kawl ciang na muang thaaziam maw.
 - Lei do lung lian, pu pa ngual ngen, tul sak luang le, kawl ciang in nang zo lo e.
10. - Zua le ciin maang, teng tha kiak nin, thim khua a ziing, ding saang nge.
 - Phuung luun maang in, tang bang phong nge, ka luan thiitaw, pham luang teng, zin bang thaang nge.

Sizaang Ngeina Labu

- 11.- Muan lei kuul le, tul luang lep thiam, bat phu zon na, ding saang nge.
 - Bat phu zon na, ding hi lo a, luun teng kuul siin, ding awng nge.
- 12.- Na sa veang, na sa veang nge, taang kei khan na, sa veang nge.
 - Tuun le zua le, ciin ni thum awng, tung leang van pan, tuai mom nong sial, sial naam maw.
- 13.- Zua taw khang ngawl, tuun ang kawm ngawl, ciin awng na hawm, thiam ve e.
 - Ciin maang tong dam a neam kom a, sa nga sei saang, tang ing nge.
- 14.- Bat phuu vai bang, thaam na ciing nge, ka heen ngua bang, phuuk ing nge.
 - Dai pui ngua le, sawm sial kop a, thii min thei bang, lo ing nge.
- 15.- Bel maang vaai bang, thaam na ciing nge, ka hen bang ma, ciang suan nge.
 - Ka hen bang ma, ciang suan ing nge, hau ta tu kawl, tawi sak nge.
- 16.- Sa nga nau bang, ka ki theam na, luun lian nu, tui bang laang nge.
 - Sen ang kawi, luun lian nu awng, muan tui bang ciim, ka na te.
- 17.- Ka zua khan ngui, ka zop na ciing, sang ci duang a, baang ing nge.
 - Tuun le zua bat, phuu thaam na ciing, buai vom a min, lo ing nge.

- 18.- Kawi taw ngai khua, ka tua man a, khua mual pan ning, tui siang nge.
- Phuung min sial a, mual ci teng pan, tuun le zua le, ciin mang teng, min lo ing nge.
- 19.- Pha la tang nge, pha la tang, pa zua na khan, pha laang nge.
- Pa zua na khan, pha la tang nge, lal mi na hen, pha laang nge.
- 20.- Sen ang kawi taw, zin ih siam ngawl, hawm tel sa bang, taan ing nge.
- Nang lan zua dawng, kong hong ding a, na dit nong sial, lai nam maw.
- 21.- Von min law tu, lia le taang mom, phuung siang a ziing, zin awng nge.
- Na nu ciang a, sawm mom ni ngeal, kawi taw ka luan, thii hi ze.
- 22.- Von ngual kawi tu, hau lian nu, tui bang ka laak, ni khat al bang mang ta ze.
- Sawn ngual kawi tu, phuung tawi lia mom, sun ni kim khenh, man ngawl ze.
- 23.- Ka sawn lian nu, khan thiam awng nge, thin lai tui bang, kiam sak te.
- Sen a pu von, ni thum te in, laam bang hong muak, tek nam maw.
- 24.- Sei no sa nga, na la hi ci, na ngawl a, zin awng hong leen, thiam ve te.
- Pian ki dang a, thian awi a, ki heak ing nge, zin awng nong leen, baang ve aw.

Sizaang Ngeina Labu

- 25.- Ka sawn va bang, pil awng nge, lei do saai bang, saat awng nge.
- Tuan pu von teng, na sial ciang a, thin lai khuai bang, haang sak te.
- 26.- Do lai a leang, ka sawn taang mom, ngual in na min, lo ve e.
- Bat phuu thaam na, haan lung na ciang, do kawl ciang le, sau suan aw, et lawm saang nge.

A THIP NA:

- 27.- Sawm taang thaw le, se sum lam, ka sial luang, in, sen sa nga taw, pham luang thaak, ngeal cing saang, nge.
- Sawn ni thum le, von mom teng, ka ngai man, in, khan kum sawt a, ngai khua sial, pui lai leng, nge.
- 28.- Pu pa ngual ngeen, thang tieu tui a liim lai, a, sawn sen te taw, kei zong bat, phuu zong veang, nge.
- Pa zua thaam na, do sum lu, ka ngai zong, a, haai zu zawng tu, tu le haam, taang bang thot, ze.

* * *

BUANMAN PU SUAN DO

()LA

La kai khawm:- Pu Do Ngin

1. - Tun le zuan tuang, nu sia e, hau pial lai a, zal ing nge.
 - Dei huai hi le, sen sa nga paw, ngual tung tuan nan, lawm sang nge.
2. - Lun in nial a, sen ngual kawi taw, zang si a tuang, tung ing nge.
 - Zang si kah tuang, tut mun pan na, hau ning ai a, bual ing nge.

3. - Mim bang pian na, sen sua pa awng, tun taw tiam a lun duang a na, baang ve te.
 - Bel lun mang taw, han lung nah tiam, do kawl ciang a, zal awng nge.
4. - Sen pu von le, sua sa nga awng, lai zom ngel a, ting la ze.
 - Ham bang huai tu, tin le tuai tu, phung tu lam bang, zong ing nge.
5. - Ban zal kah luai,tin lian nu taw, mual ni thum in,hal sak ze.
 - Thang nen nuai a taang kei sa nga, zo lawk ta taw, kim ing nge.
6. - Nu tun luang a, tin lian nu awng, luan thi lui, naang bang dia te.
 - Tung sol tha kim, khen man ngawl la, kiang le von nau, bang ka te.
7. - Ka cin ngual kawi, mai mak lung dei, zang si lai min,thang awng nge.
 - Phei phung tawi zang, hau ton khuang taw, khu va lap thiam, zil hi ve te, za ta phai, mit la ve te.
8. - Tin min law na kah von lian nu,nuai zin om lai kung kua aw.
 - Tha nah kia zong, tung leeng van na, lau tha ah tuang, tung nam maw.
9. - Tun min law na kah sawn lian nu, zo zam pal bang, kah na e.
 - Nah tun tham sa suang sawn nah tu, sua kiak nu sul, zui awng nge.

Sizaang Ngeina Labu

- 10.- Von awng zu bang, nah ma mawl se, ngual in ni bang, awi hi ze.
 - Pam pan al bang a uap tu teng in mim phung lai khuang, bang thawn ze.
- 11.- Bel mang ni thum, kah ngai man na, sum tual pan han, mung phu nge.
 - Tun le kah zua, kah tin ni ngel, sa ngal pan min, lo ing nge.
- 12.- Zua mang hen kol vei nop lai a, hau tawi ah lung zuang hi ze.
 - Ah sawn an bang ah huai tu se, sun khing an bang hawm thaw ze.
- 13.- Sang le lal huai, kah zua hang awng, pa taang a lap, tan awng nge.
 - Sang nah ka taw, lal nah hen taw, sawm sial kop ma, ciang suan te.
- 14.- Nu tun nun thum, kah luai luang a, lia duang sawl bang, baang ing nge.
 - Bat phu lam bang, zong thei hi le, phung sial lum taw, zong tu veang.
- 15.- Tuai nah lung tup, phak sap phai bi, min thang taw ki, lawm sang nge.
 - Lung dei phai mit, sot tim ngawl a, ah kop a tuang, nu nu sia te.
- 16.- Lun mang von tawi, tu tawm hawm thiam, kawi siang mu bang, ngai awng nge.
 - Na kiak nu a, sawm le nah phung, i bel kah tat, kah tawm maw.

- 17.- Kum tin tong dok, thian mang tut na, tin sau dai a, dam ta e.
 - Sei no phung taw, hui sai naw na, pham luang lap na, ngil liang ze.
- 18.- Ka von awng nge, lun se sum awng, ngual lai va bang, pil awng nge.
 - Sing tong tam le, zin leeng kop a, von mang hong zal, kah na ze.
- 19.- Zua min law na, kah von mon no, sawm sial kop taw, zal sak nge.
 - Tung tiang leeng van, pu von te mun, lak mai nah ze, zum lo aw.
- 20.- Sau neu am vai, nah ngai man na, luan thi taw mual, kal awng nge.
 - Tuang lam tun sau, min sel phei phung, ngam sim bang a, kha tu ve.
- 21.- Za tam thin thu, pian ki thek e, lun taw ngi bang, khen ing nge.
 - Lun taw khau bang, kah su nah tu, phung lam tui bang, tawi ing nge.
- 22.- Lun von tawi awng, tuai lian nu awng, mal ki sun, sang bang not te.
 - Thaw lo ma zap, tan tial tung pan, luan thi ning bang, sim ing nge.
- 23.- Kawi awng mei bang, ih tua nah tu, lun in lam bang, hal ta e.
 - Tum bang huai pui, man pha hi ve, kawi kiak taang bang, pal sang nge.

AH NAW

- 24.- Ka von mang awng khua nah ngai lo aw, zang si mi lun te zong, dai dam zan sial bang a ngiak hi ze.
- Dai pui ngua le sang sa lung tum tang, thi min kah law nop lai, zang si hai zu ham taang bang thawt ze.

AH THIP NA

- 25.- Sau neu am vai sial ngawl a von mom no awng, lun ta se sum puak thing bang thuk lai ve aw.
- Tha thum ing nge mim va nang thum zil veang nge, thaw hial nen a zo lawk ta tong zo veang nge.

* * *

BUANMAN WUNNAH KYAW HTIN
BOHMU ON NGIN
(251-18) LA

La kaikhawm: - Do Ngin, Yangon 1954

Hi late la tatak zong hi ngawl a, taangthu phaw kik na tu a, Bo On Ngin ih phua. (Nu le Pa pianna)

1. - Nu tun pian na hau tawi min thang, ze zum vak ting, ze zum vak ting, do zua pa taw, za ta thin thu zeak ing nge.
- Pa zua pian na sang le lal huai, ze zum vak ting, do kawl tiang taw, za ta nu, ciang daal ing nge.

Sizang kual teng Thuklai khua ah, a kipeam lai, Pu Thang Suan ih peam na thu.

2. - Thei lo lai a sen pu von awng, nah pian na lun ta hi ze.
- Min nam sial a, sing khua nah peam, ngual in sing tawi ta ci ze.

Pu leh Pate ih Limkhai a peam lai, ngal leh sa man a, ngual ih it tekna leh ngalte aphulakna ah, mangthang siat a, pa te nii bek nungta ahi aphua.

3. - Pa zua ngel ting nah tiam lai a, khai tui in laam bang pak kah na ze, do zua pa muan lei sua te.
 - Lei do in kil la khia ta e, zua ngel hawm a ting la ta e, khai tui taan tual a khia e.

Anung talai a pate ngeal leh Sizang haus a teng Loai ban (ngo) a, myo-ok suam tu a kiciam na.

4. - Zua ngel aal bang nah man lai a, zang si lun teng lung tuak ta e, sa le a tong tiam hi ze.
 - Lei do khan lo bang lel hing nge, ngual lan sung ngawl, zua hang hen kol vei hi ta e, kiak na tum a dang ta ee.

Mangkang kumpite ih Buanman ngamteng khuakim khua pamte hong piak sak na thu.

5. - Bat nah ngawl a pu von ngam zang, lei do zua pan, khua kim hawm tel in nei.
 - Sen na pu pa sei ham taang ngual, kiak tu lai lung khing maw ta e, khang sawn ten nah cing ve vua.

Ngam tan sa teng it na la (Nop thong ngawl na thu)

6. - Mi la neam lo, ei la nem lo, kua sawn ih neam saam diam maw.
 - Pu von ngam zang, mel la thei sa, ei zong neam dah taa ning nge.

Thian Pum no lai, ngam nga kik na tu, u leh nau te tawh kop a, a phulh kik na.

7. - Pu von ngam zang muan lei suak sa, phung taw han lung tiam ing nge.
 - Tuai mom no taw han lung kah tiam, ngam zang ngi a zial ing nge.

Kamphen a sep hun sung, Sizang haus a teng tawh, vai hawm Mangkang kumpi te ih, ngam a tan sak sa teng, a phulk kik na.

8. - Khua kim ngual taw lem zawng ing nge, phung taw la ho zawng ing nge.
 - Do lun mang taw ho zawng ing nge, ngam zang sul a hek pheng ze.

Buanman leh Voklaak u le nau sung thusia teng a leptua na

9. - Mim bang pian na man tui hi a, ngua bang tuan na, zo tui ze.
 - Ih phung lai a khau bang nok teng, taang bang pha sak zo hi veang nge, thin lai tui bang tiim ve vua.

Sizang khangno haus a teng tawh, kiciam a, Sizaang sung thusia teng apuakik na thu:

- 10.- Do lun mang le hau ni thum taw, tong tiam ing nge, zang si lai a, khau bang nok teng,tong dam aa zial zo ing nge.
 - Ma bang pat sa, taang bang pha sa, khang no ten ngia bang zom lee.

Ih pu ih pa te ih Mangkangte a do na leh ei ih Japan ngal ih do na.

- 11.- Sen na pu pa ih ngam suan tu, lei do khen tang bang nol ze.
 - Ei khan han lung ih tiam in ne,pan tui pal bang nang hing nge.

Japan te do tu Mangkangte ih levy hongkhon kasap hong tai san hong nusiat na

- 12.- Sia khuang kai tu pan tui za tam, zing ah ma bang pang hing nge.
 - Zing ah ma bang ih pan lai, han lung tiam lai, vai mang sul la hek ta e.

**Japan te ih Sizang ngam hong suan lai, Sizaang mite ii
ih ngaisut na thu**

- 13.- Pan tui phung in vai mang sawm a, ngam zang zin bang ling hing nge.
- Mi za pau in za ta pau in, zang si al bang mang hen ci.

**Japan ngalsung Zomite khat leh khat ki khia a Japan
te hong thathat na**

- 14.- Kang tui lun le pan tui ki sai, ah lai lak a zal hing nge.
- Za ta ih ngual hawm thiam ngawl a, sawn le phung kiak nan nei ta e, thin lai taang bang na sang nge.

**Thuklai khua sung a kilem ngawlna hu in, Sizang levy
lampui mihing 24 Japan te thalup tu in a ki khiakna**

- 15.- Lai tui vang khua lem zawng maw e, thai le nah von, india zang, tual tung ta ze.
- Thai le nah von nah ngai man ziam, khua kim nah ngual, mung bang nong tup thian in ni bang awi diam maw.

**Japan sung, khangno pawl khat in CDA phuan a, ngam
leh lei leh ih mi a hut na.**

- 16.- Pan tui sia khuang ah kai lai a nau bang ah kap tam hing nge.
- Za ta lai a tui bang tiim ten, hen za tam khau bang sut hing nge, ih ngam mun na muang pheang ze.

**Japan ngalnot kik tu a, Mangkangte hong kuan suk
kik na**

- 17.- Leang van sau mang kawl ciang phung ting, do zua pan ma ciang suan e.
- Pan tui ta khuai bang hang nah ve, lai neam phei phung tung la ze.

Menzi U Thawng Cin Thang leh Burne Mangpipa ii a saph ku a phua

- 18.- Kang tui lun le suk tui lun awng, do thiam thil taw nah ngai mal bang hong ko te.
- Sial lum kawl ciang ma ciang suan na, taang ngual han lung tiam hi ve hing ih do vui bang theu thei ze.

Lophei Ukpipa U Khup Lian mangmatna taw thin lian in, Japan ngal do na.

- 19.- Pan tui sai bang ih sawm lai a, khai tui mun pan phei tui a, tong thak ing nge.
- Zangsi lum bang ih sun nah ding, lun zal mang tian tel sang nge.

Japan te do kik tu a SIA (Siyin Independence Army) phot na.

- 20.- Vai mang lai lung ih muan ciang a, pan tui pal bang nang hing nge.
- Taang zong lia zong, han lung ciam a, ih ngam lum bang sung pheng ze.

Japan te khut sungpan, Zawngkong, Suang-Aktuam leh Sakhiang kulpi te lak kik na

- 21.- Ah mi pau in zang si vang khua, vai hut in leang ding ci e.
- Zang si siam in nen pan om a, zang si phu bang kho thei ze.

Japan do na ah, Tungvum ah Limkhai SIA ngalkap 3, Zawng kong ah Mualbeem te SIA ngalkap khat leh Voklaak numeino patangno pawl khat ih thi na thu.

- 22.- Pan tui lei do ih suan nah tu, sawn ni thum hong zal ta e.
- Ih ngam mu bang ih ngai man, do ah zal te, tik a ngil lo ding hi ze.

Japan te ih zaw kik ciang a ih ngai sut nah thu.

- 23.- Taang ngual han lung tiam kik hing nge, ih do pal bang nang hing nge.
- Tung Pathian in nen pan om a, zang si phu bang kho thei ze.

Kawl ngam ngal thu

- 24.- Ngam kuam thuk e, do ngim nam e, taang ngual laam khuang bang thawn nge.
- Taang ngual laam khuang bang thawn ing nge, ngam kuam kot a kal ing nge.
- 25.- Tu kawl tawi luang, sawm taang thaw luang, do lai nga bang leeng ing nge.
- Khan kum sawt a, do lai zing vai, thian in ham bang huai hen naw.

Kumpi te ii min phat na hong piak kah phua:-

- 26.- Vai mang tun nun, nah hawm thiam ti, do thiam thil hong zam sak e.
- Zang kawl ciang le se sum tem nam, kah min tu bang suan sa, luai ah nau bang sang ing nge.

Ka zi kah phua(Daw Pau Neam):-

- 27.- Sang le lal huai, se sum lam taw, nah zua ni thum, ngual lai kan sang kah na e.
- Mun inn ngam lo hai bang ngak tu, taang lai zom hawm, nah tan kom a, zua sau zing mei bang mit ze.

Cing Pum pa kah phua:-(U Suang Khaw Thang, Khuasak)

- 28.- Lia ni thum ham bang huai tu se, tin khat mun na muang ve te.
- Mun na muan bel muan tui bang tiim, nah cin mang zal ma sa ze.

- 29.- Kawi awng nga bang kah len do ngam lei a, kah kaik ding lung lau ve te.
- Thian in huai a siang zong thei a, sen kawi sun nau bang kang nge.
- 30.- Taang bang dam ding kah ngai man na, do lun mang mal bang ko ing nge, do sau mang se sum se nge.
- Vai mang zua pan tong hong sua e, taang bang dam a sen pian zil kik ding ci ze.

Bo Thian Khaw Khai zi kah phua(Daw Ciin Za Cing):-

- 31.- Taang bang dam ding lung muang maw a, ni ngel sam bang zal khawm te.
- Tun leh nah zua lai zawng hi a, ho lung an bang, kum hi ve te, ni khat zin bang ling hing nge.

Zangkung khua Zomi upa kah om pui teng kah phua (1954):-

- 32.- Von ni thum le hau ni thum taw tong tiam khawm a, kawi mang kul sin ngil pheng ze.
- Kawi kiak ni a lai taw tiam ngawl, von taw zin bang ling ing nge.
- 33.- Sau taw tial taw, tin le tuai taw, phung taw ngawl zin bang tha nge.
- Zin bang thak ni phung taw tiam ngawl, za ta phu lum phul bang ze.
- 34.- Zang len tual a khua min thang bel, kawi awng nah kiak na hi ze.
- Kawi awng nah kiak lung sik lo aw, pu pa thei lo kul sin zal, lam dang hi ze.

Thian Pum te nupa kah phua (Daw Niang Pum):-

- 35.- Mim phung lai a thal bang suan bel tuai lun awng, sen kawi um bang khuai ve te.
- Nah kawi tha kiak ngai kah zak nin, phai mit sing maw lai veang nge.
- 36.- Nah kawi lian nu ih sial lai a tin kawi in lo bang thual ze.
- Kawi ngel tha kiak kah sial ciang a, ngual lai ze zum kah nang nge.

Ka u Suan Dim kah phua:-

- 37.- Kah tinlian nu zua taw khang khiap, hau lai a ngai sial awng nge.
- Von mang sawn mang nah sial lai a, tuai lian nun lo bang thual e.
- 38.- Kah tin lian nu pham kah vak ting, zang len tual pan, nah tong nau, bang sang ing nge.
- Nah tong nau bang kah san ni a thang tio kawm pan nau bang ka, law lai ing nge.
- 39.- Nah tuai tha kiak ngai nah zak nin, von ni thum le tuai mang nong seh sial nam maw.
- Tung Pathian in lum bang sung hen, tin siang tuang tung lai leng aw.

Kah u Vum Vung kah phua:-

- 40.- Sa nga he huai tin lian nu awng, dei taw kan sang sa awng nge.
- Ang lai taang tawi nah tan kom, kiang kiak ni a nah sau zing mei bang mit ze.

Sizaang Ngeina Labu

- 41.- Kiang kiak nu a phung nah kawi taw, nun bang nop nan lawm sang nge.
 - Ham bang huai tu von nah kung hawi, do ban zal a hul ta ze.

- 42.- Kawi ban sam ngel hai zu zawng awng, kum sawt ngua bang hing ve vua.
 - Nah sawn thei sen hai bang nah nga, thian in ci bang hawi hen aw.

- 43.- Nah tuai lian nu nah ngai bua ziam, pham kah tu a nah min thei la lo hi ze.
 - Ziat le vei tong zo mun om ngawl, nah tuai ngial bang khing ta ze.

Kam Za Dal nu kah phua (Daw Suang Ciin):-

- 44.- Mun zang zo zam tin ngual kawi awng, nah tun nah ngai bua ziam maw.
 - Zang tui a nga bang nong len lai, nun bang ih nop lai hi vak e, tu le dai a dam ta e.

Lam Khua Zam nu kah phua(Daw Ciang Man):-

- 45.- Tun ang tawp na kah tuai lian nu, phung nuam a zin bang tha nge.
 - Phung nuam a zin bang kah thak awng, zo tui a kiang mang awi te.

Kam Za Cing kah phua:-

- 46.- Kah ang pan piang von lian nu awng, lia khat sawl bang hei hi ve te, inn bang nah he bah nam maw.
 - Nah tun tha kiak ngai nah zak nin, nah sua mang le lai teng nong se sial tu ve.

Bo Kam Tun kah phua:-

- 47.- Kah tuai ngual kawi do lai thang sa, kah sau zing vai hawm awng nge.
- Kawi kiak ni a tuai lian nu taw, vang khua va bang phawng awng nge.

Dr.Kam Za Dal pa kah phua (U Thuam Pau):-

- 48.- Kawi pham ti a zang len tual pan tin kop mun na hil ing nge.
- Inn bang he man van lai tuang lam, do tun nu se, sum se ve te, ni khat hong tuang tung ve te.
- 49.- Za ta phei phung vai mang nel bawl, tuang lam dawn bang tuak khia l nge.
- Tha kia tu a kah min thang e, thai le von zin bang ling ta e, tin awng na mel hong mu nge.

Lung zuan la Tiddim khua kah phua:-

- 50.- Dim tui vang khua do tong hawm na, kawi taw hei na, ngai veang nge.
- Dim tui hau ngual tong luang te le, sen kawi mel, mu tan ing nge.

Yangon khua Tamata pa Dr.Ba Oo inn ah kah min phat na Wunna Kyaw Htin kah lak lai kah khua ngai na.

- 51.- Kawi kiak nu a vai mang hawm tel, duang ah sawl bang, haang veang nge.
- Sau pan laam bang, hong paak pui tu, kawi le phung, vang in kam e.
- 52.- Vai mang sua pan laam bang pak na, kah pal law, za ta laam bang pak ta e.
- Za ta zong laam bang paak thei a, kawi awng koi a nah haw ziam.

Sizaang Ngeina Labu

- 53.- Mim bang pian na man tui hi a, ngua bang tuan na, zo tui ze.
- U le kah nau, vang khua ni ngel, sun na mu bang ngai hi veang nge, sun khing an bang hawm thaw nge.
- 54.- Kawi pham ci a,zang len tual pan,ih phung mun na hil ing nge.
- Taang bang dam a thian in siam hen, phung siang tuang tung thei leng nge.
- 55.- Sen min law na sawn mom no awng, tha kiak taang bang pal sang nge.
- Kawi kiak taang bang na sa veang nge, sawn mang in lo bang thual e.

Ah nuai a la teng Pu Do Ngin ii ah nu Pau ah phua hi (Nu Pau Neam)

- 56.- Sen tun luang a tun min law awng, nah vang lim sawl bang beal nge.
- Tun awng nah min kong law luang a, von lian nu min lo ing nge.
- 57.- Ah mi nam tin ngam bang man na, tun kiak na, vang khua lian e.
- Tun awng inn bang he heek in na, vang khua lian taw, nah min thang khawm ze.
- 58.- Taang bang dam ding lung muang maw a, tun duang lai sa, bang at nah keek, do sua pan, thian zo lo ze.
- Sau min thang a nah zal pui te, taang bang dam siang zong thei ze.
- 59.- Nah kiak ni a sing tawi phung taw, sau pan sun, nau bang om nge.
- Taang ngual in ken, lam bang lawi e, tuai ni thum taw, ih siang dai dam kah nang nge.

* * *

BUANMAN CHIEF - PU THIAN PUM
(141-23) LA

La Kai Khawm: Pu Ngo Ko Khai, Yangon

Pu Pau Khai aphua:-

1. - Tuan a pu von min awng ngei, thin thu tai - nga, lun na khan ngual khup awng nge.
- Na tai nga le sial lum kop a, khua ci teng sia, khuang kai te.

Ngal thang khua sa aphua :-

2. - Phung teng ham bang na huai na tu, ngal ciang vang khua sat awng nge.
- Ngua bang tuan na ngal ciang vang khua, nun nop na sial na hi ze.
3. - Tuan a pupa vaa bang pau a, ngam zang a deih zial hi ze.
- Mun inn ngam lo daw tam awng nge, khua kiim te'n et cim la ze.
4. - Sun ni taw kim leido mang in, vang khua khuai bang suan taa e.
- Pu von tui bang na ciim kom a, leido lun taw lem zawng kik a, zo tui vang khua, sat awng nge.

Ngal zaang khua sat a phua:-

5. - Pu von na hawm, thiam lalawm me, khuakiim ngual le sam tui ta'n lim, bang bang bel e.-
- Phung zang peam teng na khual na in, ngaltui vang khua sat hi vet te, sam tui ta lung tai sak te.
6. - Thei lo lai a hau tong hawm te, mun inn ngam lo a ngai man a, thin thu zu bang , sia sa'ng nge .
- Mun inn ngam lo zang si lai a, bat na ngawl a, zing vai bang tham, tam sa'ng nge.

Pa Za Khup than let song :-

7. - Zua awng lo bang na hin lai a, tai - nga se tui bang ciim ve te, zang si na ngual siiing awng nge.
- Bel lun mang in laam bang paak na, kawl ciang dei ang, a sia te.

Nu Neam Mang:-

8. - Miim bang pian na nu tun mang awng, ang lai hong tawi thiam vete.
- Von teng khan meal cian man ngawl a, tun tha kiak pal, lua sa'ng nge.

Pa Tapidaw suak:-

9. - Tun kiak nu a ka zua mang awng, awmlai na paai, a kua te.
- Von teng ma-ciang na patna in, lum bang sung tu thian mang lim sawl, bang beal te.

Anu le pa thi pal:-

10. - Tun kiak zua kiak a pal kom a, sa nga thiam bang, sin ing nge.
- Pa zua luang a, nu tun luang a, tuai teng sun nau bang om ing nge, ngual taw tan bang kim sak nge.

Hausa sep:-

11. - Pu pa khan ngui ka zop na in, mom mil mial a, phung lai zing vai hawm ing nge.
- Mim phung puan bang huai ih veang nge, lim sawl bang lia, kik ing nge.

ဝဏ္ဏကော်သင် Bohmu Awn Ngin:-

12. - Thal bang suan bel ciin dei mang awng, zua taw zing vai hawm hi ve te, vai lun dawng kong hong ve te.
- Thin lai tui bang na ciim kom a, mi ci lun tawh lem zawng ve te, na tongdam za, ta'n bawm e.

13. - Pu von ngam zaang hau ang zal sa, ciin dei in tang bang phong te.
- Zang si hau ngual taw ciam hi'ng e, thin thu pha tui, bang ih ngawm na pu pa khan a, mei bang mit sa, ngam zang hen kol, sut hing nge.

Azi Niang Pum:-

14. - Sanga tang bang ka nat kom a, lun lian nu ang, a sia' nge.
- Lai tui ka phung ni thum lai a, tong dam sua neam, ka na ze.

Azi le ata thi:-

15. - Sen kawi lian nu ka ngai man a, lei do thiam thil aw ci 'nge
- Min seal von min lo ding ki sa'ng, tung Pa thian in, tun taw ngi bang, zial khawm ze.

Shield:-

16. - Kawi min law na taang ka lung tup, laam bang veal tu, sing tawi ngun sa, thung bang ze.
- Vai mang thiam thil al si bang tang, se sum tam se, zata'n lo mei bang bawm e.

17. - Sin a siat sa lung muang la nge, pai va taw tang bang phong nge.
- Sang taw tua sang lal taw zial sang, ngai ngim thin lai phawng zaw ze.

Azi Cing Za Vai:-

18. - Ngai khua nau bang ka ki theam na khai tui lia mom,zial ing e
- Nun thum a tul cim ngawi lai a, von mom no tuang, nu sia te.

19. - Dim tui mual huam za ih lai a, mi sing tong dok sa ing nge,
- Lung dei thai lak lia lung zuang in, ka min thei bang, sen sak te.

Azi Hau Khaw Man:-

20. - Khan tuak khial a kawi ngeal sial nan, phung lai lia neam, zial ing nge.
 - Thian in ni bang hong awi kom a, von dei ngeal cing, kik ing e.

Japan:-

21. - Pu pa thei lo leido tum dang, pantui lun hong, khang ta ze,
 - Ngamzang lum bang sun na tu a, belh lun taw tong, ciam ing nge.

A peang liam:-

22. - Tang ka ngual khuang bang thawn ing nge, leido pat bang nang ing nge.
 - Ngamzang lum bang ka sun na in, leido pat bang sai hi veang nge, do ban zal a, vul ing nge.
23. - Zangsi sial lum kan saang kik a, batphu zon ni, do awng na neam, lei nam maw.
 - Tun le na zua thai le na von, nau bang a kap, lei tu ve.

Thau Letsong: -

24. - Leido pal bang nan na le Chinthu zeak thiam, cio dung tawn a, za lai a, thang ing nge.
 - Vai tun nun lam bang paak aa zang khen kawl ciang, lun ki dem na, ang lai a sia, zo veang nge.

Thuklai S.H.S:-

25. - Pu pa khan ngui ka zopna cing, khua kiim lun taw, zangsi zing vai, hawm ing nge:
 - Taangno ki tawi na tu a, thiamthil sin na, sau phung cing le ning dam sau ngual, zo ing nge.

Thang sung sang Motor lam vawt:

26. - Zangsi ngual khuang bang thawn ing nge, khua don tuang lam, tam sak nge.
- Zaitha dih nang bang neam lo sua, mi za i neam, na tu ze.

နိုင်ငံခေါ်: sung ka lampui na:

27. - Zotui kuam a ciām pui ngual taw, lun lai ma ciāng, sat ing nge.
- Thinthu zeak le tongdam kop a, kuam zai lim sawl, bang lia' nge.

Chief Lian Thawng:-

28. - Zangsi lai a va bang pil bel, mi za zing vai hawm awng nge.
- Na kiak nu a hau na tai-nga, tun nawi bang ngoi, zo ing nge.

RSM On Khaw Khai:-

29. - Pu zua tawp na tuai khat tang awng, paiva law na, tuai sung inn a, zal awng nge.
- Thai ang siat len ci phung sim ngawl, von ngeal ka luan thi hi ze.

Captain Suang Za Pum:-

30. - Pa zua lai zawng tuai lung zawk aw, do kawl ciāng a, zal awng nge.
- Zo dam lai khun in nei ve te, va al sun khing, an awng nge.
31. - Sial lum kawl ciāng na law pui ten, thai le von ma ciāng suan ze.
- Ngual in na min lo pan ci nge, ni khat meal mu tan ing nge.

Zuak sum van:-

32. - Zang mang thin thu tum dang leau ze, za ta lang la lam kang bang tom a, mi za sun nau bang kap ze.
- Tang ka lang lam, ngo thul siat sa, lun tong hawm a, ni khat hui si in len ze.

33. - Lia neam hanlung na ciam kom a, thian hawm tel a, ban thang sung dip kik hing nge.
- Tong dawng maw a ka zal zong a, ma bang pat sa von teng laam khuang bang thawn in na, thian mang mun na ko po aw.

A THIPNA:

34. - Pu pa khan a, khua ci teng sia khuang kai a, mun inn ngam lo lang lam ngo thul a sia ze.
- Tang kei khan a, sua hawm tan pian ngui zop nan, Dim tui kuam in ka min thei bang lo ta ze.
35. - Tun dok luang in hau ngual tong mo bang dong nge, sua dok luang in vai lun dawng kong hong ing nge.
- Sen na pu pa za ta taw ka ciam luang in, ban zal ka kai do thiam thil taw ciam ing nge.
36. - Thian tong zeak a pham le hing ih khen ta le, thian phung tam le, tuai le von mun muang veang nge.
- Tuai ni thum teng mun muang a nei zo ing nge, thian awng suan ngua bang na ha thiam lai ven maw.

* * *

BUANMAN PU TUN HTAWNG
(130-23) LA

La kai khawm:- Pa Suak Za Nang; Yangon.

1. - Pu von nang khan a, tuantui mim bang piang e, Laitui a ngua bang tuan ciang a, mim phung suan ngua bang a, cing kik hi ze.
- Ih mim phung le va bang pil hi ve e, Buantui a ngua bang tuan a, mimphung suan ngua bang a meang hi ze.

2. - Ih vang khua le lum bang sung zo ta e, al bang le man na tu a, lei do ta mung bang na tum hi ze.
 - Lei do tum dang le leng keel bang kang hi ve e, kawl ciang le tum a dang a, mimphung teng ngua bang hong mon hi ze.
3. - Khua kim ngual in ne, al bang mang hen ci a, al bang la ki mang maw a, do sak luang thing bang na phom hi ze.
 - Phung teng mal nu a, lei do a phung cing te se, Lai tuk suan ih khua mual a, kul sin a ngul bang a lum hi ze.
4. - Sei no kei khan tang bang na sa veang, kimpui ka ngual lai a, lenpui ka ngual kai ka zah hi ze.
 - Kil bang khang a lei do pat bang sai, ngam kuam khau bang kawm a, meal mak ngam meal, a ka mu hi ze.
5. - Kim pui ngual aw lei bang leal lo vua, tang pa ka lung tup ze, vaithiam thil nau, bang ka sang hi ze.
 - Ka tun mang awng khua na ngai lo aw, pa zua tha kiak nu a, thian mang awi in, von mang ten al bang ta ding hi ze.
6. - Paan tui lun le khuai bang hang vung vungh, pian ngui ka zep nan ne, sak le thang sa bang ka kawm hi ze.
 - Kawl tui lun ih, laam bang hong pak na, kawl ciang kaang sia nge, pupa khan ngui ka zep na hi ze.
7. - Tung khai mu le hi lo a, vai lai khai mu lo buang a, thiam thil khai mu za lai zing vai hawm a, thang van nuai zing a ka zin hi ze.
 - Zo suan zing vai ka hawm na, kawl tui ngam zang sing in mo bang dong e, ka khan han lum a khai zo ing nge.
8. - Lai tui suan piang, tuan pu pa ten, awm tui vaang khua sat ta ze.
 - Vaang khua sa na, Pu von min teng, vang khua lai a, khua thiam phuisam nan nei ze.

That Khup	1. Pu Lio Thang (Song Sui)
That Khup	2. Kim Dong
Mang Thuam	3. Kop Thang
Khiap Thuam	4. Tawn Thuam (Tual teak)
Khum Awn	5. Sang Khuai (Phui Sam)

9. - Sen a pu von khuai bang hang teng,kang tui lun lai sai veu te.
- Ngua bang mon na lun tui vang khua, tu le meal a mang maw ze.

Major Cin Za Pau Nu (Nu Vum Khaw Dim a phua):-

- 10.- Kawi awng ngai khua na tua lo aw, tun bang sam a, sau mang zing vai hawm ve te.
- Kawl kawl zing vai hawm thiam ci a, lung dei tui bang la veang nge.

A nau, Nu Cingh Ciang aphua :-

- 11.- Pi sei min law, ka tuai lian nu, lun phung puan bang na kawm mun na, ang kawi hawm a tan ve te.
- Ma naw na phung neal bang hau a, tuai aw thin lai phu bang kho aw,thian in lum bang sung tu ze.

A sua pui, Pa Hau Za Kim Lai a phua :-

- 12.- Puu'n min law na, ka tuai mang awng, sen mom lai a, tun taw al bang mang ve te.
- Tun tawh al bang mang hi ve cia, khua kiim ngual tawh, len tu sang bang vak ta ze.
- 13.- Tun tawh sua kong, hong kik thei cia, sam tui bang puak luan thi tui bang kang thei ze.
- Kii bang khang a, khai tui pan khau bang cia ve te, meal mak ci a, vai lun in hen kol bul e, sua tha kiak zong meal ma te.

- 14.- Phung tawh ciam a, ka tuai lam khuang bang thawn tang vaai maang thiam thil sin sak nge.
- Vai tun nu tong sang hi ve tu phak sap ngam a, thiam thil sin ngia bang zom te.
- 15.- Lung tup ma bang tun lei cia, hawm tel kan sang ma zap hui khau bang zom te.
- Kaan saang ma zap, vui khau bang zom mual tawh tan bang kim ve te.

A nau, Nu Son Thian Khaw Vung aphua:-

- 16.- Pu von min law tuai lian nu awng, na omh lai min thang sang nge.
- Lun phung puan bang na kawm ciang a, von dei paak bang tawi hi ve te, thin lai lung muang ka po aw.
- 17.- Von dei na toai sing in sam bang zal sak a, tuai awng na di tiim la te.
- Von na tawi te thian in lum bang sung thei a, han lung ciam na'n lawm sang nge.

A suapui no bel Pa Thian Za Mang aphua:-

- 18.- Ka tuai a thei sen bel awng nge, sen mom om lai, na vei kom a, thin lai ngua bang tak la ve.
- Thin lai ngua bang tak la ma cia, thian in awi e, von dei hong tawi thiam ve te.
- 19.- Von teng va bang, pil na tu a, (thian mang awi in)ciin ngeal mun ah muang veu te.
- Von teng kil bang hong khang hen a, va bang hong pil thiam thei na le tum bang huai ciang, von ten al bang ta tu ze.

A nau seal Pa Cin Nang aphua:-

- 20.- Zua min law na tuai khat tang awng, sa nga tang bang a nat kom a, Ciin in ma ciang hong suan nge.
- Pupa thei lo tuang lam sau mang na hual thiam a, phei phung suan a, baang thei te.

A Ni te thum aphua:-

- 21.- Ni nu ni, thum hau phung siim awng tang tawi hawm tan tek veu te.
- Sawm ka ci tu vai bang kam a, min law hawm a, tan ing nge.
- 22.- Sen ka ni nu 2 ngeal awng nge, khai tui lun phung siim awng nge.
- Omh lai paai bang kua hi ve te, ngai khua sial a, pham ve te.

A ta min seal Major Cin Za Pau aphua:-

- 23.- Ka von a min seal awng nge, len pui za tam ngual ta tak a, lun min law na sang thei ze.
- Pu pa khan ngui ih zop na'n do pat bang sai, thian mang ki bang suang po aw.

A tanu lian bel Ciang Uap aphua:-

- 24.- Tun min law na ka von lian nu, thiam thil sin na len pui na ngual sing ve te.
- Zai la oih thiam na min in van nuai thawn e, Thian mang thin thu khau bang sut na'n mang thei ze.

A tanu Mang Mann a phua:-

- 25.- Pi sei min law von lian nu awng, na thin lai lim bang lian ze.
- Tang tawi bang a mun kong muan awng, ngam vang la a, ma zop maa lo bang pan te.

A tanu Cingh Za Vung a phua:-

- 26.- Ka ciin lian nu, min thei law na, von lian nu awng, sai kim na ngual huai ve te.
- Ngual taw ho zawng, sawm sial man e, na ngual lai a, sing ve te.

A tanu Khup Dawn Cing aphua:-

- 27.- Pu von min law, von lian nu awng, na lung tup sial bang lian e.
- Lung tup ma lo bang tut na hu zai tha zeak thiam thian mang thal bang suang ve naw.

A tapa Pum Khai aphua:-

- 28.- Mim bang pian a, om lai vei ka von mo awng, kiil bang nong khang, thei nam maw?
- Kiil bang khang a, vaai thiam thil sin, ma bang tut tu, thian mang mun ah muang ven naw.

A tanu nobel Cing Cing aphua:-

- 29.- Ka von a lia, neam no awng nge, tum bang huai kuan, thian mang hawm tel, kong saan aw.
- Tui bang ciim nop, lia na lung tup, thian in lum bang sung hen aw.

A tapa no bel Lian Khen Dal aphua:-

- 30.- Ka von a thei sen bel awng nge, sen mom lai a, ngai sial maa lo bang pan te.
- Pham ding thel bang, tho kik ve cia, hei na po ah, thian mang paai tem bang kua aw.

A pian na Nu Hau Ciang aphua:-

- 31.- Pu von ci suan ci bang tawp na, sen ni nu awng, von dei hong tawi thiam ve te.

- Lang na lum le sau mang an bang na it man, sau tawh kam mei suak khawm te.

A pa te aphua:-

- 32.- Ka zua lai zom phung cing na keak zin le do a pham siat ze.
- Pu pa khan a thian awi ngawl ta hi ziam maw, thian aw dal ngua bang ha aw.

A tupa Pa Ngul Khai aphua:-

- 33.- Ni nu von tawi ka sawn mang awng, do thiam thil a vul awng nge.
- Min law pu von khuai bang hang na sial ciang a, thin lai khuai bang hang sak te.
- 34.- Sawm awng tui bang ciim hi ve te, thai le von le phung teng na huai thiam ve te.
- Na zua sau sak khuam bang lai na, na sau suan et lawm sa nge.

A sungh pa U Thian Pum aphua:-

- 35.- Ciim mang tui bang ciim bel awng nge, zua kiak nu a, phung teng huai a mi za zing vai hawm ve te.
- Zing vai hawm thiam na min in sing khua thawn a, mi za tong mo bang dong ze.
- 36 - Mom mil mial a, pu pa khan ngui, dung zil ve te, zangsi lai min thang ve te.
- Tun le ih zua kiak nu a, phung lai zing vai, na hawm thiam taw, tuai teng ko liang mual suan te, Pum Khai ka von in min lo ing nge.

A Pano, Pa Son Thawng a phua:-

- 37 - Do ban zal pham ka zua thei sen khua ngai lo aw na tiin nu, bat phu tui bang lak sak ze.

- Khan meal cian na, na ciin mang in, lei do sim lu, beel bang suang a, khua mual a lum suang phut ze.

Capt K.A Khup Za Thang (Rtd)aphua:-

- 38- Sen ka len pui tuai ka min law sei no napiang dang sang nge.
- Ho tong tong neam zaila oih thiam, tang le lia mang bang bawme.
- 39- Kil bang khang a tang bal bang pil, len pui lai a, sing ve te.
- Sa nga va bang na pil kom a, tuai le von mual ko liang suan te.
- 40- Pu pa pian ngui meal mang ngawl tu, tang phung bang ciang zo ve te.
- Thel na phung cing za tam in lam bang veal a, phung meal mak teng, cian tel lem a zawng thei ze.

Lt.Col;E.K.Kim Ngin aphua:-

- 41- Pu von ang kawi na nu ciang te, neal bang hau le, tai nga se a thang hi ze.
- Pu pa khan a, lun min thang sa na hi kom a, zo kuam zing vai hawm thiam ve te, zo kuam mun muan na'n nei e.

Lt.Col.Khai Mun Mang a phua:-

- 42- Lai tui von tawi hang tui min thang phung in lim sawl bang beal ze.
- Za tam zing vai na khual na'n, zo tui kuam a, sing in tong mo bang dong ze.

Major General Tuang Za Khai aphua:-

- 43- Zo tui suan ih ma bang tut lak, lun tawi kil bang nong khan ciang a, min law kan a sang bel te.

Sizaang Ngeina Labu

- Pu von min law thin lai lim bang liap sak aw, ngual lai kan sang, suang sawn in na, thai le von taw, kum sawt ngua bang hing in naw.

Wunnah Kyaw Htin Maj.On Ngin a phua:-

- 44 - Mi za tong dok hau zua pa awng zo dam kuam ah thang awng nge.
 - Ngam zaang hen kol ih sut na tu phung taw ciam a, hau lai tai nga ciang ve te.
-
- 45 - Hau lai zing vai na hawm thiam thian in awi a, von na tawi le lang lam ngeal a, cing ve te.
 - Von na tawi tengtang bal bang pil, thiam sak a, mu van lai bang, ih ngam kuam teng uap thei ze.

U Suak Pum; (Sizaang Circle Chairman) aphua:-

- 46 - Sawn ni thum thei, seen bel awng nge, Buantui vang khua, na ngai man a, vang khua hai bang ngak ve te.
- Zaang ngam kuam, zing vai na hawm, thiam ve te, lang na lam taw, miza lai a sing ve te.

Chin State Health Director; Dr Kam Ya Dal aphua:-

- 47 - Nu tun ang pan khat tang a mim bang piang a, kil bang khang a, tuai awng na min thang sang nge.
 - Ning dam thiam thil na sin na, kang tui ngam pan, len pui na ngual sing hi ve te, mi za nun nop na'n nei ze.
-
- 48 - Thei sen sa nga ka sial na'n, tuai taw von taw sawn mang teng taw, tui bang ciim tu lai dip neam a, laam khuang bang thawn nge.
 - Va bang pil le tui bang ciim tu ih phung tu, tu tawm cian tel ven vun naw, thian awng dal ngua bang ha aw.

- 49- Pu Pa khan a meal mak ta le zangsi ngual in, al bang mang aw hong ci ze.
- Sing awng ni (lei) bang nong el zong a, thian mang lum bang hong sun kom a, hen kol khau bang sut thei nge.
- 50- Ka kawi tun nu tui bang ciim awng, ang kawi kuang kim hing hi ve te, na tha kiak pal lua sang nge.
- Na kiang lo bang hing hen aw, ci lai tak a, dawi ai vei a, ni khat al bang mang ta ze.

A THIPNA:-

- 51- Sim lei nun nopbang a muam bel ziam ci leang, thai ve von taw tang bang dam nun leang nuam ze.
- Thian mang thin thu khau bang a sut thiam po leang, pham zong hing zong nun nop ma ciang nawt hing nge.
- 52- Mi ci zing vai hawm na le, thaw lo ma zap, ma bang tun tu, sial za tam ki peal maw e.
- A sial za tam zing dal bang nawk lai leang nge, thian zai tha taw, ma bang a tun zo leang nge.
- 53- Thai le von awng huan tu bang na cing thei le pu pa khan ngui meal mang tu ki lawm lo ze.
- Khan ngui zop na ngui bang a sut ning ci leng zangsi lai a, sing ngual ih ngen sa hi ze.
- 54- Pu pa khan a sang le lal kan sang ta e, tang kei khan a, ngual taw lem a zawng veang nge.
- Pu pa khan a zing biak ma ciang sat awng nge, tang kei khan a, thian biak ma ciang nawt veang nge.
- 55- Pham maw hin na thian von tawi kan sang zaw e, thian mang von tawi nau bang a sang tek leang nge.

- Thian mang von tawi nau bang a sang tek po leang, pham zong hing zong, nun nop ma ciang nawt hing nge.
- 56- Pu pa khan ngui zop na tu ka zai la awng khang sawn mom no te lak a, ki hil ven naw.
- Thei sen pian ngui tang phung bang ciang zo veang nge, thian awng sun ni bang hong awi ka lai ve naw.

* * *

BUAN MAN CAPTAIN K.A KHUP ZA THANG
(157-23) LA

La Kaikhawm: Pu Ngul Khai

1. - Mim bang pian natuan pu pa awng, zang si taw lai zawng awng nge.
- Di ih zial a al bang man ciang, phung siang lam bang zong awng nge.

Sial-lum a phua:-

2. - Ngam lai kuul taw tul ngeal kal a, phung bat phu tham na awng nge.
- Thin lai ngil ngia na sawn mom no, meal mu luan thi nawl ing nge.

Pu En Kham sial-lum a do na thu:-

3. - Tuan pu von awng khuai bang na han, ci bang ih tawm na hi ze.
- Lei do lung lian pal bang nang tu, tang na kawl ciang, lai lung na muang tha ziam maw.
4. - Tuan a pu von khuai bang hang awng, zang tual a ngil ngiak awng nge.
- Thai le na von lun ang lai a, sik mul sua huai ka na ze.

Pu En Kham la :-

5. - Zang ngam lei a ka zua sim lu al va sun khing an awng nge.
 - Nu tun sim sal tang awng nge kam kei in dawn lai law ze.
(A tung a sia Pu En Kham nu aki zuak aphua hi)
6. - Sen pian ngui a sut ning ti lengh,lun khan zu bang sia sang nge.
 - Tuan a pi sei von atawi taw, phung in ngi bang khen ta e, sawm sial pe bang theak ze. (*Pu En Kham a ngai man na tai kik sia Sahang in man hi.-A Nu*)
7. - Von sen an bang na it kom aa, laam tui tuang lam ngam khi sa bang tai ve te.
 - Lian nu na khan zu bang sia e, zin leang kaam kei tuang lam dawn bang tuak ve te.
8. - Pu von khuai bang hang awng nge, bat thu lam bang zong awng nge.
 - Bat phu lam bang na zon kal a, sen na ngual kawi, sing tawi in dawn lai law nge.
9. - Sing ban zal pham sen na ngual kawi, tuang tut kal a, phei lam kuul sin tang ta ze.
 - Lun kawl ciang a, von ban zal vul, tuang tut meal a, na mu ciang a, lun sum tual kawl tei phu te.
- 10.- Thei sen sa nga tang bang na e, pu von in al bang ta ze.
 - Pu von tong dam a neam kom a, tuai taw lo bang hing ing nge.
- 11.- Tun nun thum luang sen pi sei awng, na kiak tang bang pal sang nge.
 - Aw khi min ngei ci ngam bong nge sawn khan meal athei hi le te, laam bang nong pak nuam tu ve.

Sizaang Ngeina Labu

- 12.- Mim bang pian na tun le ka zua, na kiak tang bangh, pal khawm me.
 - Khu va tui bang na von ni ngeal, sik mual sua huai ka nang nge.
- 13.- Sen lim a tun nun thum luai ngawl, tun awng na meal hong ma nge.
 - Tun na lai zom len mual kai a, meal mu ka tun aw ci nge.
- 14.- Phung mal neu le sen sa nga taw, pian ngui ih cing thei nam maw.
 - Pian ngui khau bang a sut ding maw, zua lai zom ngai na veang nge.
- 15.- Tuai taw ngai khua ka tua man na, phung lia mom tui bang la nge.
 - Sol tha det kai man ngawl a tuai lian nu tuang nu sia ze.
- 16.- Thei lo lai a tuan pu pa ten kawl ciang ngo thual a sia ze.
 - Do khan pal bang nang la ta ze, kawl ciang hen kol khai ta ze.
- 17.- Tung pathian in nau bang om e, tuai taw sei sang taang ung nge.
 - Sei sang tang a do lun lai a sial lum le kawl ciang thua nge.
- 18.- Kil bang khan han lung ciam ing nge, do ta pat bang sai ing nge.
 - Tang ngual taw han lung ciam ing nge do kawl ciang tui bang la veang nge, pu von na siang a tun nge.

Japan ten a kiim um na a phua:-

- 19.- Tai khua val tu len mual ki sung do ta ngawl bang kim ta ze.

- Phung min sial in tang ka ngual taw, kei zong pat bang sai ing nge.

A NAW (Communist te 52 man)

- 20.- Sial lum le kawl ciang thua tang tai khua val kuan do kop sak luang, pheak bang zau zo ing nge.
- Thian lun taw paai bang kop tang, kangual thawn tang, lei do za tam, thang zin bang hawl ing nge.

Dim Za Ciang pa (U Ngul Khai aphua):-

- 21.- Siing len duang zui katuai mang awng, do kawl ciang a vul awng nge.
 - Phei phung vaa bang ih bai zong a, bat phu ih tham sap diam mawng nge tuai awng han zai na sa aw.
- 22.- Sen ka lung tup kawl ciang min thang, ka dei ngo thul a sia nge.
 - Sang mang lal mang ka huai bua zong, Pu von siang tun' zo ing nge.
- 23.- Phei phung tawi zang tang ki dem na, ka len pui ngual sing ing nge.
 - Vai tun nu laam bang hong pak na, nuai a hawl suang zan sia nge.
- 24.- Kil bang khan a thian mang hawm tel sau dei khuam bang ngual ing nge.
 - Tun le ka zua leang van kai sa, patang tuan pui nuam ing nge.
- 25.- Pu pa khan ngui ka zop na ze, do ban zal a, ka duang san thi in zial ze.
 - Pham sak luang bang tuang tung ing nge, kawi le von nau bang kap ze.

Sizaang Ngeina Labu

- 26.- Von awng nau bang kong aw awi nan, luan thi ning tui cing bang ze.
- Pham ka tu a lia le tang huai, lun tam phai mit la ve te.
- 27.- Tang bang dam tu ka ngai man na, thei lo teng sum bang bia nge.
- Ning dam thiam thil ngeal cing na keak, von mom phung dang zong awng nge.
- 28.- Von mom tui bang ciim bel awng nge, koi ah na haw ta ziam maw.
- Do ma naw a lii tui tuang lam von mom mal zin bang ko ta e, pham sa a tuang tung ing nge.
- 29.- Tun awng ngai khua hong tua lo aw, na von lo bang hing ing nge.
- Leang van dawng kong phung teng khawl na, tun awng nun in a nuam nam maw, zua taw len na ton nam maw.
- 30.- Lim sawl bang bel phung lun mang awng na tha kiak pal lua sang nge.
- Nong zo nam maw tung leang van pan, lun min law na na sawn nong sa sial nam maw.
- 31.- Tun le zua luang pu von min ngei, ni khat um bang khuai ing nge.
- Pham sa kuul sin tang pan ti nge, va sa thel khiak tai nga ki se tam sa nge.
- 32.- Tun le zua luang ka tun neam awng, ngai khua na sial tam sang nge.
- Von sen teng al bang uap tu a, khan suang sawn a, tik a lo bang hing in aw.

33.- Ka sa nga awng na la lawm ee, phung ih huai a, ngual lai sei sang tang ing nge.

- Vang khua tun le zua mang teng in, ka min pak thel bang laam ta ze, ngual kim kai zak ka nang nge.

A THIP NA

34.- Ka len lai a val tang a ka hei lai in, hau tawi tong sua, nang aw sim sal aw ci.

- Tuan a pu pa ma bang a, a ki pat a, sim sal tang ngawl zang si ta phung lai hing nge.

35.- Mi ci pau len na pian na lam ngeal ci a thian lim sun a ngual taw tan bang kim veang nge.

- Sum bang ka bel thian lun tong a neam kom a lam ngial sa nga ze ka zum lo lai hi ze.

* * *

BUANMAN PU H.Z.KIMLAI (130 - 23)LA

(Kei laphua teng sia, Zo lasak dan kisa thei bek hi.)

1. - Luun ta kitawi, sesum zon na, neem diil dial sau, maang nun nuam nuai a, baan zaal in khe, daan hoi no tawi e.

- Luun ta saang sawn, sesum zon na, min thang dol sing, suan na ngam lei, hing diil dial e, luun maang ziiing vaai, hawm na diing hi e.

2. - Mun zaang lai a, vai maang sesum, kang bang lam diing le, Zo ngam keen liang, a mual kawm a, ta nga sawl bang hei, koi ka ngai, koi ka ngai zaw maw.

- Zo ngam keen liang, pu pa ngam lei, nun nop na diing, seen tam ngual taw, laam khuang bang thawn lai, ke'n la ngai, ke'n la ngai zaw nge.

Sizaang Ngeina Labu

3. - Dam tui dawl na, vai maang pe siik, nau bang saan ciang, zo dawn dam tui zong, kidawn thei pan, kidawn thei pan ze.
 - Kidawn thei pan, mun inn ngam lo, haai bang ngak te'n zong, zai tha sia bang, niang na lai saang, niang na lai sa nge. (*Aaak luai tui laak ka phua hi.*)
4. - Dam tui dawl na, vai maang pe siik, luun maang hawm thiam, nau bang ka saan, hawm tel mang, veng, hawm tel mang veng nge.
 - Hawm tel saang teng, Tonzaang Dimzaang, Khaikaam Bekan, Mantui vaang, Khua, Mantui vaang khua, Valung zong palai, lei daw lang, khen, Leidaw lang khen nge.

**Party Council hun lai a, Sizaang mite ngam vahawm
ulian veu kisuak ih ve, hi va leng na veu ki nei ngawl
tha neam na om va ve ka ci na hi.**

5. - Zo suan a piang, mi lai za tam, ziing vai hawm diing, Luun maang teel a, pui ngua suan bang, ei kiang va zaam, Ei kiang va zaam e.
 - Tung thian maang le, luun maang hawm thiam a, Zo ngam lei a, Zaangsi ziing vai hawm, ai sa teng ngai, Ai sa teng ngai e.
6. - Party luun maang, dei teel te i, ziing vai hawm na, A tong dam in, hi ci aw ci, tua ci aw ci e.
 - Hi ci aw ci, tua ci aw ci a, za ta se sum, a dei siang a, tun thei keen keen, tun thei keen keen e.

Pu Ngul khai (Dim Za Ciang pa) ii H. Z. Kimlai a phua:-

1. - Ka tuun nu ciang, pu von min ngei, khua vai nuai min, thang veu cia.
 - Ngam kuam thuk a, tul dei ci bang, poai hi ve te, Na min in zaang, tual thawn e.

- 2 - Pu pa vaang khua, tu tawm ci a, na zu bang pua, thiam ve te.
 - Phung tuang lam le, dot tui tuang lam, Luun awng na hawm, thiam saang nge.
- 3 - Pu von hawm tel, nau bang saang a, Vaang khua nun nop, na hi e.
 - Thian in suun nau, bang om heen na, Koai taw von taw, kum sawt ngua bang, hing heen naw.
4. - Pu von tha vaang, ni bang taang a, mi za nun nop, na nei e.
 - Khang sawn te'n tu, bang ciin diing a. na khan meal cian, zo ve te.
5. - Lam ngial kiak na, ih vaang khua paw, luun aw an bang, it bel te.
 - Zai tha neam teng, phel bang kho vua, Maa ciang sot mun, muang hing nge.
6. - Ngual in pian dang,aang koai ci a, Na min loai bang thang sak ze.
 - Na koai tui bang, a ciim kom a, phuang aang koai zial, te saang zong, vaang khua an bang, iit zaw te.

A THIPNA

7. - Luun min ngei le, hau min thang, Na ngual lai, a pu von lung tup, vaang khua loai, bang thang bel, ze.
 - Mom no te'n tu, bang ciin diing, han lung na, ciam.Khua tuang lam le, dot tui tuang, lam tam sak te.

*Thuklai khua naa mual pan, Buanman khua dong,
motorcar lam vawt hu a, Kham Nang i hong phua laa
sia, lam dang luilam hi. (Taak khawl la bang dektak
hi.)*

Sizaang Ngeina Labu

- (a)- Laai, ciin, hawm thiam le, pu von min law na;
- Khua sua, tuang lam e, tam na diu deu e.
- (b)- Vaang khua, mal neu taw, et a lawm lo a; Kum, Khua, bei man lo, ngi a zial hing nge.

Ngual Nop la (Zo aw kai a sah tu)

- 1 - Ei teng khawl khawm, nun nuam a khawl, ho kituak e,
Khu va leeng, no bang lawm aw e, no bang lawm aw e
- Khu va leeng, no bang lawm aw e, cio kawm a zaal,
Dam tui luang, no bang lawm aw e, no bang lawm aw e.
- 2 - Vai maang sesum, kui vum a, a leet saang in zong,
Koai tawh taang bang dam, vai lo kuan ma, ciang
kisuan len len, Ke'n la ngai, ke'n la ngai zaw nge.
- Ke'n la ngai, ke'n la ngai zaw nge, ih pa taang nuam a, von
seen sang bang nou, ke'n la ngai, ke'n la ngai zaw nge.
- 3 - Tung ciang sol kha, vaang taang ih ci, Aksi bawm a,
vaang taang no aw, vaang taang no aw e.
- Khua thang cio tui, luan nging ih ci, a kai tam a,
Luang nging no aw, luan nging no aw e.
4. - Ning zu khum no, dawn lai peeng phu, dawn dawn
leeng sam, tui hong phul phul, tui hong phul phul e.
- Dawn dawn leeng sam, tui hong phul phul, Sai sai leeng
len, khuang hong nging nging, khuang hong nging nging e.
5. - Ning zu ih neek, nuam ta buang a, zai dei tawi ding, zai dei
tawi diing, sen khan ngual, ih kum lai naam, ka nu aw e.
- Ih kim lai naam, ka nu aw e, na sah sa, sial, Na sah sa
sial, bang lian a, ngual lian nu e, ngual lian nu aw e.

6. - Nun nuam ci a, ih leel leel diing, bang diing leen lai, aam lo ih hiam, aam lo ih hiam maw.
 - Bang diing leen lai , aam lo ih hiam, tuun le ih zua, Tuum bang a huai, sa te'n zong, leen lai aw ci e, Duang vul lawh lai e.
-
- 7 - Khen, kuan, zaang, ni, bang na kaai kaai, lui tum taang seen, Lui tum taang, seen, vaang ngai, Lui tum taang seen vaang ngai no, Vaang ngai no e, vaang ngai no aw e.
 - Lui, tum, taang, seen, vaang ngai no taw lung zuan naang bang, Lung zuan naang, bang, mal,kia,, Lung zuan naang bang mal kia ta, Mal kia ta voi, mal kia ta voi e.
(Dr. Kam Ya Daal ih a dei mama la khat hi. Ngual tam kikhopna a kisa thei tawntung hi.)

* * *

BUANMAN U NGUL KHAI **(156 - 23) LA**

La Kaikhawm: Pa Suak Za Nang

1. - Thei lo lai a, tuan pu pa awng, zang si taw lai, zawng awng nge.
 - Do khan puak thing, bang lel a, phung siang peam ciang, ngual in sing tawi, ta ti ze.
-
2. - Pu von khuai bang na han kom a, kang tui lun pat, bang sai ve te, al bang ih man, na hi ee.
 - Ih tai nga le, ngual sing la ze, lang lam ham tang, bang thot na le, ih phung tu, tawm na hi ze.
-
3. - Nun thum ka tun, nu awng nge, sau taw kam mei, suak awng nge.
 - Lai lung inn bang, ka he man na, sau dei law ciang, bang sa ing nge tun mang kuul siin, zal pheang te.

Sizaang Ngeina Labu

4. - Ngai sial ka tun, nu awng nge, ih sau neam no, lai lung khin, mawk nan nei te.
- Am vai sial a, ih kot kawl pan, tun kiak nu, a na von ka duang lai zen ze.
5. - Zua awng lo bang, na hin lai a, ngai khua na sial, tam sang nge.
- Lang na lam le sawm tang na thaw, len pui na ngual, sing ve te.
6. - Sen na ang kawi, nu tun nun thum, zua awng na khan, khom la te.
- Kiak tum dang zal, sen tun nu taw, zua awng na len, ton nam maw.
7. - Tun taw ciam ngawl, ka zua mang awng, von teng al bang uap ve te.
- Tun kiak nu a thai le na von sik mul sua huai ka na ze.
(Japan)
8. - Vang khua uap tu, ka phung lun teng, khai tui vang khua, peam ti ze.
- Do lai bat phu, tham zong tu bang, tang tam ngual ten, nu ciang sul, a zui ta zee.
9. - Mi za zin bang, lin lai tak a, phung le ngual, luang do sawl sot, a hei ing nge.
- Do tah khing an, bang muang la ze, ngam kot kawl a, hen tu tong, mo bang dong ze .
10. - Tung pathian in, nau bang om e, kiak tu sam bang, peal thei nge.
- Kum suang sawn nun, bang nop ciang a, thin lai tawl le, zai tha neam na, phung in ka meal, hong ma ze.
(Ngal sung ka liam na)

A NAW

11. - Do ta lan ka hang ci a mung bang tum e, ni tiin za tam thang ngawl bang um ta ze.
 - Sial lum le kawl ciang thua tangh lei do sak luang ih hial nen a al va mang bang bawm ze.

A LA NGUI

12. - Nga bang len pui, tang ka ngual ten, do siang nun nop nan nei ze.
 - Tang kei khan zu, bang sia sang nge, do kawl ciang taw, ka duang san, thi luang ta ze.
13. - Pham hen ci a, do phung cing ten, thang ciang ngawl bang, um ta ze.
 - Lei do za a, tam la lawm e, lung a tup lo, ka do ngua bang phuk ing nge.
14. - Sial lum tawi pui, hau ni ngeal awng, do in ngua bang, phuk ta ze.
 - Do tum dang taw, pat bang ki sai, ci bang nong teal, tuam zia mawng nge, phung lai ei tai, nga sam ze.
15. - Sial lum nuai a, do ih zial lai, hing ka ziam maw, pham taw tan bang, kim ing nge.
 - Sawl tha le si, al nuai a phei phung va bang ka bai kom a, dam tui sun nau bang ka nge.
16. - Pham tu lawi bang, ka than kom a, ngam thang bang vil, ciin mang hong, tuang tung thei te.
 - Inn bang he a, sun nau bang kaa, pham maw lo bang, hing ing nge.
17. - Tang bang dam ding, ka ngai man a, khua ci teng khau bang, kawn ing nge do ta'n ngawl bang, khak ta ze.

Sizaang Ngeina Labu

- Meal mak vang khua, mi phung cing ten, sak luang laam bang, veal ta ze.
- 18. - Tun awng lo bang na hin lai a sau dei mu bang ngai ve te.
 - Tun lung tup lai a nat man na kawi taw ciam a, ka sau khuam thing bang ngual nge.
- 19. - Tun kiak inn bang ka he man na ngam zang mun inn tam sak nge.
 - Tung leang van pan nu tun lau tha von sau sak a nga bang nong leang kik nam maw.
- 20. - Tun awng mun inn, ngai hi ve te, zua awng ngam lo, ngai ve te.
 - Tun le zua min kong law luang a lung tup tui bang tung sak nge.
- 21. - Ka phung lai a, ka zua mang awng, hau lai a kan, sang awng nge.
 - Van sin nuai a, lun na ngual ten, na min paak bang, tawi ta ze, lun tawi na ngual, khup ve te.
- 22. - Lun min thang e, hau min ngei, e, ngam zang hen kol, sul a hei zo, om ngawl ze.
 - Thin lai ngu ling, bang do a han lung na ciam, ngam zang hen kol, na han lum, khai na hi ze.
- 23. - Lia khat lung zuang, sul na zui na'n, lang lam ngeal cing, pii tang bang the, zau ve te.
 - Ciin awng an bang, kong it man na, lang lam tham teng, hoi lam ngia bang, zun ing nge.
- 24. - Thim zin phai mit, sing maw tangh nge, phung lun taw khau, bang sut ding cingh, ciin in laam khuang, bang tho te.

- Dai a nin bang, nong nen na ziam, bat na ngawl a, zai la nong awi, thin thu zu bang, sia sang nge.
25. - Sen tun luang a, tun min law awng, zin leang hen kol, ngiak ve te.
- Zin leang tawi a, lai khun tung a, tun awng lawk bang, tau ve te.
26. - Tun ang von tawi, lai ngeal cing te, do lai a kan, sang tek ze.
- Om lai na paai, a kua te, zin le do mang, tong ciam khawm a, tun kiak tum a, dang ta ze.

A THIP NA

- A. - Va al ka zing thaw luang ado ngam zang a kawl ciang liim lian, tung a thang, van mau bang ze.
Ngual tung tuan nan, lawm sang nge tang ka ngual awng, len ngual phak sap, natu a, kei neam veang nge.
- B. - Lei do ta taw, sun le zan pat bang sai a, tang ka sak luang san thi li, tui cing bang ze.
Phei phung ban sam luan thi taw khau bang cia nge, ngai khua teng po, sa nga thiam, bang sin veang nge.
- C. - Hing na lai a, kam mei a ki vul awng nge, tun tha kiak nan, ka lai tang, bang na a sa nge.
Tung leang van pan, nu tun awng luang tho ven naw, tun na lung tup, sau pha zam, sak zo veang nge.

* * *

KHUASAK KHUA PU KHAI KAM (73-20)
LA KAIH.

La kai khawm K.T Ngo Za Lian

A KAIH

1. - Sen Puvon pon ne, vannuai sing hi ve, thinthu le tang bang pha a, zangsi ta lum bang a sung hi e.
- Mi ci pau teng le, sa bang na sawm ta, pupa siam in lumbang sung a, zangsi sun nau bang na aa, na ngak leng hi.
2. - Mealmak leido paw, vannuai liap ta, tang paa len ka lung lian cing, hau ngual teng khuang bang ka thawn hi.
- Ciampui siallum teng, hai thei bang vut ta, do ta len hong sawm ta zua taw kop hen kol nong bul hi e.

ANAW

3. - Puvon len ka maang zia ci thang bekhi le zangta tendal a kop a thul a sia nge.
- Taang in an bang hawm thaw tangh, zua taw ciam a, kang bang ka lamh tun ang ni bang ta'an e.
4. - Taang in ka tup tung sa veng, lal von tawi le sanglun simlu kop a tun siang ka tut hi e.
- Sang le lal tun siang tut tangh, nun nop sialna mimphung lai ah kil lam mual bang suangh e.
5. - Ciin hang thaam na aw ci tangh, phung taw ciam a lam bang ka zonh hing le ngaw zial ing nge.
- Ciin awng hong luangtho ve aw, na min lawna sa nam kim le hen kop khuamual a suang e.

6. - Tang ngual leng puan bang zawn tangh, phung tam thaam na dota vontawi thual ngua bang ka kai hi ee.
- Hing le ngaw sawl bang kai tangh, kei thavang a sui lung a lau phaimit siing maw ta ee.
7. - Thangciang vaimang aw ci tangh, bat na ngawl panh, vang khua suanh ngamzang hawm taan ing nge.
- Sau le cial lung a ngilh laang, Lo bang lel te, tuanglam tung a, huan thing zaa ka sia hi ze.

A THIPNA

8. - Do hen a zaangtual ka tunh a thang zawm maw sang ka kaa, lal kop ka hen a thang zawm maw.
- A kop a thang, khua vannuai teng hawl ta e, mung bang hong tumh khua kim tun lum phuul bang ze.
9. - Puak bang lel tong hawm awng e, do zuapa awng, na sak luang in zangsi hai bang ngak sak ingh.
- Ka zua luang in do luang pe bang theak ing nge do tun-nu kiang mang na awi na lei ziam maw.
- 10.- Phung taw ciam a ka thang tem nam zun ing nge, lung ka he na nun nuam a heak om ngawl ze.
- Dota vangkhua ni ciin khuai bang suan ing nge, nun bang ka nop lai tak, al bang mangh ing nge.

* * *

KHUASAK SAYA THUK KAM (4-20) TANGTHU
BRIEF AUTOBIOGRAPHY

*A kaikawm: Vuandok U Lua Thawng &
U K.T Ngo Za Lian (Khuasak)*

Hangman nam Pa Awn Tun i tapa keima Thuk Kam in ka tang thu a tomin a nuai aa bangin ka at hi.

Kum 1898 in ka suak hi. Ka pa Awn Tun in Mangkangte hong khan man in ngal a piang a that le a mat luang 7 a ngah hi. Tua luang 7 sung panin taang thau khat le ngal luang khat tawh Falam ngal honna in i zangh tu hi, ci-in hausa upa a vahawm uh hi.

Tasia ciang hausapa Kim Kam' zi, Ngiak Cing thukim ngawl ahi man in hi bangin la tawh a nial hi:

“Ka sawn lal hen nu paamah ka pah sangin sak ciang vangkhua vaivut in leang zaw hen.”

La, tasia a sak ciangin Falam le Sizang kilaklaw phinzangah hong vak, Dakbungte Liim Tuang in Falamte munah a vako hi. Tasia ciang Falamte hong kuanah Khuasak khua hong sim hi.

Tua zawk ciang Pa Awn Tun in Khaikhin khua a kici Htaukkyan khua panin a saiban le a bantawn a hun i pee bek Kawl nupi khat a man laleau hi. Tua nupi le taang thau lawng khat tawh Falam ngal kihong pheang hi.

Tua ngal kong hong tuin That Mun te Pu Kip Lam a pai hi. Falam hausapa' inn a thet ciang Falamte in “Kawl nupi hisia lotho thei na lei tu ziam?, Ama le Kawlte hi si, a ban le a hun bek kipe si ahi ciang, lotho thei ngawl tu hi”, ci-in a nial uh hi. Tasia ciang Pu Kip Lam in tuman khat la ah, hausapa' lei tual a siam sak hi.

Tua Kawlnu in lei a siam ciang in vaphit bang vaseu in a tawn hi. Tasia a mu theampo in a nui a za mahma uh hi. Pu Kip Lam vahawm thiamna bangin Falamte a lungkim mahma uh aa, ngalkong hong Pu Kip Lam tawh hi bangin kiciamna a vawt uh hi:-

“Tu zosia ah ciam a peal zawzaw po, tai te hawmin kihawm tawng” ci-in Pu Kip Lam sia innka tungah a lum sak uh aa, ciangpu

khat tawh a siin uh hi. Tua ciangpui tung pan taite buakah teipi khat tawh thi-lamtaak sapangh meak bangin a tam phuat uh hi. Sizang kual a tu ngalkong hongah a pai Pu Kip Lam in a nuai a bangin la phuah hi:

- “Zing ka zit pui zangmang tunnu banzal pe bang ngawm ta ze;
- Leidote’ ii sumtual tungah tukawl nau bang tawi sak ing nge lam ngual tiam bang nui sak ing.
- Sawn hen thiam le phung lam ngei tawh do ta kankong hong ing nge;
- Leidote’ ii pa taang tungah lawciang khulu in khuh ing nge hen thei sang len thang zaw nge.”

Hi thute sia Khamtung ngamah ki ukna a omma, khua khat le khua khat kido ah, sila intengah a kimat thei hun laiah a ngamtatna uh ahi hi.

Mangkang kumpi hong khan zawk ciangin Tapidaw biakna lam pan pilna hong piakna tuin Kawllai Sang hong phuan hi. Kei zong 1910 kum panin Kawllai sin ka kipan hi. Kum 1914 ciangin Kawllai tan 4 sia a zo nambat khatna ka ngah hi.

Kawllai tan 4 ka onh zawk kum 1915 ciangin Tittaw sangah Kuli ukin ka tum a, kum 6 sung na ka seam hi. Tua kum 6 sung na ka sep sungah Mangkangte’ ii ei a zawng kuli naseamte tungah hong zawnsakna le hong novawtnate ka deih ngawlna hangin Mangkangte tawh thu ka nei hi.

A thu panin “ Tittaw sung lam thak tai 6 Thuk Kam in Kantalah la ta hen” ci-in thu hong pia hi. A dang tai 6 ma Kumpite vawt tuin a koih hi. Kantalah aa hong piak tai 6 sia ka man dongin ka vawt hi. Kumpite vawt tu a koih tai 6 sia kuli a ngah laak huin a man zo bua hi. Bang hang in kuli ngah zo ngawl ziam, ci leh, tua laitakin Indaung ngamah sai tang hang lian tapo khat in innsai le mihingte vaiin a om hi.

Tua saitang hang in mihing 4 bang thatlum zo ahi man, “Tua saihang na kap lum zo leh ngun 300 ngah tu ni hi” ci-in Tittaw mangpa inhong khaam hi. Tasia ciang kei zong tua saitang hang sia

Sizaang Ngeina Labu

sai thau tawh pai vangiatah, ka mu poma ciang ka kapah, ka kap vawk pai hi. Tua saitang hang kah ka-lupna hangin hi la ka phuah hi:

- “ *Vuisai limlian ngamkhuai bang hang zang tawi baal bang mal ve tia;*
- *Miza zin bang ling sak na tia, taangno kei thanna hi ze”.*

Tittaw mangpa Allen in tua saihang ka ka-lup man ngun 300 hong khap sasia, “Licence om ngawl hi”, ci-in hong dem vawt ih tung sia ah, ka lam vawt thaman hong khak tan lalai hi. Tua ahi man “Mihing tetek hi bangah kitteam tu hi ziam”, ci-in Maymyo ah Tittaw Menzi zum le Sagaing ngam uk Menzi zumah ka khia hi.

Tittaw menzipa le Sagaing menzipa in ka thu uh hong sit ciangin keima in hong zo sak bek son ngawlin tua Tittaw Vuandokpa le Tittaw Mangpipa sia a za pan a khia hi.

Tua ahi manin hi bangin la ka phua hi:

ANAWH:

- “ *Do min ngei ni bang luunta sesum paal bawh kang bang ka lam mealmu hawm in tan sak ze;*
- “ *Do luun lai tai nga tu tang leido zuapa lam bang kai e, hui bang ka mau sak ze.”*

Tua hun laitakin Tapidaw sang pan Kawllai hong phot sak sasia, “Kiphiat kik” ci-in ka za ah Kawllai man phatna a bo tu ka launa in Tittaw pan ka nasepna ka nusia ah mai sangah ngam le lei a tu makai ahi tu khangnote Kawllai hilh tong, ci-in ka kipan hi.

Tua laitak phaphotin (kum 1918) Subedar Bo Mang Pum in sai a sawm hi. Sai vai tu, inn pan ka kuan ma uh in, Bo Mang Pum in thu hong piakna panin “Tuin ka u ka nau awng, thiphu ka tuahna tuin sai khat ka deih manin noteng hong paa ka hihi. Ngam sung i thet ciangin sai i sih aa ahi leh, keima in ka deihna mun khat kong kap masa phot tu hi. Tua zawk ciangin no nong kaa huan pheang tu uh hi. Kei thau ngin main a nging sak na om uh le, ka sai sawmna sum bo teng hong lio tu nu hi”; hong ci-ah sai sawm na in khuital lian hial tapo khat hong ngawh hi.

Tua tungin Kawlngam sung saitang a lian bel sia le zangsial tang lian mahma khat ka man uh hi. Ngalphuakpa Bu Mang Pum in nasia takin kam hong khaat khol ahi manin tua saitang kappa' min kison ngam ngawlah om top sia, Pa Khai Kam ih a zi, Thuam Tiin tungah a thu teng son thiang ngei ahi bangmain Pa Khai Kam thi ni ciangin a zi' ka-mal sung panin hong ki laak keak hi. Tasia ciang tua saimang kappa ahi keima' min kilo ngam pheang hi. Tua ahi manin kei zongin hi bangin la ka phua hi:

- “*Sen a pupa'n sang le lal tawh khuamual thut bang lum sak ze;*
- *Pupa khan ngui ka zopna ciing zang vuisai tawh hau min ngei ka thang sak ze”.*

Tua zawk ciangin Pu Pau Suan in sial hong sawm laleau ah ka kuan pui laleau hi. Tua tungin zangsial sang a lian zaw tuumpangsial khat ka kaa: sakah hi bangin la ka phuah hi:

- “*Pu von lung deih namkim sawmsial sang tumtui bang laak sak nge;*
- *Thi min thei bang lawhna ngawlah hau tun na lung tai nam maw”.*

Tua zawk kum 1925 ciangin Kumpi te in Kawllai Sang hong phiat sakah Zolai tan 4 Sang tawh hong lai sak hi. Tua bek son ngawlin Khamtung mi a piang peuma Kawllai sin thei ngawl tu hi, ci-in thu a om sak hi. Tasia ciang Zolai i sin hangin Zo ngam teng bekah kizang thei bek tu ah , duh le deih zonna Kawlngamah kizang thei ngawl tu ahi ciang,ci-in, Kawllai le Zolai sin khop thei natu ka ngen laleau hi. Bang hang ziam ci le Khamtung mi i kampau kibang ngawl ahi ciang i Zolai ngangawn i Khamtunng ngam tengah kizang kim thei sap ngawl lai hi.

Tasia ahi kom, Kawlngam buppi i zak thei sa, Kawllai sia Khamtung mite nah a he peang ba leh mithi sa tawh kibang zo ta hing, ci-ah ka ngaihsutna tawh kum 1935 May 4 ni in Khuasak khua ah Kawllai sang ka hong hi. Kum 1936 ciangin tua thu sit tu in Falam Mangpipa Burne le Cope Topa Khuasak khua ah hong

pai aa:

“Kawllai hilh ni ziam?” ci in hong dong hi.

“Hilh khi hi” ka ci hi.

“Hausa Upa hong sawlah na hilh ziam maw,nangma
thu ah na hilh ziam?” ci in hong dong tato ah,

“Hausa upa hong sawl hi bo, keima’ thu ah ka
hilh hi”, ka ci hi.

“Tapidaw ni ziam, Lawki ni ziam ?” ci-in hong dong laleau
ah,

“Tapidaw khi hi,” ka ci hi.

Tasia ciang Falam Mangpipa in “Tapidaw na hi leh biakna ukpa Cope Topa tawh thukim aa ka vawt uh, nang bang hang hong nial ni ziam, ngimna khat papo na ngah tu kilawm hi” hong ci hi. Kei ka zo kikna panin “Mangkang kumpite in kum 1886 panin Kawl ngam hong uk nu hi. Tu dong pilna nong piak uh bangma om ngawl lai hi. American Tapidawte hong vaihawm sakna tawh Khuasak khua le Khalkha khua ah Kawllai Sang tan 4 ciang dong hong koih hi. Ko, ka pu ka pa uh na, Pathian thu heh ngawlin dawai a na bia uh hi. Tua Kawllai hong kikoih zawk pan kipan ka pu ka pa uh ii biak dawai ngeina sia nungngat thei zo khu hi. Tua ahi ciang Pathian ka paai thei, ka biak thei na uh sia Kawllai hang ahihi, tuni dong Manglai hong hilh nuam ngawl lai nu hi. Pathian ka paai thei na uh lampi khaak tu in Cope Topa hong pai ahi leh a ngamah ciah kik hen nah hi le ama’ a tu le pha zaw, ko’ a tu le pha zaw tu hi” ka ci hi. Tasia ciang Cope Topa sia a thin hong uk mahma hi.

Falam Mangpipa tungah ka ci lai na panin “Kum 1910 panin American Tapidawte ii hong honsak sa, hong piaksa, Pathain paaina le biakna ah ka nei thei sa uh Kawllai, Khuasak khua ah tan 7 dong zong a om ngei hi ah, tu bangin ei’ thu bek tawh kiphiat vazeang thei ngawl tu hi. American Tapidaw Pawlpite in “Phiat tu” a ci hial zong kum 20 val bang a kisinsa hi zo ta hi. Tua ahi ciang Khamtungte ii Pathian ka biak thei, ka paai theina uh sia, Kawllai hang bek ahihi”, ka ci ciangin Burne Mangpipa zong a

thin uk mahma ahihangin hong nial thei tuan ngawl hi.

Burne Mangpipa Falam a thet poma ciangin Khuasak hausapa Lian Thawng le Sayapipa Za Khup tungah lai hong at lelauna sungah “Thuk Kam in Zolai sang Kawllai thupi sim zaw ahi ciang Zolai hong vawtsiat sakna a om leh ka zumah lai hong at ta vun. Tua son ngawlin Zolai tan 4 ong ngawl po Thuk Kam in Kawllai sin tu in a kaikhia le tua Zolai tan 4ong ngawl sangpa tangte’ min na ciamteh vunna,hausa’ dan na pia vun” ci-in thu a pia hi. Kawllai sin tu hi zata hong kikhah tanna sia, Zomi le Kawlmi hong heltuahna zong ahihi, ci-in ka ngaihsun hi. Tua ahi manin kei zong tua hun pan kipan khangnote Kawllai heakna tu in private Sang ka hong hi. Hi zata ah hong kikhah tanna leh hong kivawt siatna pan kipan ka hanciamnate khangnote ih a tepte tu ka deihna in:

- “ *Zang tawi thiamthil kang tui mangte’n thang ngawl bang khah thiam ta ze;*
- *Ngawl bang khak dai bang nawk ing nge khawvan nuai tang kik sak nge*; ci in la ka phuak hi.

Kumpite in Zolai tan 4 ong sate bek Manglai sin sak thei ah, Manglai Sang ngangawn zong Tedim khua bekah koi ahi man Manglai a sin zo ngawl mizawng daipam khangnote atu ka ngaihsut sakna in Zolai tan 4 ongsa peuma Kawllai Sangah a kak thei na tuin Sayapipa Za Khup tawh ka vaihawm khawm uh hi. Ama in Zolai a hilh aa, ama’ Sang pan Zolai tan 4 ong sa, Manglai Sang a kah zo ngawl, mizawngte’ ii tate teng sia, kei in Kawllai ka hilh hi.

Tua ka Kawllai Sang sia kum 1938 ciangin Palik Saten lui Awn Cin in “Thuklai ah i kхиin tu” hong ci-ah Thuklai ah ka kхиin hi. Tua Kawllai Sang sia, Japan ngal hu vau ah simlei siat dong Thuklai khua ah ka hilh top hi.

Japan ngal sung zongah ka Sang a kisiat hang private lai hilh ka tawnga tuan bua hi. Laihilhna hu vau in Kumpite tungah kei a tu in dangkasan pya khat zong supna ka pia ngei bua hi.

Japan ngal zawk ciang zongin Khuasak khua ah kum 1952 pan 1961 dong Kumpi Sangsayate ka huh top lai hi. Kawllai hi za

lalawmah ka ii mama bangmain ka tu, ka tate le khangno peu ma in phatakin hong hanciam tek ta vun, ci in kong han thawn nuam hi. Bang hang ziam ci le Kawllai hangin Pathian a bia thei, a paai thei te hong suak sak ahi man in it huai mama hi, ci in ka ngaihsun hi. Tua son ngawlin maisangah Kawl le Zo sia i kimeal heak va-ial, i kihoh lim va-ial thei tu sia kul mahma hi. Ta bangah Kawl le Zo i kimeal heak, i kihoh lim thei na tu sia Kawllai le Kawkam bek ma ahi manin Pathian le Kawl ngam a it mihing te theam po a tuin Kawllai in simlei cuppi sangin man pha zaw hi, ci in a phaw tek tu kisam ka sa hi.

Japan ngal zawk ciangin U Vum Ko Hau in Thuklai ah Manglai le Kawllai sinna tan 10 Sang hong hong hi. Mangkang te hong piakna tawh Khamtungah hi bang pilna sangte kingah ngei ngawl hi. U Vum Ko Hau i hanciamna tawh tuin a nu a pa in pilna khawvak ngah kim tek thei ihi manin ama U Vum Ko Hau tungah ka lungdam na in

- “*Kangtui lungmang lim bang bel lai tung sunni meii in liah e;*
- *Laitui lunmang kil bang khan ciang i tung sunni tang pheang ze” ciin la ka phuah hi.*

Hi bang aa keima’ ii nuntakna le ka hanciamna a he nuamte atu in a tepteh olna tu ka ngaihsutna in la tawh ka koih hi. Bang hang ziam ci le thu in la hi ah, la in thu ahi bangma kam tampi tawh son a kul tu thu pawl khatte sia langui khat tawh zongin kiman thei hi.

Tua ka late sia khen 2 ka suah aa, a khen masa sia, keima’ ii nuntakna, nasepna, khawngaihna teng ahi a, a khen 2 na siasia, biakna le paaina tawh a kisai Pathian’ thu la ahi hi. Leitung late sia leitung thu tawh kisai ah, Pathian pokna late sia vantung ngam nuntakna tawh kisai hi.

“Biakna” i ci sia, leitung i nuntak laitak a tu hi zaw ngawlin i thi zawk ciang i tha’ ii vantung ngamah tawntung nuntakna a ngah theina tu-ah Pathian deihna bang zuina ahihi. Ih thi zawk ciang Pathian’ vantung ngam nuam i thet zawkna tuin sum le paai tawh

kilei thei hi ka po le a kilei tek tu hi. Ahihang simlei buppi tawh zong a kilei zo ngawl, a kilei thei ngawl, vantung ngam nuam sia, dangkasan pya khat zong piak kul ngawl in theina khat a om hi. Tua in bang ziam ci leang, i Topa Zisu sia, Pathian' i Ta tatak hi, ci-in i um leh eite theampo zong Pathian' tanu, Pathian' tapa i suak tu ah, i tha in tawntung nuntak vantung ngam a theng tu hi. Tua upna in sum le paai boin lei kul ngawl hi. Bang hang ziam ci leh;

- *Thian tawai lunmang mun muang teng po Thian von tawai hi zo hing e;*
- *Lo bang hin lai ciin le tuai awng Thian tawai mang kul lai lu vaw. (Zawhang 3:16)*

Topa Pathian in a it bel Tapa khat bek a nei Zisu tawh eite hong tankhia zo ahi ciang eite' tungah thukhen tu sia Topa Pathian hi nawn ngawlin a Tapa i Topa Zisu ahi aa, ama' tungah a vangteng a aap siat zo hi.(Zawhang 5:22)

- “*Tung Pathian in a vang teng po a tawai len piak in nei ze;*
- *Ngua bang hin lai kim teng ngual awng Thian tawai mang kul lai lu vaw.*

Hi bang aa thu le la tawh thuah khawm aa ka aa: sia, thu tawh a tel theite in a tel seseam na tu le, lai he ngawl la hete in la tawh a tel theina tu ka deihna ahihi. Mihing pawl khatin Zo la ngui tawh hi bang aa Pathian pokna ah a kizak sia khialna in a ngaihsun tha zong om tha tu hi.

La tawh Pathian pokna ah khialna om ngawl ahi hun lam sia David kumpipa tungah Pathian thu piakna ah “Ka min le ka vang, lasa in hong pok ta vun” a cina thusia ngaihsun leang hong tel thiangtho sak bel hi. David kumpiapa zongin Kiciamna Thingkuang a inn a thet thei, a lungdamna tawh Itazila mi 1000 khawmin Pathian pokna pawai a vawt hi. Tua ni takin Sawlu kumpipa' tanu in khelki panin a kha domin pawai vawtte a en nginge hi. En bek ngawlin a thin sungah David i ta bang a pawaikham sia pha a sa bua hi. Ta bangah a thin sungah Pathian pokna pha a sak ngawlna a ngaihsutna hang bek tawh tua numei in a khan tawntungin ta a sel hi.

Sizaang Ngeina Labu

Tasia bangma in i thin sungah i ngaihsut bek ngangawn Pathian in hi zata ah hong tel, hong phawk thei vilvel ahi hun lam sia ngaihsun leang, Pathian sia, thu tawh bek dom ngawlin la tawh zongin pok huai kaan lai hi. Tasia bangma la tawh pok tu zong hong kisawl zaw hi. Salaan 95:1-2

Salaan 150:1-6

Kalawte 3: 16

Tua ahi ciang hi bang aa Pathian pokna tu ah la ka phuah te sia, kei phuah thong hi ngawlin Lai thiangtho Thubu sungah a omsa, thu ahi hi.

Tu in a ngaihsut huai lai thu khat panin, lai pilna a khan va-ial bangmain i khangnote in leitung pilna ah Kawllai le Manglai panin pilna ngah hon ahihang, i pu i pa ngeina le i taangkamte pan kipan i late a sin, a zak tu hun om nawn ngawl ahi man in khangno sung ah a he, a thiam, kua ma za om nawn ngawl hi. Mi nam khat papo' ii pilna le thiamna bulpi en leang, a taangkam le a late pan in ki mu thei, kihe thei hi. Tua ahi bangmain tu in i taangkam le i late sia, a bo zo liang bua zongin, eima Zomi sung mahma zongah a kizak nawn ngawl ciangin i minam' ii pilna le thiamna khuk bulpi sia mangthang dektak zo hi, ci-in kimu thei hi.

Tua ahi komin Pathian pokna zongah eima kam, eima' la tawh i pok thei tu kisam bek son ngawlin a hun zong cing zo hi, ci-in ka ngaihsun hi. Tapidaw ngeina sia lai hete bek i zui thei tu ngeina bek hi ngawlin Pathian Topa a um theampo' i Pathian a pok tek theina tu ka deihna le ka ngai sutna tawh in hi labu ka vawt ahihi.

- “ *Tha ka kia zong zalun thinthu phung mun hong hil zo hing nge;*
- *Ka kiak nu ah ciin le tuai awng kheap tang bang na zau zu vaw.* ”

KHEN KHATNA

A LANGUISTE

1. - Sen a ka zua, siallum khai thiam, zangsi lai a, thang na ze;
- Zua hen thiam le, zangkhen kawltiang, vangkhua lum bang,
sung sak ze.
2. - Sang le lal huai, ka zua ni thum, ngual lai kan sang, ka na ze.
- Ngual lai kan sang, mun aa muan bel, zinleang zial aa,
vul awng e.
3. - Sen aa ma bang, ka kipatin, zangtawai thiamthil, sin ing nge;
- Tung Pathian le, nuaizin lunmang, khan aa ngi bang,
khen ing nge.
4. - Vaimang zuapa, a hawm thiam e, Thian vang ni bang, taang
sak e;
- Zalun Thian vang sak ciang vangkhua, mun zang hong taang
masa ze.
5. - Zangtawai thiamthil, kangtui mangten, thangngawl bang khah,
thiam ta ze;
- Ngawl bang khak dai, bang nawk ing nge, khua van nuai
taang, kik sak nge.
6. - Taangno dawnkil, bang khang ing nge, do tawh zing vai hawm
ing nge;
- Do tongdam nau bang, saang ing nge, namci hui taang, bang
khawm nge.
7. - Leido lun le, namci ngualte'n, sai bang hong sawm, thiam ve
tia;
- Henkol bulh tu, leido zuapa, ka siang hong len, thiam ve tia.

8. - Sen ngual kawai le, ka ciin liannu, tun tawh zin bang, ling sak te;
- Lung lau lo aw, sen tun nu aw, do luun laam bang kai sak nge.
9. - Tang ka langlam, sesum phung cing, dota' lam bang, eang ta ze;
- Lam bang eang puak, bang thuk ing nge, dolun na ze, zum nam maw.

ANAW

- Do min ngei ni bang lun ta, se sum pal bawh kaang bang ka lam, mealmu hawm taan sak ze;
 - Do lun lai tai nga tu tang leido zuapa laam bang kai ee hui bang ka mau sak ze.
 - Sen pupa tang bang pha ta, sang deih lal deih zial thiam zua hang, hen thei ngeal cing sak ze;
 - Hing le ngaw sawl bang kaai ta, seino mim phung ngui a cing la hen thei phung cing sak ze.
10. - Ka ciin ngual kawi lun lai lian nu phung lai al bang uap ve tia;
- Hen tuangtut na daidam vak ci'ng zua sau na zu bang pua te.
 11. - Vuisai limlian ngamkhuai bang hang zang tawai baal bang mal ve tia;
- Miza zin bang ling sak na tia taangno kei thanna hi ze.
 12. - Vuisai in ka hang, zia ci ze, kop aa nau bang, sial ing nge;
- Kangtui lunmang, ka pau ci ze, kop aa hui bang mau sak nge.

A nuai a langui khat sia Thangkhal khua Daw Don Niang ii hong phuah hi.

- Ngal liam nga bang, na len laiin, vuisai hang, lai phuk ve tia.
- Tang na len lai, namtem hiam bang, dolun mang paal, vul sak cia.

13. - Sen a pupa, sang le lal tawh, khawmual thut bang, lum sak ze;
- Pupa khan ngui, ka zopna ci'ng, zang vuisai tawh, hau min ngei, ka thang sak ze.
14. - Puvon lung deih, nam kim sawmsial, sang tumtui bang, laak sak nge;
- Thi min thei bang, lawhna ngawlah, hau tun na lung, tai nam maw.
15. - Zang a vuisai, thang zaw maw e, nam kim sawmsial, thang zaw maw;
- A kop aa thang, sing ngual ih ngen, ka banzal aa nuai sia nge.
16. - Hanmung a zial, lei ka tu bang, zang vuisai le nam kim sawmsial kop aa nau bang sial ing nge;
- Banzal a luai sang lunmang awng hauta'n vang thanna'n nei ze.
17. - Nanuai sang lun min ngei phung cing ciang ka vangkhua ci vaw;
- Sangmang lalmang hen tuangtutna vangkhua kitawai sa hi ze
- 18 - Zangkhen kawliang sawn lam ngei tawh hial nen sang pal lo ing nge;
- Sang pal simlu son le von awng pa tang laam bang veal zu vaw.

Sizaang Ngeina Labu

19. - Ka ciin pheiphung tawai zang awng e na nuai sang zawai zui ve tia;
 - Kawliang ngawl aa thang temnam tawh zasial nau bang sial ve tia.
20. - Pantui lunmang do min ngei e ciin banzal hong thang na ze.
 - Bellun hawm tel zangkhen kawliang ciin duang sawl bang baang na ze.
21. - Ciin hang tha a na kiak ni'n e thangvan thawng e ngual awng e;
 - Ka ciin lautha kamkei aa laang sau nen pan nau bang om ze.
22. - Mual ciin aa laang zang kamkei awng ciin banzal min than sak tia;
 - Sang ka sialna zangta ngo dial sau nen phual ngo laambang ze.
23. - Sang aa kitawai ci-in hang kamkei vuisai kop phung cing sak tia;
 - Zingleang tualkhawai namkim sawmsial kim pui na ngual sing ve tai.
24. - Ka ciin kamkei zalai mingthang kim pui na ngual sing ve tia.
 - Awkhi tendal sawmsial huang kхиak len ngual lai thang masa tia.
25. - Ciin sau sak le pa sua tialdaw vangkhua tawh et lawm sa nge;
 - Hau min thanna sak ciang vangkhua sau nun nuam tuang nusia tia.
26. - Ka ciin vontawai taang baal bang pil phung lai mun muang ka nang nge;

- Zang pe thik le tio aa lim nga von aw ei kiakna hi ze.
27. - Ka ciin ngeal cing ngual lai minthang Thian in ci bang teal ta ze;
- Tha kiak suktaang bang kihuan e zang ni suah tum dang sa nge.
28. - Ciin kiak nau bang ka kaa lai in kawai in nu lo bang thual e;
- Thai le na von na tuai ngaisial thangpat puan bang neam ing nge.
29. - Taang ka lung tup dei ka thai laak zata ho lung zawk awng e;
- Phung in pak bang tawai cim ngawl aaka deih zozam vul ta e.
30. - Va-al pau e taikhua val e laikhun khang thei lo ven aw.
- Zangni suak e munzang tan e lai kuang ngawl bang uum ven aw.
31. - Sen ang kawai tu lia ngual lai pan lung deih ka angah sia nge;
- Pak bang tawai sa deih thai zial sa taang in ka khan khom la nge.
32. - Ka kawai tong neam sing ngual ii ngen kiak mawk huai tuam cing sa nge;
- Tung Pathian in tem bang deih e ka deih zozam putt la nge.
33. - Kawai aw tha a na kiak ni'n e zalun thianvang soltha bang taang zangsi ei vangkhua tan e;
- Lungtup tui bang tung hi ci nge ngai sial mun muang tuam ing nge.
34. - Pa bang muat tu kawai na sak luang tung soltha bang taang aw nge.

Sizaang Ngeina Labu

- Nuai simlei aa al bang mang tu simlei zozam sing ve tia.
35. - Tung soltha zong meal mang thei ze la mei bang vaak kik thei ze;
- Ho neam luan thiam sen ngual kawai awng soltha khan dung hong zil aw.
36. - Vaimang thiamthil kawai meal mang sa tui a lim bang en ing e.
- Khang thei lo aw sen ngual kawai awng thinlai zang nguh bang zen e.
37. - Zo dam kuam aa tulta khan thiam kawai ban zal aa vul awng e.
- Tul tha kiak meal mang ngawl lai aa sen kawai na meal mang ta ze.
38. - Tukawl tawaina deih na kung ciin meal mu leng luanthi hi ze.
- Thai tawh von tawh ka khawlna thawh lo limbuuk paang pa len hui kai ta ze;
39. - Nuaisim lei aa na kiang ngai sial tawai sen tawn tuang nusiate.
- Zata khawlna leangvan tual pan sikmul nong liling nam maw.
40. - He la neam tu hau tawai liannu huan be bang zawn kik ing nge;
- Ngai khua khing bang kum ding kisa'ng sunni kaai ma vul awng e.
41. - Thianmang hawmtel vondeih ka tawai phaimit sot lawm sa awng e;
- Phung tong hawm aa dolun lai pan sen pian tum aa dang ta ze;

42. - Kawai kiak nu aa lia tawai ni ngeal hau lai tu bang suan ing nge;
- Tun kiak lung he nau bang theam tu tang le lia tawai thiam hen aw.
43. - Tun sung suahna lamh ngial kiakna nuai ciang ngaih khua in ziale;
- Nuai ciang om lai simlei ngaih khua ka duang baang khial om ngawl ze;
44. - Nuun thum ngai aa ka von momno zo lawkta bang tau ta ze;
- Luanthi tawh khang thei lo ing nge von sen ka paai aa kuah nge.
45. - Zua meal mak aa ngai sial taang pa simlei lo bang hing ing nge.
- Tun meal mak aa ka von taang pa nun thum ngawl al bang ta nge.
46. - Ciin tawai liannu ho kung zozam lia ngual lai thang masa tia;
- Khan a pak bang tawai ding kisa'ng tulthing tun sang tom zaw ze.
47. - Ka von taangpa mun aa muan bel phaimit sot he huai sa nge.
- Zan ciang ka zal mang hihen aa tu le khang thei lo leng e.
48. - Ngai khua khing bang ka kum pui tu phung lai aa kihei ing nge.
- Ngaikhua hui bang theau teng ti bong lung he saang sawn seam ing nge.
49. - Kawai awng tun siang na leang ziam maw phung lai aa na hei ziam maw.
- Von sen zo lawk bang tau ta ze nun thum ngau zu bang tuul aw.

Sizaang Ngeina Labu

50. - Taangpa ka lai lenna lakah zin tawh dawn bang tuak ing e.
- Zinleang thavang ka kung tungah phaimit huan tu zing bang hi nge khaw tuang lam mealin ma nge.
51. - Kawi min tang phung bang ka kalthna von min seal liannu awng e.
- Sawn tha kiak le taang kei phaimit soltha khat tong ciam khawm e.
52. - Zinleang zatam, ka kung tung aa, thing bang ka zung, hong zen tia.
- Zinleang paal bang, nang tong ci nge, kahan lum khai zo ing nge.
53. - Phung mun lenna ngai mun lenna, ngai mun lenna khaw tuang lam, ngalin don e.
- Kawai tawh tun siang, ka lenna ze, phaimit sot he, huai sa nge.
54. - Taangpa kil bang, ka khan laiin, len ngual lai thang, sa hi nge.
- Tuum bang huai kuan, zaitha kiak kuan, al bang dah ngual, sing ing nge.

A THIPNA

1. - Sen aa ka zua sang le lal kaan sang ci e mom milmial aa sangal pa suum bang tuah nge.
- Kawai kiak lautha thang suum bang ka tuah luangin sang luun kopin ka luan thi ka siim sak ze.
2. - Sang lun kop nau bang ka sial a thang zaw maw, lai neam aa tukawl ka tawai a thang zaw maw.
- Lai neam aa tukawl ka tawai phungin bawm e ngual phai zawn e nam ci laam bang paak zaw ze.

3. - Von deih nau bang ka tawai pui thai lung zawk awng, lun tawai momno na siang tuang hong tung nam maw.
- Lung deih aa ci bang kong teal kawai ni thum aw ho lung zawk lai kuang na uum khial heak vun maw.
4. - Taang ka khan zu bang sia e len pui ngual aw ngaikhua teng po ka duangah hong baang ta ze;
- Nau bang ka kaa luangin ne zaila ka awi Thian aw tunni bang na awai maw heak in aw.
5. - Ka kung tungah nuai zinta ni bang lun tia deih thai zial teng nak tui bang dawl thiam ve tia;
- Ngual zial ka leng tunni laam kai man ngawl aa phung tawh tua leng deih thai zial cim man ngawl ze.
6. - Pupa pian khan khem awng nge nuai zinmang aw na kai zatam Thian tongdam tawh nial ing nge;
- Na kai zatam Thian tongdam tawh nial ing nge nuai sin zuapa nang na neam na lai nam maw.
7. - Phung tawh tua tu tangin mu bang ngai ing nge thinthu zaila zing dai bang nawk zo ing nge;
- Thinthu zaila zing dai bang nawk zo ing nge tem bang ka deih ka angah zial zo ing nge.
8. - Khawvan nuai ah lia ngual se zatam tu na'n tem bang ka deih lailung tu tuam om hi ze;
- Tem bang deih tawh ho lung kum khawm zo ing nge ho lung zawk tai laikuang uum pui zo veang nge.
9. - Kawai tawh samngi bang nong khen nuaizin ta awng meal mu thei leng lung heh tuangtut nuam veang nge.
- Meal mu thei leng lung heh tuangtut nuam veang nge na banzal aa henkol khai sak nuam veang nge.

10. - Nuai ciang om lailung he hui bang theau maw e leang van tual ah nunnop hui bang theau maw ze.
 - Lung heh zatam mual dam hui si'n seam henna kiak mawk nun nuam pak puan bang siim nuam veang nge. **(Part (1) Labu sung tuteng hong kisuak sak phot hi. Adang LTT taw kisai a la phua te, Part (2) or Part (3) a sua ciang kihel zo pheang tu hi. Laibu vawt pa)**

* * *

KHUASAK PU TUANG ON
(84-19) LA

La Kai khawm; U On Ya Nang. BA, BL.

1. - Sang lim lian bel na min thang e zua min law na lawm sa nge.
 - Pa tang von mang luang tho ve vua vui sai tungah tuang ven naw.
2. - Sen lai ka al bang ta ci e vuisai kop min lo ing nge.
 - Von mang phai mit sing maw tang nge nam kim sang lun zal sak nge.
3. - Tun lung tup ngawl zua lung tup ngawl lun kop siang nga sia nge.
 - Ka mim phung taw zaang si ngual taw mi za sui lung tai sak nge.
- 4.. - Zang a vui sai a lim lian bel lung tup tui bang la veeng nge.
 - Tun le zua min law na tu a sang mang nau bang sial ing nge
5. - Zin awng nge na awi nam maw ngual aw nge ka lawm nam maw.
 - Tung lun ta le phui ngua pal law vui sai kop a zial ing nge.

6. - Ka phung len lung muang la e sang kop ngua bang phuk ing nge.
 - Zaang si ka ngual ka dem na ngual tung tuan na lawm sa nge.
7. - Tin taw ciam ngawl phung taw ciam ngawl lung tup ngua bang phuuk ing nge.
 - Lung tup ngua bang phuuk ih veang nge zang si ngual dem nan pha e.
8. - Sang lun zal han mung phu ing nge do in pil tang bang the ze.
 - Hiak pal lau tha huai vak ci nge sang lun na zial kik ing nge.
9. - Zaang si ngual aw ka ki pat in ka hen kop tang khua vawh nge.
 - Phung aw sai bang nong sawm lai in sang lim lian kawl ciang phu nge.
10. - Zin mang kung vul vui sai lim lian phung awng na kiak na hi e.
 - Pham sa lung he ka vak ci nge mual ciin pan ning tui sia nge.
11. - Sen ka phung le zang si ngual in ngil al bang mang aw ci e.
 - Ngil al bang ka man lam a sang ka dei tun siang tut nge.
12. - Zang mang von tawi se sum lam huai hen kop tun siang a tun nge.
 - Zaang lam dot tui bang dawl na zaang sawm sial ma ciang suan nge.
13. - Ka phung lam neu aw ci nge do lai a zal aw ci ne.
 - Pu pa siam in lung bang sung e thai ang zal kik aw ci nge.

Sizaang Ngeina Labu

- 14.- Na zua ni thum phak sap zing zin kiak tu zin bang muang hi ve te ih sau thim khua zing sak te.
 - Na zua lung tup min a ngei bel na phai mit suan man ngawl lai a von mang kop a zal ta ze.
- 15.- Von mang inn bang ka it man a nuai zin luh na phung lam sawm sial in bia nge.
 - Sau neu thim zing ka vaak cing nge thang ciang phung lam kawm ing nge.
- 16.- Zua awng na kiak min law na tu sang lun khua mual a sua nge.
 - Zaang vui sai le tun na lap na ka cial daw huang va dil e.
- 17.- Sen ka tup le von mang kop aw ni khat sun nau bang ka nge.
 - Zaang si ngual le phung kiak na awng ni ciin dawi ai vei ing nge.
- 18.- Sang awng mung bang kong tup lai a thang van hong thuuum va dil e.
 - Ban zaal a luai sang lun awng nge leang van kai pui man pha e.
- 19.- Tun awng na kiak nu ciang a va bang pil bel von mang sun nau bang ka nge.
 - A pham an bang ka ii man a sawm sial nam kim in tua nge.
- 20.- Sawm sial a kхиak lung tai ngawl a von mang ngi a khen ta ze.
 - Ka sial sawm ding meal ma ing nge tung Pathian mang aw ci nge.
- 21.- Zang vaai pan piang sawm sial awng nge tun min ka law na awng nge.

- Tun min law na zua min law na zaang phual mul in sim ing nge.
- 22.- Lung tup mual a sua la tang nge ngual aw zing ma bang pan nge.
- Ngual aw zing ma bang pan ing nge do lun kawl ciang zang si ka dem nahi e.
- 23.- Zin leang kung vul nam kim sawm sial mual ciin a hong laam ta ze.
- Mual tiin a zing zit kal a tang in ngua bang phuk ing nge.
- 24.- Sei no lung tup sawm sual awng nge ciin taw ngua bang phuuk ing nge.
- Ka than natui bang ka dawl na nu ciang nau bang sial ing nge.
- 25.- Von kop ka awih thang zaw maw nge sang lun ka phu thang zaw maw.
- Sawm sial phung cing tang ka ban zal von kop ka oih thang zaw e.
- 26.- Ma bang pat a hen mual sua sa von kop oih a thang ing nge.
- Lang lam se sum do duang a bang lun mang na ze zum nam maw.
- 27.- Sawm sial mung bang tum ii veang nge tang ka ngual khuang bang thawn nge.
- Tang ka ngual khuang bang thawn ing nge zangsi lai ah thang sa nge.
- 28.- Kawl ciang ngawl vai lo kuan ing nge sang lun ngua bang phuk ing nge.

Sizaang Ngeina Labu

- Na zua bat phu vai bang tham tu cio ih ngal pan sang mang tui bang lak sak nge.
- 29.- Sang kaka tam sa ing nge sang lian phung cing do zua pan mal bang ko e.
- Hong awi na te zaang si ngual aw sang kop ka tha nahi e.

A THIP NA

- 30.- Sang ci leng lansang kop nam kim in tua nge lal ci leng la kapa tang a tuang sak nge.
- Tun siang ka tut lo bei sa nge zang si ngual aw sang sim lu in ka sau hai bang ngak ta ze.
- 31.- Sai bang hong sa sawm lo vua zang si ngual aw phei phung a leeng van kaai tu nong sa ziam maw.
- Ka pham zong a tung leang van ka kai zong a ka phei phung tu zaang vui sai kung kawi veeng nge.

* * *

KHUASAK PU SON KAM **(61-21) LA**

La kai khawm K.T Ngo Za Lian

1. - Tun taw zua taw, na vontawi taw, do in suanh ngua bang monh ze.
- Henkol khai sa sut kik ing nge mun inn hawm a taan ing nge.
2. - Kawi taw tongdam ciam ih veang nge nuun vom huang zawl a khia nge.
- Laknuai huang khiak phungcing ngawl a, kamkei in dawn lai law e.

3. - Haulai panh piang sentun nu aw beamtang sungdip sa awng nge.
 - Leangvan tual ah tun taw sua taw laikuang na um tek nam maw.
4. - Pa sua sanga a nat kom a kamkei tuang a tuang ing nge.
 - Nu tun tha kiak ka sial han kolsa tung ah tuang ing nge.
5. - Zangkhen kawlciang hawmtaan tang nge mimphung banzal kawm ing nge.
 - Mimphung banzal kawm ih veang nge sang ci teng ma zial ing nge.
6. - Langlamh puakthing bang nawn te paw sua taw ciam a, thim zin sial bang ngiak ing nge.
 - Mimphung kawlciang puan bang kawm tangh kamkei nau bang sial ing nge.
7. - Sawmtang na thaw beamtang sung dip na sau na ngai bua ziam maw.
 - Leang vantual a tuang na tutciang tun mun a nun nuam nam maw.
8. - Sawmtang thaw taw na teangkhawi taw nun bang paw nuam ka na te.
 - Nakiak nu a na tawi sawn te thinlai tui bang ciim sang nge.
9. - Kawi awng patang na tuanh ni'n laikhun sun nau bang omh nge.
 - Nu tun sau sak saumang tung panh luanthi zongial bang kia ee.

Sizaang Ngeina Labu

- 10.- Sawn aw tha na kiak ciang a zai tha ka neam na hi ze.
 - Al bang taa tu mun a nuamh ciang zin zeak khial a vul awng nge.
- 11.- Zangsi lai a siakhuang kai te laingil na neam bua ziam maw.
 - Zua lun teng maciang suanh na cia, thian zaw kop a nuai sia nge.
- 12.- Mimbang pianna zangsi khuamual sanglun ih mual sua na ze.
 - Pu von tul suanh zamluang ban-na phung banzal ah vul awng nge.
- 13.- Va-al khuan a tainga sep bel zuamang aw koi ah na haw ta ziam maw.
 - Zin zeak khial a zangsi phung ih zua mang sia mimphung in al bang da e.
- 14.- Ho lung kumpui tui bang ciim sa sawn aw an bang it veang nge.
 - Tun le zua in meal a mu luang vaimang thiamthil komh-pang va bang tuang sak ze.

A THIPNA

- 15.- A pham zatam sial na le lautha hual na sang ci teng po ka ang a zial lai veang nge.
 - Sang ci teng taw khua mual panh ning tui kong sia, tun aw zua taw laingeal taw nong hei lei nam maw.

* * *

ZAU NUAI PI LA

La kai khawm K.T Ngo Za Lian

Zaunuapi: ci ciang in Khuasak khua Pu Tuan Son (84-18)
ih zi Pi On Ngiak (171-19) ih la hi.

1. - Sau nunnuam le cial suangsawn awng, lun lianu'n tuang nu sia ee.
 - Do in pil tang bang thee ta ee, phaksap a tuang tung ing nge.
2. - Hawkkuam sanglun zaal napo se, von te'n dawn bang tuak ta ze.
 - Sanglun dawi ai bang zeak va'k cing, lailung muangmaw lai ing nge.
3. - Mungbang tupngawl lambang zonh ngawl, sanglun hong mual suak taze.
 - Pham zatam minlaw natu a, naa nuai panh zial thong ing nge.
4. - Phung taw cing a ka hei lai a, von hen hanmung zial ing nge.
 - Do zatam in vang khua suanh e, huisai lautha hual ing nge.
5. - Huisai lautha kahual ni e, do aw na len baang in naw.
 - Do in pil tangbang thee ta ee, sesum sun nau bang kaa nang nge, nanuai khuamual thak sak nge.
6. - Phung sawmsial le tendal kop a, do in tui bang la ta ze.
 - Sawn le phung hanlung ciamta ee, do zuapa vo sa sua ze.
7. - Vangkhua suanh nguabang phuk ing nge, phungtaw sambang peal in nge.
 - Van nuai lunteng tong ciam a, ei in khulu a khu ee.

Sizaang Ngeina Labu

8. - Tuai aw aal bang na manh na tu a, van nuai lun taw ciam awng e.
 - Von ningeal le tuainithum awng, phaksap tio dung zui awng nge.
9. - Puvon langlamh thang bekhi awng, nikhat aal bang mang awng nge.
 - Sanglun le tuang tung ngawl a, von banzal vul ka ve te.
- 10.- Ka von aw kam kei awng nge, phaksap a zaal ka ve te.
 - Sau nasak taw tial nadaw taw, vangkhua hai bang ngak ve te.
- 11.- Thaang nen ka tuanglam awng nge, ni tiin hen luang ka kaih na.
 - Do in thang ngawl bang khak ta ee, tu le dai a dam ta ze.
- 12.- Ka aang panh piang von nithum awng, kiil bang khankal ngak la nge.
 - Meal ka mu cim man ngawl a, dit lun in tuang nu sia ee.
- 13.- Tang kalaizawn lia kalaizawn, tuun aang ngeal cing ka nangh nge.
 - Ning le aisa ka niang bua zong, ngai teng hong leang ka ve vua.
- 14.- Nunthum tulngawl singvontawi awng, ka siang hong tuangtung ta ze.
 - Banzaal pebang theak teng ci bong, kung tung ka thamsa hi ze.
- 15.- Ka von aw lianu awng nge, hau lai ka thaksa awng nge.
 - Mun inn ngamlo hai bang ngak tu, zangsi daw a tam awng nge.

- 16.- Zal mang sia le thang huisi awng, a kop a zial zo ing nge.
- Sawn sen lautha lung na zuang le, suul a hong hei kik in aw.

A THIPNA

- 17.- Mung bang katup le ngawl a lambang ka zonh, tu laitak a sanglun nga bang leang awng nge.
- Ka lawm nam maw zin awng nge na awi nam maw, sanglun tung a zangphualmul taw tuang veang nge.
- 18.- Zaangva hong ham ngi ngei ee, ih vangkhua a, a simlu ma ciang hong suanh hi ven teh ee.
- Asimlu maciang hong suanh hi ven teh maw, sakluang malzin bang hong thaah hi ven teh maw.

* * *

BUNG LUAM NU LA

La kai khawm K.T Ngo Za Lian

A NGUI

1. - Ka kiang hang taw ka sawn hang taw naa nuai vangkhua sat ing nge.
- Ka kiang hang awng nge, ka sawn hang awng do in suanh ngua bang monh e.
2. - Kiang taw khua saa khua nun nuam no, sawl bang hei ciim man lo e.
- Sawl bang hei ciim man lo a, dota hong leang tam ta e.
3. - Kiang simlu sim bang mai panh cingh, hang tui luang suk zui ing nge.
- Hang tui luang suk zui ing nge, khua ti teng meal in mu nge.

Sizaang Ngeina Labu

4. - Leido na pe suang tung a, ka kiang simlu zun ing nge.
 - Buktui ngau zu bang tul ing nge, ka kiangmang zuang tho maw nge.
5. - Leido na kim tang tung a, luan thi tuum bang nuul ing nge.
 - Luannthi tuum bang nuul ing nge, va-al sam ngi bang khen nge.
6. - Luum bang hong sung om lo e, beal bang hong sin om lo e.
 - Beal bang hong sin om lo e, do ta tai sak zo ing nge.

A THIPNA

7. - Ma ciang mimphung, tung ah alsi vaam bang nge, nu ciang mimphung nuai ah phu lum phuul bang nge.
 - Ka zaila in simlei hai bang ngak hen a, momno te aw huan a tuu bang ci'ing vun aw.

* * *

LIMKHAI CHIEF PU PAU KAM **(173-20) LA**

La kaikhawm :- Pa Phut Hau (Limkhai-Zo)

1. - Sen a pu pa zaang si ngual ngen lamh ngei taw min thang ci ee.
 - Tun lamh taam aa zua lamh ngeih aa za lai ni bangh taam ta ee.
2. - Ka zua ni thum se sum lam huai tai nga na seh pha langh nge.
 - Ka tun ni thum mang ih von tawi sawm taang na thawh pha langh nge.

Mangkang te a phua:-

3. - Vang khua suan tu thei lo vai maang ciin in laam bangh muak ve cia.
- Do lun hawm tel vai mang thiam thil ciin baan zaal ah luai awng nge.

Pu Mang Lian thi na:-

4. - Nun thum luai pui ciin khan thiam awng zaal na tum a dang awng nge.
- Sang ma nawh aa tul lim kai ah ka tun zo zam vul awng nge.
5. - Zua hang in tuang nu sia ta ee nu tun in al bangh ta ze.
- Nun thum peal aa sa nga sial na sau daai dam tuang nu sia nge.
6. - Za ta tong dok tai nga hawm thiam ciin min ngei hong zaal ta ee.
- Ciin awng na kiak nu ciang aa von sen no ma ciang suan ing nge vai lun dawng kong hong ing nge.

Pu Pau Kam/ Pu Hang Ngo:-

7. - Ciin luang min law phung khan thiam awng tai nga na se thiam ve cia.
- Pu pa ngual ngen len tu ngam maang tul kaan sang taw vul awng nge

Pa Mang Tual aphua:-

8. - Ka ciin von tawi muan tui bang ciim hau lamh paal bawh ngai awng nge.
- Khua kim hau ngual taw ciam ve cia zua lamh ngil ngaik na hi ee.

Sizaang Ngeina Labu

9. - Pu von ngam zaang zo tui kuan zaai liap sil sial he huai sa nge.
- Za lai thei bang sen hen ci aa khan a uum bang khuai ing nge.

Buanman khua Pu Han Kam:-

10. - Hawm tel the na hau tawi sau sak zo dam tul paan kaai ta ee.
- Sang lian lu le sawm sial bual na ciau tui sen bang val ta ee.

Mang Lun / Kim Suang aphua:-

11. - Ka tiin ni ngeal, kam kei dung zil vai sial lum a, hei awng ee.
- Na min ngei ee, na vang hoi ee, zang mang tawi a, tul maw ee.

Pi Ciin Dim:-

12. - Sei no sa nga na la lawm ee ciin ngual kawi taw ciam ing nge.
- Vaan nuai sa nga sing ki dem na zaang pe thik sau ngual ing nge.

Buanman Pu te aphua:-

13. - Tun nu ciang le sen pu von awng zaang si hau ngual sing awng nge.
- Ten dal ngei le aw khi min thang ciau ngal ni bang kaai ta ee.

Sila bo na aphua:-

14. - Len kum vei ah hau ii sia khuang khua van nuai za lai taan ee.
- Thang ciang vai mang hawm thiam ta ee, nam ci tui bang ton sak ee.

Leavy aphaa:-

15. - Zaang kuam liap ee do ngim nam ee vai zua pan khuang bang thawn ee.
 - Lun hawm thiam aa nam ci ngual taw sial lum phung bang ciang hing nge.

Pa Suang Lian BGM:-

16. - Do tum dang ee za ih lai pan khat a min bang piang awng nge.
 - Vai sial lumh ah phung min thang sa ciam pui ngua bangh puk ta ze.
17. - Zaang si phung le suk tui mang awng do in sai bang at ta ze.
 - Sawm sial lian sai bangh ban ing nge mual ciin pan dam tui sia nge.
18. - Za ta san sing sengh lai aa son mom zing vai hawm awng nge.
 - Suk tui lun leh phung sial lum aa lei do zaang tual tung ta ee.

Thuk Suang, Suan Cin, Kam Vungh:-

19. - Zaang si ngual taw tong ciam hing nge lei do khuam bang nang hing nge.
 - Von ni ngeal le sawm zo zaam awng do kawl ciang a hul awng nge.

Dol cial - Innpi aphaa:-

20. - Kawi lung tup a zaang a hual tuang sua sau taw lawm ka sa ze.
 - Tai ni khat a phung zai tha taw vang khua hong tuang tung ta ze.

Vungh Khaw Man Lung nat aphua:-

21. - Mi sing ngual ngen om lai ci pha von duang sawl bang baang ta ze.
 - Se sum tel sa bang mang ing nge von luang tui bang thiang la ze.

British Empire te aphua:-

22. - Phak ii sap pan do zing zin aa khua van nuai sia khuang kaai ee.
 - A kaai tam aa vai mang thin thu thian in ngi bang khen ta ze.

Dr. Vum Ko Hau aphua:-

23. - Zaang si mom no dei taang ci suan luun lai ci bangh teal awng nge.
 - Thin thu pha le ngam tuam zil za, za ta dawng kong hong awng nge.

Bohmu On Ngin ii pa, Pa Pau Kam aphua:-

24. - Lei do le vai mang kal a tong dam hawm thiam khai tui lun mang hi ta cia.
 - Thin thu a pha na ngai man a tong dam phei lam bang pha cia.

Wannah Kyaw Htin Bohmu On Ngin aphua:-

25. - Sei no ciang a za ta tong dok lun lai zing vai hawm awng nge.
 - Thei sang tang aa zaang len tual ah mi zaan laam bang paak ta ze.

Pu Tei Nok - Pu Thuam Za Mang:-

26. - Tong dam ciam pui luun tawi ka ngual ciam pui koi ah na haw ziam .
 - Vai Luun tuan na hau lamh min thang vang khua tuang hong tung ta ee.

27. - Phung ni thum awng han lung ciam na khua tuang lam daw tam ta ze.
 - Vai lun tuan na han lamh min thang vang khua hong tuang tung ta ee.
28. - Za ta tuan na vai lun thiam thil ih siang tuang hong tung ta ee.
 - Phung le ngual han lung ciam tek vua mom no ki tawi na pha ze.

A THIPNA

Pu Mang Lian:-

29. - Ciin taw vai lo kuan ing nge zua ngam zaang a nah huai sang in hial nen pan nau bangh omh ee.
 - Zaang khen kawl ciang liang sot aa,ciin zing zin awng sang dei zial khial phung ban zaal ah vul awng nge.

Japan ngal aphua:-

30. - Thang pan lo mei hong laang ee kuam teng taan ee zai tha tual a zaang khen kawl ciang tawi veang nge.
 - Phung le ngual awng lei bang a nong leal zong in tem bangh ka dei do hawm tel zial zo veang nge.

* * *

LIMKHAU PU HANG KIM
(96-18) LA

La kai khawm:- U Ngin Thawng (Lim Khai,Zo)

1. - Pha la tang nge, pha la tang nge, ka khua ci, lah pha lang e.
- Ka khua ci lah, pha la ta nge, sing khua cih, lah pha lang e.
2. - Bei sil sial e, bei sil sial e, ka khan ngual, bei sil sial e.
- Lam ngel kiak pui, lun ni thum awng, koi ah na haw, ta ziam maw.
3. - Ka ciin khuai bang, hang awng e, do lai a nem, ka ve te.
- Ka luan thi taw, sul ziu ing e, ka do sai bang, ban ing e.
4. - Nu tuun sing kuang, a sia ing e, pa sua zan sial, bang ngiah nge.
- Muan lei na sa, suak nam maw, kawi min na la, lo nam maw.
5. - Sei no ciang a, he huai ing e, al bang dah ngual, khup ing e.
- Ka ngual lai a, thel bang ka tuh, thi luang huan thing, zan siang e.
6. - Tang a sial bang, ka sua pui te, ngual tuak ang lai, a siang e.
- Lia ngual di lei, ka zai pui te, von taw lai kuang, kim ta ze.
7. - Mual pan suak leng, tin ngual hi a, kham bang cia lengh, ngam zang ze.
- Ngam zang daw lei, tam tung ah, za ta li bang, cing na ze.
8. - Phak sap a om, lai awnge, na len lung tim, ka zuam maw.
- Na len lung tim, ka zu le, tang le lia, nau bang kap e.
9. - Mawng bang pem na, beam tui vang khua, mun zang sau, pha ngai ing e.

- Tuang ka tut na, lun zal na awng, tang bang dam nan, lawm sang e.
- 10.- Ngal don tuang lam, za tam tuang lam, ngual in tuang lam, in nei ze.
- Ngual in tuang lam, in nei a, luan thi zo ngial, bang kia ze.
- 11.- Khua kiim khen lo, bang lel tangh e, vang khua zing, dai bang pial nge.
- Vang khua zing dai, bang pial ing e, zo dam nuai a, zal ing e.
- 12.- Hong en ve vua, en ve vua, ka khua mual, hong en ve vua.
- Tang le lia um, bang khawl na, ka khua mual, hong en ve vua.
- 13.- Hau ii lang lam, be khi lun e, singta tai, sak zo ing e.
- Miza sui lung, tai vak cing e, zin leng lomei, kai bang ze.
- 14.- Pu von lang lam, sawl bang ih pha, sing tan nun, nop nan nei ze.
- Singtan nun nop, na nei a, thai taw hei na, meal mu nge.
- 15.- Hau ngam zang a, nginem awng e sang taw ka, cian na awng e.
- Sang taw ka cian, na awng e, thi min ka law, na awng e.
- 16.- Phak sap a tul, thing awng e, lun in mung lo bang tum e.
- Luan thi tui cin, na tu a, von in tui bang, la ta ze.
- 17.- Kiak tu ciang a, hau ngam zang a, ka sau na bang, khuak ing e.
- Von te hawm la, cing la ta ze, ka sau pil tang, bang theng e.

Sizaang Ngeina Labu

- 18.- Sau zil za e, tio kuam zai e, von te lai lung, muang la e.
 - Phai mit dam tui, a luan ciang, leng van ka kai, zo ciam maw.
- 19.- Von awng koi ah, na haw ziam maw, pui a zawng ngal sialna khal ziam.
 - Tuanglam tunga, tang le lia ngual, phaimit hem, thak ngam bong e.
- 20.- Pu von lang lam, huang a ngiak sa, von awng maciang, nasuan aw.
 - Tung ciang lengvan, a sang sawn pan, ngual taw na hei, thiam nam maw.
- 21.- Zangsi lun leh, lei do lun awng, nikhat tongdam, ciambawng e.
 - Tong ciambel a, na vang khua pan, khai tui tongdam, thak awng e.
- 22.- Pupa phak sap, tul lim buk awng, tin awng ei, zal na hi e.
 - Lei do zua pan, tong hong thak e, sau taw zing mei, bang mit ze.
- 23.- Nu tun ka ngai, zaw ziam mawnge, pa zua ka ngai, zaw ziam maw.
 - Pa zua pa tang, a lam thei a, nu tun paw, ngai na veng e.
- 24.- Ta pang tuak khial, sen ka tun nu, za tam in thel, bang khu ze.
 - Za tam thel bang, na khu nu a, kiang kam kei nau, bang khu nge.
- 25.- Ka zua lang lam, tem dal min ngei, tuang nu a sia, zo ing e.
 - Pu von ngam zang, nun nuam tung a, tun mang ngua bang, tuan awng e.

- 26.- Ka von ngual kawi, hau tawi lian nu, dainen a ngil, ngiak awng e.
 - Sen ni nu le, na von mon no, lailung na muang, maw nam maw.

- 27.- Phung le ka ngual, na hi sawn ziam, ka be khi sawl, bang thang e.
 - Be khi sawl bang, tha zo ka zu, kasau kam mei,hong suak e.

A THIP NA

- Mi singta ih tum, tai bang hong kul lai a, hau ngam zang a, khai mu lap thiam zil veng e.
- Tuk lu pal puak, po ka zu von min ka law, ka va al ngia, kai ka zak, ka lai hi ze.

* * *

LIMKHAI PU TUN KHAM (95-20) LA

La kai khawm:- Pu Ngin Thawng, Lim Khai (Zo)

1. - Zang si lai a kam kei tang sa tin awng koi a na haw ziam.
 - Thai le ih von hui bang mau e khua mual pan dam tui sia nge.

2. - Zang ngam lei a huisai lim liam ka zua in kawl ciang phu e.
 - Zua in kawl ciang na phu lai a, lun taan ki tawi nan nei e.

3. - Tun min ngei le zua min thang awng hui sai taw lawm kong sa ze.
 - A pham za tam ka ngai man a, pa tang ngawk ngi ngei hi ze.

4. - Tial suk tial phei ka daw nem no pham tan ka lap na hi ze.
 - Pham tan ka lap na hi a, hui sa nawk na lawm sang nge.

Sizaang Ngeina Labu

5. - Laai luang min law ka tin tang nem thian tong dam saang ka na cia.
 - Zangsi ngual taw len mual suak sa, tun nawi sang zong ngawi zaw nge.
6. - Ka tin voi tawi ta pang zal ngawl sang a tua ngai vang ci nge.
 - Sang mang kapai a kua ing e na tun kan kong hawng la nge.
7. - Tun taw lo bang ka hin lai a, aw khi mim khau zek hing e.
 - Zua na zaitha a phat lai a, lang nuai a sawm sial lum e.
8. - Tun ni nuai a, sawl tha nuai a, ei kiak lawi bang thang bel e.
 - Phal luang ngo thul a sia ing ee, sang lun khua mual a suang ee.
9. - Tha liak ni bang ki awi lo vua, the ngul bang li om ngawl ze.
 - Lai kop in tuang nusia na via, sawm sial vo sa patang tunga phai pheak man ka zau hi zee.
- 10.- Phak ih sap aa, do lai nen a, tuai ngel pai va lo awng e.
 - Sasum tun siang tut ka tu bang na zua zin bang ling ing ee.
- 11.- Sen a nun thum kong luai luang a ban thang a ngual thiam ve tia.
 - Zua hang min thei kong law luang a sang nam kim taw ciam ing ee.
- 12.- Na sei no a nunthum ban sam do ang kil bang khang awng ee.
 - Ngual lai thei sang tang pan vak cing na thakiak ngai in zang e.
- 13.- Ta tin a nih thum te awnge ih hen pa tang liap hi ve.
 - Thai ih dei le i von nih thum ka phai mit suan nuam ing ee.

- 14.- Lia nu ciang le tang ka lai zawn ni tin sun nau bang ka nge.
 - Ni tin sun nau bang kap ing e kum tin sang sawl hul ing e.
- 15.- Tun awng na thang zaw ziam mawng e, kamkei na thang zaw ziam maw.
 - Kamkei simlu ka khua mual a tung al van ka zo sak zee.
- 16.- Tin awng ngua bang tuang awng e mim le sawm tang huai awng ee.
 - Tha na kiak ni zua sau nuai pan lai lung na he ba nam maw.
- 17.- Sang phung keen thei ka von zo zamom lai paitem bang kuate.
 - Sak luang pe bang theak thei ci a, lam sawm sial sai bang at hi veng nge, von luang pe bang theak lang ee.
- 18.- Tun taw lai zom mang ih von tawi nga na se thiam ve tia.
 - Tai nga na se thiam ve tia na kiak nu a, na kan kawng kei bang kik nge.
- 19.- A ni tin a zata tong dok laitui mang awng sang dei ngua bang phuk awng nge.
 - Sang ki sim ei sa min thang bel khai tui khua mual lum sak te.
- 20.- Nu tun aw khi thai ang dim sa bat na ngawl a, tham awng e.
 - Zangsi ngual awng, kimpui ngual awng phai mit sin mawk nann pha ze.
- 21.- Sei no lung tup tung sang e, tang ka ngual aw thup nen tunga zang phual mul taw tuang veng e.
 - Pham tam ka min law na leh sawm sial bualna len sa thing le dai pui ngua phung cing sang ee.

A THIP NA:-

- 22.- Ka tin hen tuang tut na le sawm sial ngia na na zin awng tawl om nan nang nei ta ziam maw ee.
- kimpui ngual awng nui ciam in hong bawl lo vua lung ka tup teng ma ciang suan siat zo veng ee.

* * *

**LIMKHAI (ZO) PU THANG DO
(94-20)LA**

La kai khawm: Pu Ngin Thawng, Lim Khai (Zo)

1. - Hen kop ni thum sawm sial zial sa na hen lung mang zia ci ze.
- Ei hen lun mang sawmsial kop zial na ning bel zek zam ci ze.
2. - Hau awng na hawm thiam lalawm te phung ci sai bang bang awng e.
- Phung ci sai bang ban tek awng e, pam ngual nin bang neng awng e.
3. - Aw khi mim khau zang ta lam thiam bem tang kiamlaw lai ing e.
- Hen kol khai a, ang a siat sa, hai bang ngak tu hi tu ze.
4. - Se sum pai va ka law ni na ka von khan ngual va mu nge.
- Ka von khan ngual za ih lai a, lia ka kawi ngual om hi ve.
5. - Pu von ngam zang ma zan ing e, thai taw hei na va mu nge.
- Thai taw hei na kiak lo awng e, hiam bang meat la ki sang nge.
6. - Phai mit awng la leng lo aw, tham sa vei na om thei ze.
- Sing ngual von tawi en na ngawl a, phai mit len na tam sang e.

7. - Ka sawn mono om lai kung kuai kil bang khan kal ngak lange.
 - Hawm tel sam sa ning sawl ban na, ni khat hui si-in len e.
8. - Na kiak nu a, sawm sial kop taw sua siang na tuang tung nam maw.
 - Kiak lung he a, na tui mang te kawl sa tung a, tuang hi ve.
9. - Ka von vai bang ka mua nin, na phei phung siim bang kha sang e.
 - Von in kei tong zo maw ta e, luan thi dam tui luang khawm e.
- 10.- Von awng na kiak lung sik lo aw, sial lum tawi pui om tu ze.
 - Bat phu zong tu thei lo vei mang tun tung phu lum phul bang ze.
- 11.- Ka von zal na do sau nuai a, phai mit ngu ling bang do ze.
 - Von na lang lam zang sawm sial ki tang no ki tawi nan pha ze.
- 12.- Von kiak nu a sawn mom no taw do lai mim bang thum ing e.
 - Do sua pa taw tong kum ing e, sawn taw lawk bang tau ing e.

A THIP NA

- 13.- Zangta simlu tin awnge tuang a nang tut von in kiak law nan a nei ka lai hi ze.
 - Kei zong nem ze zang tawi ta zong hul tu ze tun le sua lai a na nah lei tu ze.

* * *

LIMKHAI SGT.TUANG KHAW THANG
(85-22)LA

1. - Pu von lang lam lum suang min thang kop a koi a na haw ziam.
 - Thim khua zin a sau siang sung a ah vang ni bang tang ci ze.
2. - Lum bang sung tumin phung tu ten ngil al bang mang aw ci ze.
 - Khai tui lun leh pu von tong thiam tun khat in al bang ta ee.
3. - Lia ka ngual leh tang ka ngual in phak sap pan min lo ta ee.
 - Hong lo loh vua phung le ngual awng phung lun lai a hei ing nge. (*Ka mang la*)
4. - Zang ngam lei a sa kam kei awng ngam khuai bang ka hang ci te.
 - Kawl ciang tawi ngawl ka nam tem taw na luang vo sa a suah nge. (1-11-1965)
5. - Do taa buk na ka suan nin na kawl ciang zan thing bang sia nge.
 - Lem tui tong neam va tha ing nge tai nga lei see om ngawl ze (*Laa-hu ngal*)
6. - Al bang ta bel sen pu von awng na tha kiak heam in za nge.
 - Lung tup tui bang tun la tang nge pu von na he huai ve te.
7. - Lung a muan bel tuai mang awng nge hen kol hong thak thiam ve te.
 - Hen kol nong thak na lung tai maw ngual tung na tuang ka nam maw.

8. - U le ka nau kiim le paam awng ka von mang pam a paai te.
 - Ah pham sa a paam a na paih thian in lo tang bang phong ee.
9. - Mun ci teng pan mu bang ngai ten tai nga va see aw ci e.
 - Tum dang tong sua va pan ung ung nge thian mang mun ki hil ung nge. (1 Cor 14:2)
10. - Sun ni tun thum sol tha ni thum phiaang kum khua vei tu ci ze.
 - Sun ni tun kuaa ah cin nin na tun aw ci meal hong cian e.
11. - Lung he luan thi luang tei veang lung tai luan thi ni khumn e
 - Lang lam law a cing la na veang ngual tung ka tuan na hi e.
(A thu 8 / 9 / 10 / 11 / 17 luan khat)
 - (a) Hiam bang kamaw na ngawl a sa bang nong mal thian in tong neam hong luan e lung duai veang nge.
 - (b) Nuai sim lei a ngual lel bang ki hei na veng leng van tual a ka khu lu Neal kai tu ze.
12. - May myo khau leh khawm tui vang khua mu tui ka len na hi e.
 - Khua ci teng a sau ngual ing nge heam tui ka tham na hi e.
13. - Et lawm sang nge et lawm sang ban zal khai et lawm sang nge.
 - Ngaih ciim lang nge ngaih ciim lang na tum nging ngaih ciim lang nge.
14. - Ban zal lap thiam von teng awng nge na tum nging tul tam thawn e.
 - Na san thu pha lung ngai un naw thian mang awi ma zam un maw.

Sizaang Ngeina Labu

- 15.- Ciin awng na lam tam la lawm e ngual lai ang tang ka nang nge.
- Tha kiak nu a ngia bang zom tu von ci teng he huai sang nge.

ANAW

- 16.- Meal mak lai a pu von mang te mim le za tang cial daw ni thum sawm sial kot huang dim ci ze.
- Ciin awng han lung ciam hi ve cia thian mang hawm tel mun inn ngam lo motor car huang dim sak te.

A THIP NA

- 17.- Hiam bang ka maw na ngawl a sa bang nong mal thian in tong neam hong luan e lung duai veng nge.
- Nuai sim lei a ngual let bang ki hei na veng leang van tual a ka khu lu Neal kai tu ze.
- 18.- Mun inn ngam lo thang puan bang tan na veng nge thian mang thin thu lai ngil taw kei hei veng nge leang van kham khua pii nuam tut kal ngak laa nge.

* * *

LOPHEI LT.COL.THIAN KHAW KHAII (57-24) LA

LAA KAIH

- 1. - Paa zua thaak iak paw, taang bang pal sah veeng nge, nu tuun in aal bang uap aa, ngual laai ah, sei sang kah tang hi zee.
- Phaai tui ngam zaang laa, phung teng zaal nah aw, cih veeng nge, ngua bang laa, ka tuan ciang, ah, zaang neen ah, sau deih ka ngual hi zee.

2. - Sen ah pu von la, sang kop zial thiam sah veeng nge, a kaih lah phung cing sak a, kim pui khan deih bang ah, dem hi zee.
 - Aw khi min ngei, la, ah duang ah baang kim sak veeng nge, sang nam cin khua mual suah ah, zaang si ten lam bang ah paak hih ze.
3. - Tun leh sua paw ne, maa bang hong pan hih veh tang pa la, ka khan ciang ah, do lai len suul ah kah zui hih zee.
 - Taang ka tam ngual pawh, dawn ah suang sawn veeng nge, mi lun ten, lam bang paak ah, ka duang aak sii in, ah bawm hi zee.
4. - Taang kei khan ah, pu von duang zil hi veeng nge, do len sul ka zuih ciang ah, ni cin pat puan bang ka saai hih zee.
 - Zaang ni suak ee, do phung ngua bang phuuk hi veeng nge, lei do lah, a kawl ciang tawh, vui saai kop maa ciang kah suan hi zee.
5. - Zaang tawi ngam kuam ah, do taah pial vaa bang ah laam hih veh, luun taah lah, neem zo tah ee, ngam kuam teng, khuai bang ka suan hih zee.
 - Ngam kuam an bang lah, it hih veh hing nge, zo taa han lung ciam ah, zaang ngam kuam, lum bang ih sung hih zee.

LAA NGUI

6. - Sen ah pu pa, zaang si laai ah, neel bang hau ah, thang hih zee.
 - Laang lam za taam, awh khii min ngei, len pui na ngual sing veu teh.
7. - Pu von han lung, ciam hih veuh teh, sang leh laal ah, thang veu teh.
 - Vui sai lim lian, khua mual suah teh, pa tang ah saai bang laam teh.

Sizaang Ngeina Labu

8. - Seen a pu pa, sang kop zial leh, kai za tam tawh, na min lawi bang, thang sak teh.
 - Na kaih zah tam, phung cing sak teh, vang khua thut bang, lum sak teh.
9. - Miim bang pian nah, tun leh sua awng, von teng va bang ka pilh na tu, thin laai han lung, ciam veuh teh.
 - Pu pa thei lo, vaai mang thiam thil, sua awng maa ciang, hong suan teh.
- 10.- Von teng zai thaa, tung man ngawl ah, sua mang tha kiak, pal saang nge.
 - Kiang tawh ngawl ah, tuun nu in maa ciang hong suan ah, ka tun nu, sui lung taih sak ing ngee.
- 11.- Maa bang pat ah, seh sum hen, se sum hen sul zui ih veeng nge, do ngam zang ah, leng ing nge.
 - Thin laai phu bang, kho sak ing nge, do lun sawl bang, hul sak ing nge.
- 12.- Phei phung tawi zaang, suan kal ing nge, mual ciin sang tuang, tung ing nge.
 - Mual ciin sang pan, taang ka ngual tawh, lei do pal bang, nang ing nge.
- 13.- Zaang ni suak ee, do lun na sul, zui ih veeng nge, do phung ngua bang, phuuk ing nge.
 - Lei do lun leh, ah kawl ciang tawh, ah vui sai tawh, ni khat ma, ciang suan ing nge.
- 14.- Do lun sang lun, ah thang zawh maw, do ih kawl ciang, thang zaw maw.
 - Ah kop ah thang, maa ciang suan ing nge, ka min lawi bang, thang sang nge.

- 15.- Bel lun in lam, bang hong paak nah, min nei vang thang, ka duang ah, sawl bang bangh ta ze.
- Taang ka khan ngual, suang sawn veeng nge, pu pa na khan, khup veeng nge.
- 16.- Meel mak vang khua, England ziing zin ing nge, thei lo thiam thil, sin ing nge.
- Kaang tui lun mang, za tam lai pan, ngual lai kan ah, sang ing nge.
- 17.- Pu pa khan ah,sang kop lal kop,khua mual sua a,thang hi ze.
- Taang kei khan ah, thian mang tong ciam beel vak cih nge, sang kop lal kop, khua mual suaah ngawl, tham hi ze.
- 18.- Bel lun mang leh, pan tui luun maang, kawl ciang kih saai thei lo vang khua tung ing nge.
- Beel lun maang teng, ah ki hoh nah, taang in maa ciang suan hi veeng nge, pha leh siah, cian tel sak ing nge.
- 19.- Zaang tawi ngam kuam, khuai bang suan tu, doh ta pial vah, laam bang ze.
- Ngam kuam an bang, ih it man ah, zo suan han lung, ciam veh vawh.
- 20.- Zaang tawi luun teng, neem zo tah ee, zang ngam kuam suan, vaak cih nge.
- Ngam kuam lum bang, sung hih veh hing, zo suan ih than, na hi ze.
- 21.- Beel lun phei phung, tung thang van pan, thim ziin so bang zawt ing nge.(*Japan ngal teh om na, zaan ah Para chute tawh tuak ing.*)
- Ah pham tu ah, lun tawh tong ciam, zaang don ah tuang tung ing nge.

Sizaang Ngeina Labu

- 22.- Tun leh zua min, ka lawh na tu, tio ah lum sung, aw cih nge.
- Ciin tawh tuai tawh, han lung ciam ing nge, lum suang ka deih, zial ing nge.
- 23.- Kah tun lai zom, sen pu von awng, luun laai tai ngaa, sut awng nge.
- Pu von luun maang, tang bal bang pil, ham bang hong huai thiam veh teh. (*Pu Pau Suak ka phua*)
- 24.- Muan tui bang ciim, sen aang kawi awng, ih saau nah zuu bang puah teh. (*ka zi ka phua*)
- Lang Lamh tui bang dim sak ve te, khan sawt ih khanh khom leang nge.
- 25.- Kah ciin aang kawi, haau tawi lian nu, ciin tawh han lung, ciam awng nge.
- Tuun tawh ciam ah, nah kiang maang tawh, zua sau nah zuu bang pua teh. (*Ni Suan Neam ka phua*)
- 26.- Aang tawi von deih, tawi thiam veh teh, na saau thut bang, lum sak teh.
- Nun nuam ah heih, leih ding sang nge, kiang mang sun nau, bang kah teh. (*Ni Suan Neam*)
- 27.- Sen kawi zua pa, thian mang thaan vaang, zangsiih kuam a, thang sak teh.
- Thian tong hawm thiam, cii bang pawi ah, zaa tan don ngia, bang zom zee. (*Sia Za Khup*)
- 28.- Do suul zuih ah, tuai leh sawn awng, do kawl ciang ah, zaal awng nge.
- Sawn leh ka tuai, lung khing lo vuah, bat phu tui bang laa ing nge. (*Pegu Yoma ah Captain Suang Kho Lian leh Corporal Kam Kho Hau tual ngaal ten that ah*)

Lt.Col. Thian Khaw Khai in a phu la kik)

- 29.- Tun sung lai zom, ka ciin mang awng, kawt kawl zing vai, hawm awng nge.
 - Seh sum len sul, zui hih veh teh, ngual tawh tan bang kim veh teh. (*U Khup Kho Thang*)
- 30.- Tuai maang lang lam, sau maang awng, nge, len pui nga ngual sing veh teh.
 - Thai tawh von tawh, tio lim nga tawh, tul mawk lo bang hing ve vaw. (*Capt. Thawng Za Cin Hau*)
- 31.- Ka ciin lian nu awng nge, zai tha hiam bang, hat awng nge.
 - Kot kawl ziing vaai, kiang hawm thiam tawh, mun a hong muang, lei veeng nge. (*U Ciang Khaw Cing te nupa*)
- 32.- Nu tuun bang kong ngaih, ciin lian nu awng, awm lai paai nuang, bang kua teh.
 - Muan tui bang ciim, ciin lian nu awng, koih ah nah hawh ta ziam mawh. (*U Khup Khaw Dim*)
- 33.- Kiang tawh ngawl ah, von teng aal bang tah hih veh teh, sik mul sawn bang, ling ing nge.
 - Von teng zai tha, taang bang tung ze, tun leh sua, meel in mah ze. (*U Khup Khaw Dim*)
- 34.- Taang ka lai zom, thei bang sen bel, lang lam tawm tawh, hei lei ve teh.
 - Tun leh sua lo bang hing leh seh, lam bang hong pak lei tu ze. (*Nau Ngaw Cin Pau*)
- 35.- Pu pa phak sap, thei lo vaang khua ah, kawi aw saau maang, ngaaai veh teh.

- Zaang tawi in muu, bang ngaai tah ee, se sum ka deih zial ing nge. (*Taungyi inn*)
- 36.- Kawi tawh tong ciam, saau maang nun nuam, seh sum tam seh, ih veang nge.
- Thai tawh von tawh, ka heih nah tu, saau maang mun, muang zo ing nge.
- 37.- Zaang tawi ngam zaang, mun inn kuam zai, kawi awng mu bang ngaai veh teh.
- Seh sum tam seh ih veh hing, ngam zaang na deih, zial hing nge.

A THIP NA

- 38.- Sen ah pu pa zaang si lai ah, neel bang haau ah, tem mual suah leh, sang kop zial ah, ngual lai ah, sing veh ee.
- Ah kaih zah tam, ngual laai ah, kan saang sah nge, aw khi min ngei, ah duang ah, bang kim saang nge.
- 39.- Do len suul a zui ih veeng nge, kah ngual lai pan thian hawm tel, nau bang saang ah, kan saang veeng nge.
- Mi lun ten lam pang pak nah, ka ban zaal ah tung ak sii leh bel lun khu lu suang veng nge.
- 40.- Kaang tui lun ngam kuam zaai ee, vang in la ee, phei phung suan ngawl, leeng van tawh ziing zin ing nge.
- Taang bal bang pil, muan tui bang ciim, lei ci ah, ci bang hong teel, mi lun teng hawm tel hi zee.
- 41.- Ngual lai kan sang sah hi ing nge, zang ngam kuam ah lai kuang um pui, lei do lal tang suak ta ze.
- Bat na ngawl lah, thaavang eeng, siing ta von tawi, nuu leh tiim khen, thian maang in tian tel sak zee.

42.- Pu pa khan ah, sang leh laal, hen thiam sang nge, taang kei khan ah, pu von, duang, zil lei veen nge.

- Pu von na khan khup ing nge, bel lun hawm tel taang in kei duang ah, paai tem bang, kua lei veeng nge.

La nei:-

Lieutenant Colonel Thian Khaw Khai (Retd)

Life Deacon

Yangon Siyin Baptist Church

* * *

LOPHEI PI CHIN ZA CING
(112-22)LA

LA NGUI

1. - Mim bang pian nah, sen puu von awng, tai nga sep aa, thang awng nge e.
 - Nah kaih za tam, ngual siing vee tee, khua kiim lai ah, thang awng nge.
2. - Zua maang kiil bang, nah khan ciang ah, lang na lam tawh, pu von khan dung ah zil tee.
 - Saau maang khuam thing, bang laih veh tee, ngual tawh tan bang, kim veh tee.
3. - Thian mang thin thu, maa ciang suan tee, Thianmang tha vang thang sak tee.
 - Mi zaa dawn ngia, bang zawn ta zee, na min ngual laai, thang saang nge.
4. - Zua awng han lung, ciam hih vee tee, lang nah lam tawh, von teng maa, ciang hong suan tee.
 - Thin thu kaih thiam, ka zua maang awng, vong teng kaan ah, saang sak tee.

Sizaang Ngeina Labu

5. - Zua lang lam leh, tuun lang lam awng, ngam zaang kuam aa, zai saang ngee.
- Zua min law nah, lai tui vaang khua, mun inn hawm tel saang ing ngee.
6. - Zua awng thaan na kiak nii, ngam vaang la ah, hei ing ngee.
- Paak ih sap ah, ngam vaang laa pan, meel mu ngawl aa, zua pham sun nau, bang kaa ngee.
7. - Tuun awng kuul sing, nah tan ni ah, ning leh aai saa, niang kah naa ee.
- Tuun kiak inn bang, ka heh man aa, kung vul ah, zin bang thaan ngee.

Ka u U Vum Kho Hau ka phua:-

8. - Ciin awng vaa bang, nah pil kom ah, kaang tui ngam kuam, uap awng ngee.
- Kaang tui luun maang, mi ci teng tawh, ciin awng zing vaai, hawm ve tee.
9. - Kah ciin tong neem, tui bang ciim awng, nah hawm thiam, maa ciang suan aw.
- Zaang tawi luun tawh, tan bang kim tee, nah min lun laai siing vee tee.
10. - Pu paa phak sap, zaang ngam leei ah ciin aw saau maang, ngaai vee tee.
- Sau maang nii thum, dawn suang sawn ee, ngual in nii bang, kaai et zee.

Ka u U Kham Cin Khai kah phua:-

11. - Kah ciin lung zawk, haan lung ciam na, do laai len suul, zui awng ngee.
- Bel luun in, laam bang hong paak naa, kung tung paai tem bang kuaa tee.

- 12.- Nguang tuan nah, zaang len tual aa, thai tawh ciam aa,
saau mang khuam thing bang ngual tee.
- Thai tawh von tawh, na khawl nah tuu, sauu maang mun
muang, zo vee tee.

Nau U Suang Cin Pau, Australia ah pai nah:-

- 13.- Tuai awng vaa bang, nah pil nah tuu, meel mak vaang khua,
thang van tawh ziing zin vee tee.
- Lii tui ih laai, kaang tui ngaam nuam, taang nah kih beek nah
hi ee.

Ka pasal Lt. Col. Thian Khaw Khai kah phua:-

- 14.- Kiang tong neem tawh, han lung kah ciam, ka saau huang
zawl, dim sak ngee.
- Kiang na lang lam, taang bang tung ee, nun nuam ah heii lei
veng ngee.

Mo Khup Kho Dim ka phua:-

- 15.- Ka kiang laai zom, ciin lian nu awng, taang bang dam ding,
ngaai vee tee.
- Phak sap ah, zing zin awng ngee, zaang ta kuul siin, siim
awng ngee.

Ngaw Cin Pau ka phua:-

- 16.- Kakiang laai zom, thei bang sen bel, luun laai kih tawi, tuam
vee tee.
- Siim lei kuul lu, lum suang cii phaa, cii bang teng aa, thang
hih vee tee, nah min zaang ngaam, kuam thawng ee.

Hau Khan Dim ka phua:-

- 17.- Muan tui bang ciim, von lian nu awng, taang tawh tam bang,
kim vee tee.
- See sum muu bang, nah ngai man aa, meel mak vang khua,
ziing zin ve tee, von awng haan lung, ciam po aw.

Ka ta pa te leh k ah taa nuu te kah phua:-

- 18.- Pu pa theilo, meel mak vaang khua, von teng thiam thil, sin sak ngee.
- See sum tawh suul, zui hih veeng ngee, von teng han lung, ciam vee vua.

Kah mo Khup Za Niang kah phua:-

- 19.- Kah ciin von tawi, lia neem no awng, von tawh tui bang, ngawm ing ngee.
- Kah saau nah zu, bang pua vak cii, mun ah muang, lei veeng ngee.

Ka ta nu Manno ka phua:-

- 20.- Ka von thei bang, sen bel awng ngee, thin laai tui bang, ciim vee tee.
- Tuun leh na zua, nau bang hong omh thiam vee tee.
- 21.- Thian maang tong daam, naau bang na saan, taang bang dam na, lawm saang ngee.
- Mi za tong mo bang dong ta ee, von aw ma ciang na suan aw.
- 22.- Von awng vaa bang, na pil kom aa, kot kawl ziing vaai hawm thiam vee tee, taang tawh tan bang, kiim vee tee.
- Taang tawh kiim a, ka von sen belh, khan sawt ngua bang hing in aw.

Nu Suan Neam ih Nu Ciin Za Cing a phua laa:-

- 23.- Luun phuung siim khawm, tuai lian nu awng, kah duang na zuu, bang puah tee.
- Zaang ta see sum, zial lei vee tee, lia na langlam zaang kham eng no, ka beng ah, baa lei veang ngee.

- 24.- Nuu tuun ngau zu, bang ka laih nah, tuai lian nu min lo ing ngee.
- Tuai awng tui bang, na ciim kom aa, ngai sial nau bang, hong om tee.

Nu Suan Neam ih Pa Thian Khaw Khai ah phua laa:-

- 25.- Tuai maang haan lung, ciam hi vee tee, lang lam ah ngual siing awng ngee.
- Bellun in mun, hong muang hi aa, luun laai ziing vaai, hawm awng ngee.
- 26.- Kah kiang min thei, kah law luang aa, tuai maang min thei, lo ing ngee.
- Kot kawl ziing vaai, nah sen kawi tawh, mun ah hong muang, zo ing ngee.

Nu Vung Za Cing ih Nu Ciin Za Cing a phua laa:-

- 27.- Luun ih von tawi lian nu zawn ngee, taang tawh tan bang, kim awng ngee.
- See sum laam huai, lei hi vee tee, zaang kham eng ah, zial awng ngee.
- 28.- Lim bang kong beel, hau tawi lian nu, haam bang hong huai, thiam vee tee.
- Lia na lang lam, zang kham eng no, kah duang ah hong baang vee tee.

Pa Thian Khaw Khai ih a zii Ciin Za Cing a phua:-

- 29.- Muan tui bang ciim, sen aang kawi awng, ih saau naa zuu bang puah tee.
- Lang lam tui bang, diim sak vee tee, khan sot ih khan, khom leeng ngee.

Nu Ciin Za Cing la thip na :-

- 30.- Puu von khan ah, kaih za tam, ah thang zawm maw, zua awng thian tong, ma na pat, ah thang zawm maw.
 - Seen ah puu von, miim phung lum, bang sung hi aa, zua maang khan ah, Thian tong dam, ma zai sak zee.

 - 31.- Nung leh ka maa tan kim sa lei veeng nge, Thian tong hawm aa, ngual laai aa, kaan saang khawm zee.
 - Se sum lam tam ngual laai aa, kaan saang khawm aa, zaang tawi lun ten tong mo bang dong lei vee ee.

 - 32.- Tun leh zua in luun lai tu, bang suan taa ee, kiang luun maang tawh, phaak sap aa, zing zin veng ngee.
 - Lia ka len na se sum paal, bang lo veeng ngee, Thian maang hawm tel, nau bang aa, sang lei veeng ngee.
- * * *

LOPHEI PI HANG ZA CING
(54-23) LA

1. - Mim bang pian na tun le ka zua, Hawm tei niang aa thang awng nge.
 - Tun le zua vang tin le tuai awng, Thian hawm tel sang kim hing nge. (*A nu le a pa a phua*)

2. - Zua khan sim na khua mual lum suang, Na tuan na dai dam sang nge.
 - Tuan na dai dam lung zuang vak ciing, Sum tual tu bang suan ing nge. (*Khan suang a inn a tua*)

3. - Zua sau pan ngua bang ih tuan na, Sum tual nun' nuam no awng nge.
 - Kiang min law na, tul thing min ngei, Sau taw phu bang kho hen aw. (*A tuan inn a phua*)

4. - Zang nen ka sau mang awng nge, Kiang taw mim bang ka bual na.
 - Kiang taw mim bang ka bual na ze, Von teng tang lap na awng nge. (*Tahan inn a phua*)
5. - Kiang awng nga bang na len lai a, Mi za tong dok no awng nge.
 - Na kiak nu a, tam ngual len baang, Sun ni tum luan khi hi ze. (*A pasal a phau*)
6. - Sak le thang lo bang ka kawm na, Phei phung suan neam zo tang nga.
 - Tu kawl tawi han, lung ka ciam na, Ban zal huan tu bang dol ze. (*A va zawk nawm ngawl a phua*)
7. - Pu von ngam zang za ta ngual ngen, Kiang taw han lung ka ciam na,
 - Tul dei kung ciin, nun kaai luai sa, Na kawi ka luan thi hi ze. (*Apple a phua*)
8. - Von teng lang lam hawm tel san ni, Kiang min thei bang lo ing nge.
 - Ni cin lai kuang ka um pui tu, Von ni thum le kiang mang mu bang ngai ing nge. (*A pasal aphawk na aphua*)
9. - Ka than awng nge ka than awng phung teng Zial aa, zang si lai a, ka than awng.
 - Tin sau zal na, mun inn ni thum Lia in sun nau bang ka' ng nge. (*A sua pui teng a phua*)
10. - Thei bang sen a tun le ka zuan, Lia tawi mun in muang ve te.
 - Tum bang huai a thin thu za tam, Kua taw ciam ngawl zing dai bang Nawk kim hing nge. (*A nu le a pa a phua*)

Sizaang Ngeina Labu

- 11.- Ka zua sau mang za ta len na, Lia le tang lap na awng nge.
 - Nu tun sum tual ning beal ngual na Ngam thang bang dai zo ta ee. (*A pian na inn a phua*)
- 12.- Awm lai pian dang, tuai duang a bang, Tam ngual phak lak nan nei te.
 - Kil bang khan tom na tu a, Zin leang ii hen kol hi ee. (*Kam Za Cin a phua*)
- 13.- Ka tuai ngual kawi hau tawi lianu, Na tha kiak pal lua sa'ng nge.
 - Na kiak nu a siang sung thin thu kiang le Na von kung tung tham san vei in nge. (*A hau paa zi a phua*)
- 14.- Tun sung lai zom tin khat min law Tang tawi mu bang ngai awng nge.
 - Ka tin min seal von lian nu awng, kiang le Von taw tun le zua huai thiam sang nge. (*A uu aphua*)
- 15.- Kiang kiak a na zaw tam maw nge, Von kiak a na zaw tam maw.
 - A kop in lai a na khawm e, Von in ka zai tha kuai ee. (*Khai Bawk te pa ta a phua*)
- 16.- Ka ang pan piang von mom no bel, Sun nau bang ka ma sa'ng nge.
 - Thai le na von ma ciang suan tu na Tun neam leh thian mang nong muang khawm ziam maw. (*A ta pa no bel Khai Bawk a phua*)
- 17.- Kiang taw lung tup tui lim nga awng, Laak nuai ka huang hul bang ze.
 - Kiang kiak nu - a , lung zuan ngak na, Phai mit sawt tawl dam maw ee. (*Nga sa khuk a phua*)

- 18.- Sau nen ka tau sang awng nge, Hui si dam san na awng nge.
- Zan khang kim aa, kiang le von taw Nui ciam pal am na awng nge. (*Inn ka a phua*)

A THIP NA

1. - Tun le ka zua lai zom teng khuam banh lai na, Phung lai ka tin min law ngeal cing sa awng nge.
 - Nun bang ih nop tun,tom e tin nih thum awng, Ciam pui bei a sun nau bang ka kim veang nge.
(*Sua pui teng thi siat a phua*)
2. - Ka khan tang bang pha ziam maw, Zu bang sia ziam, ih phung lai pan,Laam dal bang khak tuam veang nge.
 - Tha kakiak ciang tung thang van na, Thian sau nun nuam khuam bang lua, lai leng cing nge.
(*Khak bel nun tak a phua*)
3. - Ka ang pan piang lia le tang von nih Thum awng na tun ngai sial sun nau bang Op thiam ve vua.
 - Tung Pathian hawm siam hen aw,Ih kung tung ah,von ni thum le sawn teng al bang uap leng nge.(*A ta te phua*)
4. - Tun le zua khan ma zial na kung tung thin thu,Siang sung zing vai von ni thum hawm thiam sang nge.
 - Nuai sim lei aa von ni thum kum sawt hen aw,Tung mu van lal min ngei lang phung uap hen aw. (*Jubilee a phua*)
5. - Mal ngam thing bung bu kai bang, Khat tang hing nge, Phung tun nu teng Zing vai bang that zo ta ze.
 - Von ngual kawi tu lia ni thum tui bang Ka Laak, he lua neam tu ma mo teng Mun muang veang nge.
(*A mo teng a phua*)

Sizaang Ngeina Labu

6. - Mim bang pian na kai tui khua ka ngai zawm maw,Pu pa ngam zang phei tui khua ka ngai zawm maw.
- A kop in he huai sang nge ka hei mun pan,Ngal in don leng lak mai luan thi nul veang nge.
(Pian na khua teng a phua)
7. - Do lun lai a kiang taw nga bang ka len lai, Lun tawi mom no do a pham zatam sang nge.
- Zan khang kim aa, Thian mun mim bang thum ing nge, do kawl ciang In ka kiang zing dai bang pial ee.
(A Lawm mi thi teng a phua)
8. - Ka tun khan sawt lung zuang a mau ngi -i ngei -i leh, Ka tuai ngual kuai kum sawt zing vai hawm khawm ee.
- Siang sun thin thu, hei vuai tam, zing dai bang nawt, Ka tuai ngual kuai,thin thu dia - duai thiam sang nge.
(A nu le Thang Bawk nu a phua)

* * *

LOPHEI (SUANGDAW) PI NGIAK KHO HAU (48-24) LA

1. - Thianmang hawm tel sang na keak a, koai lung ngil lo luan thi taw sung tui dip nge.
- Sul hei thei le Thian mang hawm tel nau bang san teng khing an bang kum nuam ing nge.
2. - Koai taw sa bang ka tat na khua bang sial ing luan thi tui cinna hi ee.
- Koai taw han lung ka ciam na ma zap ngam ngi zial ing nge thin lai suan beal bang kaangh ee.

3. - Sau mang lim lian lun ta khawl na thin thu za tam a sial na hi ee.
 - Cial nii ngeal le toai ki suang sawn koai taw va bang ka tuan na hi ee.
4. - Do ngam zaang ah kawl ciang toai na Thian in lum bang sung hi ee.
 - Han lung ciam na ziat le vei ah tung al si bang vam hi ee.

A ta pa Kam Khan Khai a phua:-

5. - Von meal mu ciil taang min law taw phak sap ah zing zin ing nge.
 - Tai ni khat zong lai kuang um ngawl von um tui bang khuai ing nge, taang ngual lai ze zum ing nge.
6. - Sul hei ing nge von sak luang taw Pi sei sau sak luan thi taw tuang tung ing nge.
 - Sa bang tat na khua bang sial ing thi lai thim khua zing sa'ng nge phaimit ngu ling bang do ee.

A tapa Tuang Khan Dal aphua:-

7. - Zua min lawna taang von toai aw phaksap ah zingzin ve cia.
 - Vaimang ngamkuam toai sang za tam phaimit sot et lawm nam maw.
8. - Thian in lum bang hong sung ee vai mang thiam thil ni khat duang a baang ve tee.
 - Vang khua sul bang hei ve cia laam bang paak tu sua lun mu bang ngai ing nge.
9. - Sanga lang lamh cii bang top na phai mit sot etlawm sang nge.
 - Thiam in lum bang sung hen aw thai taw von taw tung al si bang vam hen aw.

Sizaang Ngeina Labu

- 10.- Nam ci von toai za tam lai ah sau mang phu thiam thin lai pal bang ang ing nge.
 - Khua bang sial ciang tha ih kik ni meal mu ngawl tu khau bang sial ing nge.
- 11.- Pu pa thei lo vaimang zun thiam von ih hong tuang tung sak tee.
 - Kung tung vant sel a nat kom a,phai mit om lai vei ing nge, von lam tham sa vei ing nge.
- 12.- Vai mang neal bawl thiam thil min thang mi za in mang bang bawm ee se sum lamh huai ka sa ze.
 - Na tun lung hee nong nepna in hiam thil piang dang taung hong tut tee tun in laam bang veal la nge.
- 13.- Thuulung pian dang ka siang sungah Thian taw kop in von in hong tuang tung sak ee.
 - Lim pha busuan lai neam sung tui dip na hi ee Thian lun laam bang paak ing nge.
- 14.- Pu pa ngui ah ka sut ngawl vai mang zun thiam ka sing sungah von in hong tuang tung sak tee.
 - Thian in lum bang hong sung hen aw kum simh za tam von lamh laam bang veal sak aw.
- 15.- Van sin nuai a dam tui limlian von aw sa bang na tat na hi ee.
 - Taang tam ngual taw thian in lum bang sung hen aw.
- 16.- Thian in lum bang sung lai hen aw,thai taw von taw kum sawt lo bang hing hen aw.
 - Dam tui tung a sa bang tatna tun in khua bang ka sial ciang thin lai suan beal bang kaangh ee.

- 17.- Von awng hanlung naciam ziat le veiah tung alsi bang vam hi tee.
- Pupa ngui a a sut ngawl sau taw et lawm ka la zee.

A tupa Nang Suan Mang a phua:-

- 18.- Sawn meal mu ciil taang min law awng heina po ah pisei in khuabang sial ing nge.
- Thinthu zatam khua bang sial ciang sawn meal mu ciil Tian taw kop siam nuam veang nge.

A tapa Cin Pum Nang aphua:-

- 19.- Pham taw hing taw voitoan ngeal cing thin thu mun muan von min law hawm taan ve tee.
- Ta bang khialna khulu khu ziam cii bang tawm tu Thian mang ii tong ci ziam maw.
- 20.- Na tun neam in tuum bang huai a, sawn meal mu ngawl ni cin khua bang sial ing nge.
- Bellun Thianmang ta bang khialna mim bang thum ing von min law hawm thiam sak aw.

A mo Lian Khan Huai a phua:-

- 21.- Ka von ngual koai zaang lei daw tam nin bang nuam sa zai tha hiam bang hat sa nge.
- Pham taw hing taw han lung ciam na tuang nu siat sa phai mit sot etlawm sak tee.
- 22.- Khua bang sial ciang han lung ciam na hai bang ngak tu von toai mu bang ngai ing nge.
- Von min law tu thianmang ii tong zeak hi ee, thin lai mun ah muang sak aw.

A ta pa Thawng Khan Khai a phua:-

- 23.- Na zua kiak ni vonmin law te Thian tong saang tu lung muangmaw leng luan thi dai bang theau tu zee.
- Pu pa han lung a ciam na von in sul ah zui thei tee,thian in lum bang sung hi ee.
- 24.- Thian tong san na tong neam khuai zu thum hen aw,nam ci von toai al si bang vam hen aw.
- Na zua pham sa sul hei thei le thai taw von taw Thian tong sanna thin lai pal bang ang tu zee.
- 25.- Ka ang pan piang taang thei sen aw tun taw holung kum ngawl a koai tu cii bang teal thei tee.
- Miim bang pian na sen pu von taw miim khau bang zom kik hing nge.
- 26.- Ciin min law na taang von toai aw von mu tui bang khuai ve tee taang ngual lai ze zum hing nge.
- Lung ngil thei lo sawn sak luang le ngai tam sial na sawn min khua bang sial ing nge.

A mo Lian Khan Cingh a phua:-

- 27.- Ka von ngual koai sanga puan bang ka huai teng nu sul zui tu thinlai mun ah muang ing nge.
- Taang le lia von toai na keak a,tun min law na lia meal mu ciil thian in tui bang la ta ee.

A tu pa Hau Muan Mang a phua:-

- 28.- Lung hee nepna sawn momno taw ka siang sungah niciim nui thiam bawl thei nge.
- Thian mun miim bang ka thumna tong hong saang ee sawn momno le thian lun laam bang paak ing nge.

Cingh Khan Huai le Vung Khan Niang a phua:-

- 29.- Ka ang pan piang lia nii ngeal awng holung kum thiam miim khau zeak thiam lei veu cia.
- Thin lai ngui ah ka sut ngawl banzal zep thiam sil puan etlawm na tun duangah baang veu tee.
- 30.- Ka ang pan piang lia nii ngeal awng hau lai ah zin bang tha ne.
- Thian in lum bang sung hi ee taang le lia von toai na keak a, sawn min law hawm taan ing nge.

A tanu nobel Dim Thian Cing a phua:-

- 31.- Ka ang pan piang lia thei sen awng na tun sung tui dip na tu in meal mak khing an zong tee.
- Kum sawt lo bang ka hing zongin thin lai mun a muang ing nge.
- 32.- Ka ang pan piang lia lai tan awng ciin min ka lawna hi tee.
- Ciin min lawna lia lai tan awng sil puan etlawm na tun duang ah baang hi tee.

Dim Thian Cing te nu pa a phua:-

- 33.- Thian in lum bang sung hi ee sanga von toai hau lai ah zin bang tha nge.
- Ka von ngual koai kum sawt lo bang hing hen aw, Thian tong sann a tung al si bang vam hen aw.

Cingh Khan Huai te nupa a phua:-

- 34.- Sanga von toai ka von lian nu na koai mun ah muang ing nge.
- Nam ci vontocai zatam lai ah thin lai tui bang ciim ve tee, mize lai ah sing ve tee.

- 35.- Sen pu pa meal a mu ngawl sau mang ngeal thiam miza lai ah sing sa'ng nge.
- Sau mang lim lian hai bang ngak tu, von nii thum te Thian in lum bang sung hen aw.

Cin Do Pau le Tahan za to a phua:-

- 36.- Nam cin von toai om lai vei te lim bang bel tu sau mang phu thiam phai mit sot etlawm sa'ng nge.
- Thian taw kop zing vai hawmna kum sawt lo bang hing hen aw lum suang phu bang kho hen aw.
- 37.- Miza von toai mun a muan sa vai bang tham tu lumsuang phu bang khosak tee.
- Thiam min lun le lun von toai taw puan bang thua tee, miza lai ah sing ve tee.

A tuu te teng a phua:-

- 38.- Ka sawm momno Thian in lun bang sung hen aw, kum sim zatam miza lai ah sing hen aw.
- Sawn nii thum te pisei in khua bang sial ing nge Thian taw kop siam nuam ing nge.
- 39.- Ka sawn ngeal cing pisei in khua bang sial ing nge Thian in lum bang sung hen aw.
- Sanga toai sawn lia le taang te pisei in khua bang kong sial ciang ngai khua daai bang theau hi ee.
- 40.- Khua bang sial ciang von min law te sawn ngeal cing taw ni ciin meal mu nuam ing nge.
- Tung Pathian le Thian lunmang awng ham bang hong huai thiam ve tee.

Ama a kiphua:-

- 41.- Am vah lai bang a nat kom a ngual lai va bang ka leang zongin lia ngual lai ze zum ing nge.
 - Tai ni khat zong silpuan etlawm duang a baang ngawl, Thian in lum bang sung hi ee.
- 42.- Zua kiak nu a zuasau khuam bang laih natu in luanthi taw hanlung ciam ing nge.
 - Sanga lai bang a nat kom a, miimphung vontoai laizom bang kung a kuai nge.
- 43.- Ka tun neam in miimphung cialdaw, nau bang kaa law lai hi ee.
 - Ka tun lung hee ka nepna in cialdaw hanlung ciam ing nge.
- 44.- Mealmak ngamzaang saumang phu thiam, Thian lun laam bang pak veang nge.
 - Vaimang ngeal thiam sanga saumang, Thian in lum bang sung hi ee.

A suapui teng a phua:-

- 45.- Tun sung laizom mimlaw ngeal cing, lai teng koi ah na haw ziam?
 - Sikmul sua huai ka tuai lian nu pupa maa bang a pat sa ih heina vang la sa nge.

Lam Ko Pau le Mang Ko Thawng a phua:-

- 46.- Seino vangkhua tun ngual sua ngual, lia le taang taw sua min laam bang pak ung nge.
 - Taang min law ngeal thai taw von taw koi ah na haw ta ziam maw.
- 47.- Taang min law ngeal heina vangla phaksap ah saumang phut tee.

Sizaang Ngeina Labu

- Seino vangkhua lia ni ngeal te taang laizom te khua bang sial ung nge.
- 48.- Tuang lam tung a tong khat holung, kum ngawl a, zua in tuangnu hong sia ee
- Ka tuai momno zua meal thei ngawl taang nii ngeal aw lia nii thum al bang kong taa zee.
- 49.- Tun sung lai zom taang min law ngeal, phaksap paai va lo ve tee,
- Tun le ih zua lai nii thum te khua bang sial ing luanthi taw sungtui dip nge.
- 50.- Vaimang thiamthil thin lai ci bang tuu natu a, ciin nii thum hanlung ciam ung nge.
- Ih tun neam la von ngeal langlamh bu suan limpha tai ni khat zong sung tui dip ngawl tha kia ee.

Lam Ko Pau aphua:-

- 51.- Saumang phu thiam hai bang ngak tu, Thian in lum bang sung hen aw.
- Von nii thum te Thian in lum bang sung hen aw, thinlai tui bang ciim hen aw.

A mo Neam Ko Dim aphua:-

- 52.- Miim bang pianna ka tuai ngual koai na omlai taw von nii thum min lo sak tee.
- Thian in lum bang sung lai henaw von nii thum te puan bang huai tu kumsawt lo bang hing hen aw.

Vung Za Vai aphua:-

- 53.- Ka tui min seal ka von lian nu thin lai va bang pil na keak a lia ngual lai zezum ve tee.

- Nakoai munmuan Thian in lum bang sung hen aw, thin lai tui bang ciim hen aw.
- 54.- Sanga vontoai tun min law na tuai min seal aw, ngual ngen nu sawl baang ve tee.
- Sikmul suahuai pisei sul ah hei kik thei le koai tu cii bang tel tu zee.

Dim Thian Huai a phua:-

- 55.- Ka tuai laitan lia min law awng am vaih lai bang a nat kom a do ngamzaang tuang tung ve tee.
- Zua ban samh bang meal mak taw ho lung na kum tu ni nu sikmul hong sua nge.
- 56.- Thin lai ngui ah ka sut ngawl lia lung tup a heina po ah Thian in lum bang sung hi ee.
- Pupa phaksap do ngamzaang pan ka von lian nu silpuan etlawm ni nu duang baang lei ve tee.

Mang Ko Thawng aphua:-

- 57.- Tun sung laizom sanga vontoai thei bang seen bel phaksap paal valo ve tee.
- Pupa ngui a, a sut ngawl vaimang hawmtel, ni khat duang a baang ve tee.
- 58.- Tun sung laizom saumang phu thiam hai bang ngak tu thian in lum bang sunghen aw.
- Zua min lawna taang toai mu bang, ngai nge thin lai ngu ling bang do ee.
- 59.- Tun sung laizom sua luang munmuan do ngamzang pan tuang nong tut kal ngakla nge.
- Am vaih lai bang a nat kom a, mealmak siang sung kumsawt ni bang taam ve tee.

Sizaang Ngeina Labu

- 60.- Thian in lum bang sung na keak a min law cii bang tawm hing nge.
- Pupa ngui, a sut ngawl saumang lim lian hai bang ngak tu taang toai mu bang ngai hing nge.
- 61.- Ta bang khialna khulu khu ziam cii bang tawm tu thianmang ii tong ciamziam maw.
- Tum bang huai a, zuasau that bang a lum sak tu taang toai mu bang ngai ing nge.
- 62.- Sanga vontoai langlamh cii bang ih topna saumang phu thiam lumsuang phu bang kho hen aw.
- Saumang limlian hai bang ngak tu taang min law hawm thiam hen aw.

A mo Ciang Lamh Cng a phua:-

- 63.- Ka tuai ngual koai tun luang mun muan Thian in lum bang sung hen aw.
- Sanga miim phung am vah zatam puan bang huai thiam tong neam khuai zu thum hi.

A Oo Pau Za Cing a phua:-

- 64.- Tun sung laizom sua luang mun muan ka ciin lian nu na kiak taang bang pal sa'ng nge.
- Ciin kiak nu ah na vonsen taw laikhun tungah nunthum ngai in ning ne bang zan khuang hak nge.

Rev.Pum Lamh Thang a phua:-

- 65.- Na tun ang pan miim bang pian ni Thian tong saang tu lung muangmaw leng luanthi dai bang theau tu zee.
- Tun kiak nu ah nunthum tul ngawl Thian in lum bang sung hi ee taang ngual lai kansaang thei te.
- 66.- Tun kiak nu ah ciin min law meal na mu ciang, thian lai khat mun muang ve tee.

- Na tun luangin na ciim mun ah muang ve tee, banzal khi khau kikai tee.

67.- Thian mun miim bang ih thumna tong hong saang ee, thai taw von taw sau taw mun a muang thei tee.

- Thian in lum bang sung lai hen aw seno bang khua Thian taw kopin tung alsi bang vam sak aw.

68.- Sen na zua la am vah lai ban a nat kom a, do siang sungah luanthi taw sul hei hi ee.

- Mom milmial a phung lai hai zu khawm na ve tee Thian inlum bang sung hi ee.

69.- Sanga vontuai miza hanlung a ciam na Thian tong sanna lum suang phu bang kho hen aw.

- Thian tong sanna vaimang neal bawl silpuan etlawm von aw duang baang lei ve tee.

Rev.Pum Lamh Thang le Kam Za Dim a phua:-

70.- Nunthum tul ngawl von nii ngeal aw zan khuang hakna phaimit thim khua zing sa'ng nge.

- Tum bang huai a lum bang sung tu lung muang maw nge kung tung ka luang thi hi ee.

A suapui Ciin Ko Dim a phua:-

71.- Laizom ngeal cing Thian in pil taang bang the ee, Thian in lum bang sung hi ee.

- Tun sung lai zom ka tuai lian nu seino vangkhua lai ban samh bang khat tang duang ah hei ve tee.

72.- Zin in thui thing bang su hi ee, ni ciin omlai vei ve tee.

- Omlai paai duang bang na kua taw zua sau that bang lum sak tee.

73.- Tuang kong tut ni tun busuan taw lai neam sung dip tu bang in thin lai pal bang ang ing nge.

- Tun luang zua luang mun muan hi tee Thian in lum bang sung hen aw.

Mang Za Niang a phua:-

74.- Ka tuai lai tan lia khat min law zua ban samh a vul awng nge.

- Thian in lum bang sung hi ee,ka von lian nu tu kawl toai na sesum in mang bang bawm ee.

75.- Ka tuai lai tan lia khat min law do ngam zaang tuang tung ve tee.

- Thian in lum bang sung hi ee sesum za tam huai ve tee.

76.- Lia khat hanlung na ciam na mi za in mang bang bawm ee, Thian mang thin thu ngai po aw.

- Lia khat lung lian tu kawl toai na sesum duang baang tun in dam tui kiam sak ee.

77.- Sikmul sua huai ka tuai lai tan ma zap ngam ngi zial ve tee.

- Ngai tam sial taw vaimang thiam thil thin lai ngu ling bang do tee von aw duang baang lei ve tee.

78.- Thin lai ngui a ka sut ngawl von na hawm tel sesum za tam saang ing nge.

- Thian in lum bang sung hen aw za tam sawn lai lo hen aw.

79.- Ka tuai lai tan lia min law awng am vaih lai bang a nat kom a do ngam zaang tuang tung ve tee.

- Thian in lum bang sung hi ee sesum huai ve tee.

Thian Ko Vung a phua:-

80.- Ka tuai lian nu na kiak nu a lia khat von toai meal ka mu ciang tuai lian nu tuang tung sa'ng nge.

- Kum sin za tam tuai omlai vei na kiak nu ah na lautha Thian in puan bang huai nam maw.
- 81.- Lung ngil thei lo ka tuai lian nu tha kiak natu kum sim za tam omlai paai duang a kua tee.
- Kum sim zatam koai taw lo bang hing na keak a lia khat bek min lo ve tee.
- 82.- Omlai paai duang bang na kua taw lia khat vontoai thinlai ngu ling bang do tee.
- Lia khat vontoai na von lian nu tun kiak meal ah hong ma zee.
- 83.- Ka tuai lian nu thakiak ni in von meal mu ngawl sikmul sua huai ka sa zee.
- Ka tuai lian nu tung leangvan ah na lautha Thi in lum bang sung nam maw.

Cingh Khan Niang a phua:-

- 84.- Ka tuai laitan lia khat min law von nii thum min lo thei tee.
- Na tun pham sa sul hei thei le thin lai pal bang ang tu zee.

ANu Suang Vung a phua:-

- 85.- Kil bang khan a tun zezum awng koai min law na paak bang toai et lawm hi ee.
- Ka tun pham sa sul hei thei le koai min law na zaila na zun nuam tu zee.

A Pa Khup Tuang a phua:-

- 86.- Ka zua bangsel sikmul sua huai thakiak ni in laikhun hawm a taan ve tee.
- Tuanglam tungah tong khat ho lung kum ngawl a, damtui tul ngawl zua aw al bang mang ve tee.

Sizaang Ngeina Labu

- 87.- Ka zua pham sa mal bang ko ee, sak lung zin bang liing veang nge.
- Miza in mang bang bawm ee am vah lei bang a nat kom a ning zu hai hawm tan hi ee.
- 88.- Ka zua lung ciim na kiak nu ah pethik taw toai saang nga tee.
- Han lung a ciam momno taang ngual Thian in lum bang sung hen aw.
- 89 - Ka zua lungciim lun ta tong hawm nin bang neng ee, do ngamzaang tuangtung ve tee.
- Do lunmang te'n nin bang neng ee, zaitha neam taw koai taw ngi bang khen ve tee.
- 90.- Vaimang hawmtel sesum duang ban thinthu leeluan tui bang la ta zee.
- Ka zua sanga na von lian nu khua bang sial ing sikmul sua huai ka sa zee.
- 91.- Ngual heam miim phung na ngai man a zua pham sa khau bang cia tee.
- Zua pham sa tuang nong tut ciang thai le von te sakluang zin bang liing ung nge.
- Pa Sing Kam a phua:-**
- 92.- Sen pupa vangkhua sat ta ee, nuai zinleang sum bang bia ee.
- Pu Sing Kam kil bang khang ta ee, Thianmang thin thu tem bang dei kom do lai henkol khai hi ee.
- 93.- Thian in lum bang sung hi ee sung ih kial taw lai ih neam taw thei le von siang tung thei tee.
- Thai le von taw mu bang ngai taw meal kimu ciang sikmul sua huai ka sa zee.

Nu Thian Ko Cing aphua:-

- 94.- Nunu laitan lia khat meal mu von nii ngeal le na koai taw zin zin ngi bang khen ta zee.
- Tum bang huai a laineam sung tui hong dip tu Thianmang hawmtel saang hi tee.

Dim Ko Mang te nupa a phua:-

- 95.- Sanga vontaoi lia khat meal mu thian taw kop in puan bang huai ing lia ngual lai kansaang sak nge.
- Na koai munmuan von nii thum taw sAWN minlaw taw thian in lum bang sung hen aw.
- 96.- Sanga liannnu na koai mun ah muang ing nge miza lai ah pal sa nge.
- Na koai va bang pil sa nge Thian taw kop in sesum ngo thul a sia tee.

Tuang Za Cing aphua:-

- 97.- Zua khat cii bang a tawpna ka tuai lian nu von nii thum le na koai taw zin in ngi bang khen ta zee.
- Ta bang khialna khulu khu ziam ngai tam sialna duang ah vul tu thianmangii tongciam ziam maw.
- 98.- Na tun ang pan miim bang pian ni lai nii thum taw min law ngeal a cing ve tee.
- Kil bang khan a zaitha hiam bang hat na keak a phei phung samh bang, banzal samh bang, sak luang duang ah vul ve tee.
- 99.- Zua khat cii bang a bo na ka tuai lian nu tha kiak ngal a ka zak ni in sakluang zin bang liing veang nge.
- Kung tung vangsel lai na lei ee, tuai tha kiak zong lia ngual mun mal bang ko ngam bong nge.

Pu Thuam Hang le Pu Pau Suan a phua:-

- 100- Pu Thuam Hang le Pu Pau Suan kil bang khang ta ee
Thianmang thin thu za ta kuam ah zai sak ee.
- Khang sawm momno lia le taang awng nu sul zui in kum ciin
paak bang toai ve zua.

Tamdeang khangnote a phua:-

- 101- Ka zua sanga Thian in lum bnag sung hi ee, momno taang
ngual hanlung ciamna miza lai ah sing sa nge.
- Pheiphung suan thiam taang ngual lai kansaang veu te Thian
in lum bang sung hen aw.
- 102- Thian in lum bang sung hen aw, momno taang ngual kumsawt
zaitha hat hen aw.
- Taang ngual pheiphung toai zang veu tee khua kiim na ngual
khup veu tee.

Tamdeang khua kum 100 cin poai a phua:-

- 103- Sen pupa vangkhua sat ta ee, Na nuai daidam hi ci ee.
- Thian in lum bang sung hi ee silpuan duang hoi khulu taw
etlawm sa'ng nge.
- 104- Kum za cinna miza in laam bang pak ta ee, Thianmang na
oai lei nam maw.
- Tung leangyan a pham le hing awng lam khua hong zo ka ve
vua.

Telephone a phua:-

- 105- Pupa thei lo vaimang zun thiam len ta sung tuangtung hi e.
- Thian in lum bang sung hi ee sanga siang sung thin thu za
tam sut hi zee.

A maak Thian Langh Thang a phua:-

- 106- Tun min lawna lia vontoai aw na koai mun ah muang ing nge.
- Pheiphung toai zang banzaal zak thiam miza lai ah sing sa'ng nge.
- 107- Pupa thei lo phaksap paal va lo ve tee saumang puan bang thak hi zee.
- Thian in lum bang sung hi ee taang le lia von na toai taw sau taw etlawm ka sa zee.

A maakpa Vum Khat Pau a phua:-

- 108- Ka von ngual koai Thian in lum bang sung hi ee, thinlai mun a muang ing nge.
- Thian tong saanna silhpuan duang hoi khulu taw lawm sa'ng nge banzaal in toai sawm lai hi ee.
- 109- Thiantong saangin kumsawt lo bang hing hen aw, thai taw von taw phung lai thuk bang lum sak aw.
- Thian in lum bang sung hen aw taang le lia von toai thiam hen aw sau taw mun ah muang hen aw.
- 110- Ka von ngual koai banzaal zak thiam phaimit sot etlawm sang nge.
- Thian in lim bang sunglai hen aw, sanga sakluang thaangneen heisa paal sak tee.

A THIPNA:-

- 111- Koai taw va bang ka tuanna vaimang neal bawl, meal ka mu ciang ho tong saang tu muang maw nge.
- Taang na tamngual sen koai taw va bang lenna phaimit suan leng lakmai luan thi luang veang nge.

- 112- Tun le zua kil bang khan a sikmul sua huai vang sel loai
bang thang hi tee vangkhua lai ah.
- Taang le lia ngual zatam lai tun le zua awng, zezum loai bang
thang ve tee zatam lai ah.
- 113- Thian taw kop a Pu Sing Kam hanlung ciamna namcii vontuai
tung alsi bang vam hi ee.
- Pu Thuam Hang le Pu Pau Suan, Pu Sing Kam taw nii thum
lautha Thian in lum bang sung hi ee.

* * *

LOPHEI
PU SUANG KHO LIAN (44-24) LA

1. - Mim bang pian na, pu von za tam, koi ah na haw ta ziam maw.
- Meal a mu la, om ngawl a, ngual the bang lii, om ngawl ze.
(Ih pu ih pa te sia leitung ah khang khat tek kan na nung ta thei ngawl ta nah LA khawng a na phua ana nei lei tek hu a a thu a ki he thei hong suak bek hi.)
2. - Phei tui pian na, pu von khat tang, ni khat meal mu nuam ingh nge.
- Kapham zong a, tung leang van ah, lau tha ih hei ton nam maw.
(Lophei te pian na Pu Kim Lel a phua hi.)
3. - Mim bang pian na, phei tui vang khua, kiil bang ka khan na hi ee.
- Phuung ngeal cing le, taang tam ngual taw, nun bang paw nuam ka na ze.
(A pu, a pi, a nu, a pa, a ngual tam te tawh, a nun taak tek lai nuam sa ma ma hi.)

4. - Zua awng na kiak, pal lua sang nge, nu tun in al, bang ta ee.
 - Al bang hong ta, ka nu tuun awng, zing vai hawm a, thiam ve te. (*A nu Vum Kho Cing vai hawm thiam na a phua hi.*)
5. - Mim bang pian na, ka zua lun awng, sang na kap ngual siing ve te.
 - Awm lai taw kum, vei hi ve te, tha na kiak ni, luan thi dai bang pal la nge. (*A pa Tuang On sa kap a min thang sia kum 3 tawntung ngil sung na a, lum top sia a phua hi.*)
6. - Vai mang thiam thil, tem bang dei ing, dim tui a ma, bang pan nge.
 - Lei do za tam, pal bang ki nang, ka mai ngawl bang khak ta ze. (*A no lai Tiddim ah mang lai sang ka*)
7. - Seiham nu a, ngia bang zom ing, ngual in nui thiam, hong bawl ee lak mai ze zum, ka nang nge.
 - Lak mai ze zum, ka nang nge taang no ki tawi, na hi ee.
(Kum 24 a phak ciang a sang ka zom kik a Nupi Pasal te pan ki pan a mu theam po in nui san tek hi. Sang inn sung ah Numei no patang no te tawh a to khop sia, a mai zum na ki son thei vang lak ngawl hi. Ta bang ki pan kik ham tang ba le lah, a ngual tam ban ngawl tu hi.)
8. - Zin zeak khial a, sui lung mawling, lun ta'n len kil, a khia ze.
 - Taang tam ngual taw, kim ding hi sang, duang nguak in khau bang cia nge. (*Dawi mang pa theam nathuak in a ma mawt hu in ngal kap na sep uk nawn bong ci a a nial hu in mang kang ten Court martial law pia in, tawp sak a, Yangon thong pii ah tha 3 ngim na a piak zawk ciang cia sak hi.*)
9. - Awm lai ngu ling, bang do ta ee, tui bang kiam law, zo ing nge.

Sizaang Ngeina Labu

- Nam ci teng nguui, cin zo ing nge, lung ka muan na, bei ta ee. (*Yangon khua ah zato na sep a sin lai tak in a ci na a, thi dek tak hi.*)
- 10.- Taang bang dam a, kawi te hei ding, lai lung muan na, bei ta ee.
- Sen mo no a, ci bang ka teal, ka kawi meal, mu nuam ing nge. (*A nat sung a zi a phaw mama na*)
- 11.- Tiin le tuai taw, nu tuun lung dei, kawi awng tui bang, ciim ve te.
- Lang ih lam tawh, von ii tawi taw, thian mang in lum, bang hong sung ee, ih khan tan bang kim sang nge.
- 12.- Kawi taw lung tup, kasau mang awng, tung thian mang hawm tel hi ze.
- Thian mang hawm tel, sau nun nuam pan, ni tiin laam bang paak na hi ee thian lau tha bual na hi ee. (*Hallelujah, Tahan a ten na inn a phua*)
- 13.- Van sin nuai a mi ci teng po, zin in hen kol, hong bul ee.
- Zin in hen kol, hong bul ee, zin mang sim sal, tang hing nge. (*Satan in Adam le Eve a zaw ni in Adam sungah thai ci a om theam po zong hong zaw siat sa hong mat siat sa hi.*)
- 14.- Zata lau tha, hen kol suu na, thian mang von tawi, tul khum tung al bang ki that aa za ta nun nop na hi ze.
- Zata ii nun, nop na hi ee, thian mang laam bang, paak leang nge.
- 15.- Ka tun ang pan, ka zua ang pan, lai zom ngeal a, cing veang nge.
- Ciin le tuai in, tuang nu sia ee, nu ciang laam dal bang khak nge. (*Capt. Thang Kho Thawng, Lian Cin Thang, Son Za Kai in thi san siat.*)

- 16.- Ka von ni thum, kil bang khang ee, ka sau that bang, lum sak ze.
- Kiak nu ciang a, von ni thum awng, thian in lum bang, sung hen naw. (*Pathian in a ta te teng thu pha piak sak ahi man a lung dam hi.*)
- 17.- Tun sung lai zom, tuai lian nu awng, lai tui lun phung, sim ve te.
- Tom ta vei zong, hei cim ngawl a, na kawi in tuang, nu sia ze. (*A nau nu Cin Za Ciang a phua*)
- 18.- Ka tuai von tawi, lia ni ngeal awng, na tuun sui lung, tai sak te.
- Kum sawt lo bang, hing ve vun na, thian in lum bang, sung hen naw. (*A tu nu Vung Khan Neam le Cing Khan Ciang a phua hi.*)
- 19.- Tuun sung lai zom, tuai lian nu awng, phung tawh hai zu, zawng awng nge.
- Na kiang mang le, sawn le von taw, thian in lum bang, sung hen naw. (*Sayama Thang Neam a phua hi.*)
- 20.- Tun sung lai zom, tuai tum lian nu, vang la a, phuung zong awng nge.
- Nun bang nop ni, al bang da ni, na siang va bang, leang lang nge.
(Khampat a teang a nau nu Nuam Kho Dim a phua hi.)
- 21.- Ka ang pan piang, von lian nu awng, na tha kiak, pal lua sang nge.
- Leang van tual pan, na von ni thum, phai mit nong le, kik nam maw. (*A ta nu Cing Thian Neam a phua hi.*)

- 22.- Ka von ngual kawi, taang khan thiam awng, tang bal bang pil ka na te.
- Kil bang na khan, tun tom sa nge, kawi siang na haih, ba nam maw. (*A mak pa Cin Za Mung a phua hi. A zi thi zawk kum khat ciang a ma thi pai hi.*)
- 23.- Lei do ni ngeal, pal bang ki nang, taang tam ngual taw, sa bang tat na, vai mang sui lung, tai sak nge.
- Vai mang sui lung, tai sak ing nge, zang khen kawl ciang, ka duang sawl, bang bang ve te. (*Lei tung ngal pi 2 na Levy sep na pan min phat na Mangkang kumpii ten THAU khat hong pia hi.*)
- 24.- Tun sung lai zom, ka ciin mang awng, lenpui na ngual, sing ve te.
- Na kiak nu a, kiang le na von, sik mul sua huai, thong ve ee. (*A u Capt. Thang Kho Thawng aphua hi.*)
- 25.- Taang ka lai zom thei bang sen bel, ang lai von tawi, tan ve te.
- Na kiak nu a, na von zon ten, von ni thum, mik mei suan ne. (*Son Za Kai a phua*)
- 26.- Al bang uap bel, tiin von tawi awng, thin lai va bang, pil awng nge.
- Pu paphak sap, ngam kuam thuk pan, lang lam tem kawi, siang tun ve te, mi za sui lung, tai sak te. (*A u Pau Za Nang tapa Kim Cin Khai USA a om sia a phua hi.*)
- 27.- Muan tui bang ciim, tuai lian nu awng, zai tha hiam bang, hat hi ve te, nu tuun sui lung, tai sak te.
- Han lung ciam a, vai mang thiam thilzil hi ve te, lia na tam ngual, siing ve te. (*Sayama Thian Neam a phua*)

A THIP NA

- 28.- Dawi ai ci teng kung tung a hong dim ta e, taang zai tha taw puak thing bang lel zo ing nge.
- Taang zai tha taw puak thing bang lel zo ing nge, sak luang pakpaa bang muat dinghi zo ing nge. (*Yangon zatopii pan dam zo ngawl thi takpii vak ing ci*)
- 29.- Awm lai taw suul hei ding la ze zum ing nge, pham sa a khau bang cia ding inn bang he nge.
- Tung pathian hawm thiam hen naw taang kei duang a, sawl bang hong baang, awm lai dam tui, suak hen naw.
(*A zato na sep sin a zo zo ngawl a cia thong tu la mai zum nap a thi sa a cia tu le he naap*)
- 30.- Ka sei no a awm lai taw, kum vei veang nge, tum bang huai aa hei ding in, ki nging bong nge.
- Thian mang hawm thiam, kung tung taang bang dam ing nge, thai taw von taw, lang lam taw, ka nuam hi ze.
(*Topa'n ci dam pia kik zi taw ta taw mu na lam na tawh dim kik a, kumpii na sep na pan zong kum 69 a pension cia a tu in kum 20 val pension ne zo hi.*)
- 31.- Tun le zua min seal awng nge von lian nu awng, tha kiak pal ee tun le zua vul na hi ze.
- Tung ciang thang van thian ang pan von lian nu awng, von ni thum le lai zom tengna ngai nam maw.
(*Cin Thian Neam ta 4 a nei zawk ciang thi pai hi.*)
- 32.- Tum bang huai a thiamhawm thiam sang zo ing nge, tha ka kiak zong thian sau mun muang zo veang nge.
- Kung tung thinn thu thian mun malbang ko ing nge sawn le von teng al bang uap nuam lei ing nge. (Ka tu le kata te teng tawm vei hong uap sak lai tan cin thu ka ngen la lai hi.)

33.- Thian mang von tawi tual kum me ka zal mang in Al bang taa tutong neam taw hong ciam ve ee.

- Nuai sim lei a khan kum sawt lo bang hing ing thian mang tong ciam kung tung a ngeal cing sang nge.

(Monywa ka om uh lai zan khat ka mang in Topa Jesu ka inn uh ah hong haw hi. Kam pau ngawl in a miphio tawi sia tawh tenbung pui tungah a nuai abang in lai lam khat hong at. 'KEI MAN HONG VAAK TU KHI HI.' Hi lai a at zawk po ciang inn pua ah pu suak kik hi. Hong kam ciam bang ma in tu ni ciang dong ko innkuwan sungah hong taang tung hi.)

Pa Suan Pum ii U Suang Kho Lian a phua:-

1. - Ka tin von tawi, von mom no awng, thin lai tui bang ciim ve te.
 - Awm lai nam cin, khau bang suut thei, nam ci tann mang bawm ze na sau nuai a tuun tung phu luum phuul bang ze.
2. - Thian mang hawm tel, von na ban zaal phai mit thim khua zing tu te zong dam tui bang thiang kik sak te.
 - Sen ang kawi le von ni thum taw pham maw ngam gua, bang hing ven naw cik a lo, bang hing ven naw.

Nu Pau Kho Cing ih U Suang Kho Lian a phua:-

1. - Phuung zon lai a, tuai zo zaam awng, thin lai va bang pil ve te.
 - Thin lai tui bang na ciim kom a, mi ci awm lai, nam cin khau bang suut thei te.
2. - Thian lun mang taw lim bang beal tu nuai sim lei a pham maw, lo bang hing ven naw.
 - Thai taw von taw, nuai sim lei a, hei na po a, se sum lam huai zo taang bang hang dam tan nawng.

Reverend Za Khup zi Nu Neau Ciang Zam ii U Suang Kho Lian a phua:

1. - Ka tuai von tawi, taang lung cing awng, thin lai tui bang ciim ve te.
 - Thim lai tui bang, na ciim kom a, za tann khuai zu, bang bawm me.
2. - Se no ngual kawi, phuung tawi lian nu, kil bang na khan khom in nawng.
 - Lang na lam taw, tawi ngeal cing taw, tum bang na huai, khom in nawng.

A sung Nu Niang Dim phua:

1. - Tuai na lang lam, se sum za tam, tun siang tut sang, ten dal min ngei, thang zaw ze.
 - Lei do thiam thil, a khang maw aa kiak nu ciang aa, von lian nu awng, huan tu bang, na ciing in naw. (U Suang Kho Lian, Dim Kho Hau a phua)

* * *

LOPHEI (SUANGDAW) DR. VUM SON (45-25) LA

La kai khawm: Pu Suang Kho Lian (Lophei)

1. - Mim bang pian na, sen pu von aw, zai tha hiam bang, hat ve cia.
 - Za taang thaw le sawm sial hawi thiam, neal bang paw hau, ka na cia.
2. - Ciin ngeal tha kiak, ki zom ta e, sen pu von le zua, ngeal thin lailiap hi e.
 - Sen pu von le, tun le zua in, Thian mang lim sawl, bang beal e.
3. - Thei bang sen na, thian mang ih beal, tuan pu pa khan ning ngual beal na meal ma'ng nge.

Sizaang Ngeina Labu

- Ning beal ngual na, meal ma ing nge, zaih la kai zia, meal ma'ng nge.
- 4. - I pian puan bang, thak leang ci'ng nge, pian dang phei phung, len zang no taw, tuai mang in zal, na nei e.
 - Tuai mang in zal na, in nei e, tuai lian nu, hul na hi e.
- 5. - Tun le zua in, ma ciang suan a, thei lo thiam thil, phak sap a va zil ing nge.
 - Tai nga ka law, se sum ka lam, tun le zua taw, lai kuang um, meal in ma'ng nge.
- 6. - Tha kia ta le, tun le ka zua, thin lai ngu ling, bang do e.
 - Tun awng ma bang, na pat sa tul dawn no taw zaang ta se sum Neal bang hau na lawm sang nge.
- 7. - Nam ci pian ngui zua mang awng nge na ma zap pan von in dawn ngia bang zom nge.
 - Khua mual lum suang kong phuu luang ze zua min thei bang kong law na hi e.
- 8. - Mim bang pian na, sen pu von te, Phai mit thim khua, zing bang ze.
 - Kaang tui lun ta, thiam thil sin pui, ka zak ding mi, om lo ze.
- 9. - Thei sen ang kawi, kang tui ta tawh, ngual taw lem a, zawng ing nge.
 - Ngual lai len pui, in nei ing nge, tanh bang kim pui, te bang ze.
- 10. - Se sial ing nge, ngam kuam thuk pan, thim zin zan khua, bang hak nge.
 - Zaangsi ta sen, ang kawi hi leng, phung tawh lem a, zawng tu ze.

- 11.- Pai va law na, kuam in thuk e, kha no sum neak in nei nge.
 - Vang khua lai a, mim phung te tawh, ho lung kum na lai kuang um ngai na veang nge.
- 12.- Phei tui mim phung, zua ngeal hawm tel, pu von al bang,hong ta cia.
 - Thei sen ni nu, ngeal cing te in, sung neak hawm tel, hong khen cia.
- 13.- Sim lei kuam zai, khaih mu bang leang, kang tui mang mangh bang bawm me.
 - Kaang tui ta'n mang, bang bawm me, tong dot zua pa in nei e.

ANAW

- 14.- Khup ing nge e, khup ing nge e tang ka tam ngual khup ing nge.
 - Tang ka tam ngual khup ing nge e kaang tui von tawi khup ing nge.

A THIPNA

- 15.- Hei naa tum dang ngam kuam thuk zo ngam zang pan mim bang pian na ih vang khua ma ngai veang nge.
 - Mim bang pian na ih vang khua ma ngai veang nge lai kuang um pui tun le tuai ma ngai veang nge.
- 16.- Al bang mangh vaak nong ci ziam ciin le tuai awng ka thin thu sia kheap tang bang zau nuam veang nge.
 - Ka thin thu leh kheap tang bang zau nuam veang nge phuung le ngual taw nun nuam in hei nuam veang nge.

Vai bang ka tham na sing ngual ngen ngam pan Zolawk ta bang, hong tau ngeungeu nge, mi bang ka pian na Zo ngam aw ci nge, Cik ciang meal a kong mu kik diam. *Composed by UNDP*

* * *

PUMVA

**PA TUANG ZA THANG & NU CING DO NIANG
(82-21) LA**

Pa Tuang Za Thang (Pumva)

A U Thuam Nang a phua:-

1. - Lam ngial kiak pui ka ciin maang awng, vuisi tong san, thiamthil no taw, von lian nun mal, bang hong ko a, ih ciin maang tha kiak ci ze.
- Ciin maang tha kiak ka tel ciang a, na tuai zin bang liing hi veang nge, sen vang khua a, phung teng mal, zin bang ko nge.
2. - Zaang ih don a, ciau ih ngal a, ciin maang zal na, na tuai ngeal in, luan thi taw sul zui ung nge.
- Vai mang siang sung, len pui ngual ten, kul sin lep thiam neal no taw, ka ciin mang na zal sak ze.
3. - Khau bang cia a sen vang khua pan, ciin le tuai taw, khua kiim ngual taw, ni khat luan thi kum khawm nge.
- Lang lam hawm cing ci na ngawl a, ciin kiak sial cing, ngui a ka sut na hi ze.

A THIP NA:

4. - Tun le ih zua kiak nu a, nuai sim lei a, ka ciin lung muan, nau bang kaa ngii ngeei veang nge.
- Tun le zua taw ciin lau tha, na neam nam maw, thai le na von, lai zom teng, nong ngai nam maw.
5. - Zua kiak sang zong na zaw ee, tun kiak sang zong, ciin mang tha kiak lai a ngu ling bang do ee.
- Ciin mang lau tha lung zuang in na hei lo aw, tuai mang lang lam, sawm sial taw zin bang tha nge.

A U Nu, Nu Nuam Khaw Cing ii a phua:-

6. - Zang ngam lei a, tuai mang awng nge, na sau mang et cim lange.
 - Kiang taw han lung, na ciam na ze, kum sawt lo bang hing po vaw.
7. - Ka zua lung tup, hau tawi lian nu, hawm tel nong zeak thiam ve te.
 - Thin lai zang va bang pil awng nge, phung lai hong zuun thiam ve te.
8. - Tang tawi hawm a, tan na ve te, tang tawi luang a, lia ni ngeal in, se sum za tam, tun le zua siang a tun ze.
 - Tun le zua siang a tun ze, tang tawi sang zong, suang zaw nge.
9. - Na ang pan piang von ni ngeal te, thian mang hawm tel sang sa nge.
 - Thian mang hawm tel a saan man a, phak sap lai zing zin thei ze.
- 10.- Ka ih mang zong ka mat ngawl a, ka tuai lian nu, do in hen kol hong bul ze.
 - Do in hen kol hong bul lai a, na ciin lian nu sak luang zin bang liing ing nge.
- 11.- Tun min law na von lung zawk awng, thin lai tui bang ciim awng nge.
 - Thin lai tui bang na ciim kom a, na nu sui lung tai sak te.

A THIP NA:

- 12.- Thian mang hawm tel, nau bang a, ih san ciang nga, na thin lai a, thian thin thu, ngil ngiak hen aw.

- Ma bang ih pat, na hi hen von ni ngeal awng, a kum za tam, se sum hong luan thiam hen aw.

A U Nu, Nu Nuam Ciin ii a phua:-

- 13.- Tun le zua ih bat tha law taw, tuai aw thiam thil sin ve te.
 - Thian mang hawm tel, sang hi ve te, tai nga see ngual sing awng nge.
- 14.- Ka tuai sen kawi lun lian nu aw, thin lai tui bang cim ve te.
 - Se sum lam phung, huai phung tun nu awng, na hawm thiam zam dil dial ze.
- 15.- Tang tawi a thang, zaw tam maw ee, lian tawi a thang zaw tam mawng.
 - Lian tawi ni thum, phai mit ih sot, ih sau that bang lum sak ze.
- 16.- Lia na von tawi, mang ngam zing zin se sum ten siang hong tun ze.
 - Hau ta von tawi phung lai tong neam, na hawm tel zeak cing sa nge.
- 17.- Ka tuai ni ngeal, von mom no teng, ma ciang na sawt, ngual lai kan sang kim sak te.
 - Lun ta von tawi phung lai tong neam, sa nga ka beam, taang awng nge.
- 18.- Luan thi nawl tu he lua neam tu tang tawi hawm bang, tan hing nge.
 - Tang tawi taw kim, lia ni thum ten tun le na zua, zai tha theam ze.
- 19.- Kil bang khan kim pal vul tu se sen ni nu ka lai kuai ze.
 - Muan tui bang ciim ka von lian nu se sum lam huai kong sa ze.

20.- Bat na ngawl a ka tuai sen kawi do ta in hen kol khi ze.

- Lung a up ngawl ih mang mat ngawl, zin hawm zu bang sia sa nge.

21.- Ih von hen kol tuam a khum tu do ta in sang bang vai e pi sei in tong thak thei ze.

- Nung le na ma lun bang nong zun kum sawt lo bang hing in aw.

A THIP NA:

22.- Thian hawm thiam tel sang hing nge, ka tuai ni ngeal, von teng lang lam ih sau zong et lawm sa nge.

- Tang tawi hawm a tan ka leang tuai ni ngeal awng, von tawi ni thumse sum lam ngeal cing sa nge.

A Pu Ngin Khaw Thang a phua:-

23.- Sen tun nu ciang, sen Pu von ten, puan bang hong huai thiam veu te.

- Sen lim ngeak pan, lai ngil neam tu, na sawm ni thum awm vai a hei, Pu von ten, ngua bang haa te.

A thip na:

24.- Mim bang pian na, Pu von te ka ngai man a, khang ki suang sawn, huan be bang zawn nuam veang nge.

- Zin ii zeak ziam Pu von awng, tui bang tung la, na sawn taang pa thin lai kang, thal ngiak bang zee.

A ta nu lian bel Lia Ciang Cing a phua:-

25.- Tun min law na ka von lian nu tun le na sua al bang ta tu, mun a muang veang nge.

- Al bang ta tu mun muang kim lai von kiak sun nau bang ka nge.

- 26.- Thian sau nuai a Thian mang tong dam ih kum na min thang
Pulpit von min ka law na hi ze.
- Tun le na zua kiak nu ciang a, nuai sim lei a, von min seal le
Thian sau phu bang kho hen aw.

* * *

THUKLAI
SITHU DR.UVUM KO HAU
(112-22) LA

1. - Sei no zing ma, bang ki pat ah, thei lo thiam thil, sin ing nge.
- Lam tui mang taw, tong tiam khawm a, sing tawi ta, lem
zawng sak nge.
2. - Hong to ta eh hong khang ta, pan tui ta, hong lang ta ee.
- Lam tui tual om, lum lai tak ah, do in khuai bang, suan ta e.
*(Za pan te hong khan a phua le ngam huuk natu a
sep na a phua)*
3. - Tang ka lung tup, do ang kawm a, ngual taw tan bang, kim
ing nge.
- Ni bang lun kan, sang sawn te zong, lai kuang um pui,lei ing
nge.
**(Kawl ngam Baziankhan pa ii mual tung teng bup tang
Vuanzi (Minister) a sep sak a phua hi. (Ngui 4pan
ngui 6 dong; Kawl ngam Independence nga na tu a
London khua ah Thakhin Nu tawh 1947kum a pai a
phua hi. Tua a pai sung a ki mu pui sia England te
Prime Minister Mr.C.R.Attlee hi.)**
4. - Mi lun tuan na, vai mang lep thiam, nel no awng e, se sum
taw tui, bang la nge.

- Pheiphung suan ngawl, tuang lam tun sau, zai tha neam ngawl, tung thei ze.
5. - Phak ih sap pan, do lun mang te, zang tawi tual, ang ah sia ee.
- A kum za tam, ang a siat sa, vui khau bang sut, kik ing nge.
6. - Zang lei daw tam, hen kol su na, phak sap a zing, zin ing nge.
- Sau ki phei siat, suang son tungah, meal mak taw tong,tiam ing nge.
7. - Tang ngual phak sap, do lun vang khua, ah ngam kuam zai, va mu nge.
- Lang a lam se, se sum pal lai, thang tiang li, tui ting bang ze.
**Lei tung buppi ngam 60 vai hawm na UN Assembly
(Tu hun ngam 198 pha zo) USA New York khua pi
pai tu in Kawl ngam pan ki teal hi.USA te ih hau ma
ma na zong a phua hi.Tua kum UN President seam
sia Pandit Nehru naunu Madame Padit Nehru hi.**
8. - Khua van nuai ah, lun min thang te, ka tiam pui ngawl,om ngawl ze.
- Ka tiam pui ngawl, om ngawl ah,lung dei a ki,zawng zial ee.
9. - Mom no tang ngual, ka len pui ten, ngual lai kan, ka sang ti ee.
- Thin lai ngu ling, bang do ah, han lung ka tiam, zang tui mun nah, ka min van, nuai sing na ee.
10. - Ngam zang lum bang, sung hen ti ah, ngual in ka min, lo ta ee.
- Thin lai phel ngua, bang kha ing nge, sing ngual ngen na, om ing nge.

**A zii Mang Khaw Ciin ih a Thuklai inn a ma bek
tha tang taw a vawt a phua:-**

11. - Sei no ngual kawi, lun lian nu awng, mun zang sau mang, zam sak tia.
- Ni khat ho lung, kong kup pui ngawl, kawi awng na hawm, thiam sang nge.

**Ngui 12 pan ngui 15dong -a na sep pui General Aung
San a phua hi:-**

12. - Zang ta phung ting, za thum lai ah, thin lai tui bang ciim bel aw.
- Ngam zang daw tam, se sum pian na ngai hi ve tia, na min ci bang, mang maw ee.
13. - Bat na ngawl a, tha vang eang ten, leang van dawng kong, hong sak ze.
- Lung sik lo aw, al bang that te, sak luang pam pai, in nei ta e, sim lu al bang, mang ta ee.
14. - Zing a ma bang, ka pat pui vaang tang no aw, sul la hong heak, kik ve aw.
- Na kiak nu a, kul sin sau mang, ngam thang bang, va vil ing nge.
15. - Zua khan ngual awng, do sul zui ah, phak sap pian tui, va ban tia.
- Do ta thiam thil, tong luang thei lo, lai lung na zuang, tek nam maw.

**France ah Ambassador ah a pai lai a thet po ciang
First World War a labour corpse a pai Zomi te aphua:-**

16. - Sei haam taang ngual, zing na zit lai, li tui tuang lam, in nei tia.
- Kei zing zin ing, van lai zaw la, vui si tuang lam, in nei nge.

Diplomacy, Philosophy, Statementship sepna aphaa:-

17. - Sen ka lung tup aw ci tangh, vai mang thiam thil, ka kung tung ah, tem bang kua, zo ing nge.
 - Len lai lung tup aw ci tangh, thin thu zeal thiam, ka ngual lai ah, siing tan mo bang dong nge.

Japan ngal sung kum 1944 Tidim khua ah Japan te ii tha lup tu te a sua taak sak na:-

18. - Pan tui lei do paw ni bang sa vung vung nge, phung ci teng hen kol bul, mi za taam te maaibang a, meet hi zea.
 - Taang pa ka tong dam do ta neam sak tangh nge, hen kol ka su ciang ah phung za tam, mun ah ka muang, sak kik hi zia.

Ngui I9 le ngui 20 na a la te; Pang long Agreement sung a ki hel na, Frontier Enquiry Commission and Union Constitution 1947, Vice President of United - Hill people leh Bogyoke Aung San Cabinet member ah a ki hel ka koai na te a phua:-

19. - Kawl tui ngam zang aw ci tangh, pu pa khan a thim khua zing sa, hawm thiam ngam zaang, thawn ing nge.
 - Pen-lung tai ngaw aw ci tangh tang pa ka ho neam taw, nam kim teng ho lung zawng kik na zia.
20. - Thin thu leal thiam meal mak taw, tong ciam ing nge ngam zaang daai sa, thut bang lum, sak kik ing nge.
 - Thin thu zawi kai phu bang kho ka ngai man ah ma bang pat sa, siing duang a, baang kik ing nge.

12th February 1969 UNION Day Mandalay a ki vawt lai, mi hon pi te AUNG SAN, VUM KO HAU, SAO SAM HTUN ci a, three column a pai sak na a phua:

21. - Ngam zang lum bang sung tu le tong kai thiam, tu tang kei duang ah, lung tup tui bang, tung ve ee.

- Lun ka tam ngual ten, nong oai pui tek nam maw, thian za lun awng sun nau bang, om lai in naw.

1947 Deputy Councillor to the Governor of Burma tu a ki teal na:-

- 22. - Zang si lun le, zo tui ta tong, tiam khawm ah, thang ciang khua ah, do taw zing vai, hawm veang nge.
- Tha vang eang ten, nu ciang sul heak aw ti e, thian mang oai a, phu thing bang kho, lai veang nge.

Kawl ngam bup luang a ki khop na:UN General Assembly New York ah kum 1953, 1964-65 ah:-

- 23. - Sim lei nam tin, a kuam ah tong dok teng taw, phak sap vai mang, sau lim ah tong, kum ing nge.
- Khua ti teng la, vui khau bang, kop zo veang nge, sing tawi ta lan, mel a lian sak, zo veang nge.
- 24. - Zang lei daw tam, ih lai ah tai nga sep thiam, kum tin ti bang, teel ve ee.
- Sesum za tam, sul zui ah, pian tui mang taw, ngam zang ngel daw, tam khawm tu, tong ciam veang nge.

1944 - 45 kum Siyin Independence Army Japan te simh kik na:

- 25. - Vang khua suan tu, thang vai mang kil bang khan lai khuam bang do ding, za ta in dai, bang pial ee.
- Zang si lai aa, lia le tang khuai bang hang ze, vang khua suan tu, do ta pal bang, bang nang veang nge.

A THIP NA

- 26. - Zang sii ngual le, suk tui ta, tong thiam khawm ah, thang ciang khua a, do taw zing, vai hawm veang nge.
- Tha vang eang ten, nu tiang sul, heak aw ti ee, thian mang oai ah, phu thing bang kho, lai veang nge.

* * *

THUKLAI
PI CIIN KHAW MANG (112-22) LA
(Prof.Dr.Kamcindal nu)

1. - Thaang neen hei sa tul leak aa, kaai niing niang ee..... lo nuam sen ngual mi za tong sua tam saang.
 - Sing ta lo le... a leak aa na kai-in na, lung ngaih baan zal lai law tu tual niam in.
2. - Thaang neen hei sa kaan saang le phuung zo zam no, pal lai ngual ngeen kenh kong baan na diam maw.
 - Tun tong sua tong thian tong hawm hong thiam heen la, kiil bang khan ton lung tuak awng ki loh leang.
3. - Ngaih awng nang ii om na le kei ii om na, mual ki thung suk pang pa lo sawl in lia.
 - A mual cii teng kaai min in na luang hen na, ngaih meal ka mu na tu in daw tam hen.

Sizaang zo lawm la (Nu Ciin Khaw Mang kaikhop)

1. - Ka thin lai aa, ngiak awng nge ngaih no awng nge, om muang kei lai lung kuaih awng hong ngaih nangh.
 - Om muang lai kuaih thim ziin lan zawn ngam bong nge.. mi za lai aa phai mit heam thak ngial ing.
2. - Hi ci liang aa, nang vang ngai tang duang vul buang... ngaih awng. Lung sik mul hong sua ka lei ven.
 - Lo nuam tong neam lo mei bang hong kai zong in, ngaih awng kei tong dam hong sang ka lei ven.
3. - Ngai bang buang ngai lo bang buang nga bang nong len, len-ni tuak khial ka veang nge na ci naam?
 - Leen ni tuak khial ka veang nge na ci naam maw... mal kii ka taan cial tungah na tuang naam.

Sizaang Ngeina Labu

4. - Lung ngaih len ni thual ngual luang va kilh hen na, ngai lo len ni va al pau va zial hen.
 - Thual ngual luang va kilh hen na tai vaal maw in, ngai taw ka ho lung ka cim thei tuam maw.
5. - Lui luang zui-ing a va zeam meal in mu nge...Pa taang tuang ing lia zo zam meal in mu.
 - A va zeam nang tuan na le... lia pal tuan na a thing liim lian sau pha lai leang ngam bong.
6. - Tun le zua in kua na ngai bel ziam ci ee.... kim pui lun tawi ta na ngai bua ziam ci..
 - A pal suang sawn laa ngai bong lun suang sawn la, mom no tang ngual dam tui silh thiang ngai-ing.
7. - Zua lam teng po a neaubel ngil va al awng.... thim khat lian nu kei nong zek sak ziam maw.
 - Ka zek buang aa, sen phung nam ka tan buang le... sen a ka ngaih ngii ngei taw tua nuam ing.
8. - Ni khat meal mu san lo ding san ngim nam ee... hong khawl dik aw.. na meal hong cian nuam ing.
 - Khawl dik lai aw na meal hong cian nuam ing nge..tum tai bang ngim nam lai aw lo nuam ing.
9. - Sau pha zaam diil dial nuai aa, zal na khat ngol, kua sawn zaw phai mit ih sin ka tawm ci.
 - Phai mit ka sin ka tu ze.. na sin tan na, tong dam ka thim ka tu ze.. na thim tanh.
- 10 - Phai mit a et va ngial awng... mun zaang zo zam..lam nen zo zaam ... na zongh in tawi nuam ing.
 - Na zongh in tawi thei lengh maw neen hei sa awng.. kua vang sun mu bang ih ngai peang tuam maw.

- 11.- Ngai hong leang tu ka ci aa.. laa mei ka de.. laa mei tun thum tum ka zuu.. ngai leang ngol.
 - La mei tun thum tum ka zu ngaih leang ngol aa, kan kong lum bang sung ngol ma tai val ee.
- 12.- Thim khua zin aa, pa taang tung ka dam tuan in ii ngim ziam .. ngai ngim ziam maw hong nam ve.
 - Ii ngim ziam ngai ngim ziam maw tum tai nam ee.. mom no tang ngual heak thiam awng hong ngai nangh.
- 13.- Ngal ki don aa.. mual ki tawi deih zo zam awng.. baan zaal nong tum na leng ziam khua hawl ve.
 - Ngai thin lai va bang phawng hen nong ci ziam maw.. lung zuan man po na tong zawi kaih ziam maw.
- 14- Ngai awng nang hei na po ah hei nuam ing nge... tul lim na khawl na po ah khawl nuam ing.
 - Tul lim na khawl na po ah khawl nuam ing nge.. na se suul sa bang hong zui zuih nuam ing.
- 15.- Thualh ngual luang tu thang van thin thu hong dang ee ngai awng nang thin lai a dang ba naam cii-ing.
 - Ngai na thin lai thang van bang a dang ta zong heam a te.. tong dam ka sang lo lai hi.
- 16.- Khu va leang suk ngai tong dam thak nuam ing nge.. a baan zal aa.. va leng luai khaih nuam ing.
 - A hil nam maw ngai mun a.. a ko naam maw.. ngai a neam naam.. tul dawn pan hong kuai naam.
- 17.- Ngai no na ngim nam leng le.. na tong luan thiam.. tum bang huai khen ciang khun zong nam ding hi.
 - Tong neam hi bang lia dawn lo luang ding awng nge.. mual dawn ken hei sa hi aw tawi nuam ing.

- 18.- Tem bang dei taw tong ka ciam ta buang sii aa.. tun lan laam khuang bang hong tho ta buang sii.
 - Tong dam ciam khua bang ih pial zaw diam mawng nge.. ngai awng mual cio tam ih tawn zaw diam maw.
- 19.- Taang ni sa ee.. kaai tui aa va bual ing nge... tembang dei taw .. sam ngii bang khen na hi.
 - Tem bang dei taw sam ngi bang khen na liang tu.. ii kom kaai tui ah ka bual ta nial ziam.
- 20.- Solh tha hong suak ciu cio ee.. nguun ii ngal pan ka ngai man ziam.. vang ngai lung cing kawi-ing.
 - Tak a zang thik bang ngawm ngawl.. vang ngai lung ngul.. lau tha leang dawn bang tuak ee... thin lai zen.

Remark: Laibu vawt pa Dr.Pau Za Nang ii asungh nu
Pi Ciin Khaw Mang zataak piak na in a kaikhop
sak hi.

* * *

THUKLAI
PU ON LIAN (121-21) LA

1. - Hau lun mang in sang lim-lian teng, lai tui khua mual, tai sak ze.
 - Vang khua lam bang, a zon ciang a, ah duang sawl bang, baang ngawl ze.
(*Mangkaang English te hong khan ma in, tual ngaal lau hang in, Khuasak, Lophei, Thuklai khua ah kiteang tek in, sai sial ai hi. Khua tek a cia kik ciang, ah ai salu te pua ngawl.*)

2. - Pu von lo bang, na hin lai a, na kai ngeal, cing ka sa ze.
 - Thang ciang kawm pan, do zing zin e, tong dam hong zau, thiam ta ze, (*Mang kaang te hong uk ciang sila om thei ngawl tu ci a, sila kisut sak na.*)
3. - Thang ciang a mang, do za tam ten, Lai-tui vang khua, neam sak ze.
 - Zang-si vang khua, neam sak na te, na thai ang, zal kik ngawl ze. (*Falam te a le do kik na*)
4. - Zua tawh lo bang, ka-hin lai-a, Zaang tawi vang-khua, suan ing nge,
 - Sang ka zial tam, lal ka-hen taw, pu von min, ka lo hi ze.
5. - Lal ka hen ma, ciang suan ing nge, ngam zaang daw a, tam sak nge.
 - Hau ta ka phung, lel na ngawl a, lawi bang ka than, na hi ze. (*Tei tan mual*)
6. - Do vang khua thawn, thang zam luang awng, kei in tui bang, la veang nge.
 - Zang-si ka ngual, ka dem na zang phual mul a, sim ing nge. (*Mandalay a zam nging mama bel a lei*)
7. - Sol tha nuai, tun ni nuai a, nun bang paw nuam, ka na ze.
 - Tin taw ngual taw, ka ciam lai a, ka hen vui bang, mau sak nge.
8. - Do vang khua khuai, bang suan ing nge, tin hang in zal, na nei e.
 - Hau ka phung taw, ciam kik ing nge, hing le a ngaw, a luang naang, tui bang dia nge. (*Son Khai, ...Ngul Cing pa*)

Sizaang Ngeina Labu

9. - Tin tha kiak inn, bang hee nge, zaang mang vut lei, suak sak nge.
 - Ka zua lun le, ka phung mang awng, mun a ih muang, tuam nam maw?
10. - Tuai awng lo bang, na hin lai a, do kop pat bang, sai ve te.
 - Do kop pat bang, sai hi ve te, kawl ciang taw, puan bang thua te.
11. - Tun le zua in, tuang nu sia e, tuai teng suan ngua, bang mon nge.
 - Tuai teng suan ngua, bang mon ing nge, sang le lal kop, zial ing nge.
12. - Kawi ban sam ing, von lian nu taw, miim khau zeak, khawm lei ing nge.
 - Zang kol sa le, nuai zin sawm-sial, ka sau hai bang, ngak sak nge.
13. - Koai mang lung he, ka vaak ci nge, kol sa tung a, tuang ing nge.
 - Leang van khua mual, na sua ciang a, pu von mun, na hil nam maw?
14. - Ka tuai kam kei, do za tam taw, sial lum puak thiam, ka na te.
 - Zin tong hawm ziam, do tong zeak ziam, tio tui kuam zal, tong ve te. (*Pu Lam Thawng*)
15. - Ka pa tang a, sang ka lap tu, von ngeal pat bang, sai ta ze.
 - Do sial lum taw, do kawl, ciang taw, sang mang na paai, a kua te. (*U On Zam, U Lian Ngin, U Hang Kho Kam*)

- 16.- Sang ka kaa bang, lal ka hen bang, sawm sial tung a, tuang ing nge.
- Zaangsi ngual awng, ka lawm nam maw, zua lun ka than, na hi ze.
- 17.- Lun lai pan piang, von kawi lian nu, luan thi lo bang, siim awng nge.
- Hau tawi ka lung, zawk bel ci nge, kawi taw lo bang, hing po aw. (*Nu Cing Mang*)
- 18.- Sen pu von le, hau lun mang awng, tuai taw tio dung, zui awng nge.
- Vai mang thiam thil, kan sang ta te, von ngeal hong zal, thong ta ze. (*Pau Kho lian & Mang Kho Lian*)
- 19.- Ka tuai kawl ciang, za lai thang sa, do siang a tuang, tung ta e.
- Ka von ban-zal, sawm sial min thang, meal mu ngawl a, tham awng nge.
(*Pu Lam Thawng thaw pua a pa Pau Ngin sial kaa..*)
- 20.- Meal a mu ngawl, ngaai mang min thang, sawm sial nuai lim, bang lian te.
- Pham tam hen kol, (sut) na tu a, von ban zal a, luai awng nge. (*Pa Hang Kho Kam*).
- 21.- Sawn nih thum kiak, thang van thawng e, mi za zin bang, ling ta ze.
- Ih phung mang zong, sen pu von zong, ih sau a hei, om ngawl ze.
(*Awi Kho Dim, Khup Kho Mang, Dim Kho Mang*).
- 22.- Sawn ngeal cing awng, hee heak vun na, sawm sial tung a, na tuang vaw.

Sizaang Ngeina Labu

- Zin awng khuai bang, na han kom a, ngaai mang a, kan sang ing nge.

*(Vum Kho Kam, Awi Kho Dim, Khup Kho Mang,
Dim Kho Mang)*

- 23.- Ngul bang lup na, ngam bang man na, ih sau ngial bang, khing ta e...
 - Sau mang dai a, dam lei vaak cing, sang kop tuang, tut kik ing nge.
- 24.- Lak nuai ka-huang, khiak la ngawl a, sawm sial tung a, tuang ing nge.
 - Tha kong kia le, zaangsi ngual awng, thang van hong thuum, lei tu ze.
- 25.- Tuai nih thum taw, tio dung zui ing, sang lum hong zal, thiam ta ze.
 - Mual tin ning tui, sia na ngawl a, sang lun na zal, ka po aw..
26. - Tuai mang von tawi, sau mang nuai a, sawn ngeal huan thing, zan sia nge.
 - Nun bang a nuam, tuam ding sa nge, pham sa a khau, bang cia nge.
- 27.- Zaang vai pan piang, sang tum dang awng, Zaangsi khua mual, suak awng nge.
 - Zaangsi khua mual, nong sua ciang a, ka sau nong ngai, pet nam maw?
28. - Ka von khat tang, se-sum lam huai, na kiak na, tun tom sa nge.
 - Na kiak nu a, tun le na zuu, sik mul sawn bang, ling ung nge. (*U Khai Kho Nang*).

- 29.- Ka von lian nu, taang tawi ngeal cing, tawi lo bang a, hei awng nge.
- Nung le na ma, nong sial ciang a, sik mul sua huai, ka ve te.
(Ni Vung Neam)
30. - Sawm sial huang khiak, dim sa awng nge, khua za lai, thang sa awng nge.
- Kiang le von in, tuang nu sia a, cial daw phung lai, thaam awng nge. *(Ni Vung Neam).*

A THIP NA

- 31.- Tuai mang nih thum, suan ngua bang, mom zo veang, nge sawn in nu lo, bang hong thual, zaw lai hi.
- Pham za tam awng, leang van tual, na tung nam, maw, a thi ning tui, a kong sia, lo bei sang, nge.
- 32.- Sang ti teng la, a kop in, zial zo veang nge, khua mual ti teng, kan a sang, sak zo veang nge.
- Pham za tam awng, leang van tual, na tung nam maw, a thi ning tui, a kong sia, lo bei sang nge.
- 33.- Khua mual daw tam, lum suang le, phung ning beal awng, han zai ih sak, na hi e, ih ci nam maw?
- Ih sau mang le, ih cial phei, pham tam sial, na, ih pan sawl in, thang ngawl bang, khak zo ta e....

* * *

THUKLAI
PI CHIN VUUM (173-21) LA

La kai khawm - Pa Tuang Za Thang (Pumva)

1. - Mim bang pian na, ka zua mang awng, tai nga seh, ngual sing awng nge.
- Tai nga seh pui, zang si ngual taw, phung taw lem zawng, ka na te.

2. - Mim bang pian na, tun le zua awng, kiak kum puan bang, zawng awng nge.
- Tun kiak zua kiak, zai tha neam lai, kiang in nu lo, bangh thual nge.

3. - Tun kiak zua kiak kong sial lai a, kiang mang in ma, ciang suan ze.
- Kiang mang tha kiak nau bang theam tu, zua awng koi a, na haw ziam maw, tun awng na min, lo ing nge.

4. - Nu tun lung dei, pa zua tong hawm, hau tawi ka kiang, mang awng nge.
- Awm lai paai duang, bang kuah sia tawh, thin lai tong sial, bang lian te.

5. - Ka kiang lung lian, han lung sial na, tang bang dam tu, lia in lai, lung muang maw nge.
- Taang bang dam tu, ih ngai man a, phak sap ah zing, zin hingh nge.

6. - Na awm lai kul, thuk ta e, kiak tu sam bang, peal maw ee.
- Meal mak lai a, lun sau nuai a, kiang pham sun nau bang ka nge.

7. - Kiang awng tha a, na kiak ni ne, sau mang paw ngai, na veeng nge.
- Sau a tha kiak, tang hi lete, lai zom teng le, phung ten al bangh, uap tu ze.
8. - Do lai pai va, na law lai, kim pui ngual ten, kul sin ah zin, bang tha ee.
- Vai mang lep thiam, lun ta phei phung, tuang lam lum suang liik bangh ze.
9. - Kiang sak luang kul, sin a siang nge, von ni thum taw, ka sau dawng, kong hong ing nge.
- Ih min phung le, nam ci ngual ten, sau pan sun, nau bang omh ze.
10. - He lua sun nau, bang nong theam na, lai zom teng leh, ciin le tuai, zai la awng nge.
- He lun neam na, zai la nong sak, lia lai lung mun, muang tuam veang nge.
11. - Lai zom ni ngeal, ka kiang mang awng, paai va lawh ngual, sing awng nge.
- Sial lum kawl ciang, tuang nu sia a sau, siang zangh sa,phak sap kul sin,zaal khawm ze(*Pa Kam Cin Pau te nu pa a phua.*)
12. - Kiang mang lai zom, thei bang sen bel, phei phung puan bang, kawm ing nge.
- Ciin tha kiak tu, lun sau nuai a, toai taw sun nau, bangh nong op pui, lia lai lung muang, tuam ing nge.
13. - Lia kung tung tong, dam a neam bel, ka dit ciin lun, mang awng nge.
- Tun luang sua luang lung ka muan bel, kil bang ka khan, khom la nge.

Sizaang Ngeina Labu

14. - Lai teng ngual kawi, lun tawi ni thum, tun buh suan bangh, muang ing nge.
 - Kan kong sial bang, kong sua ni a, tong dam neam, le ma mo hawm tel, ka ngai khua neam, tuam veng nge.
15. - Kiang awng lo bang, na hin lai a, han lung ciam, za tam sa nge.
 - Tuai lian nu le, phung lai mai mak, pak thel bang tawi, ka na cia .
16. - Na tuai lian nu, neal bang hau ee, pu pa pat lo, sau pian dang, mung bang tum ee.
 - Sau suan pian dang, khuam bang ngual tu, phak ii sap pan, lai ciin ka lung, muang ci ze.
17. - Kiang phei phung le, tong dam hawm thiam, mun zaang sau mang, zam sak cia.
 - Na kiak nu a, na tuai lian nun, tong sia pil tang, bang the ta ze, pham sa vei lawh, lai veng nge.
18. - Ka kiang pham sa, sul heak thei le, ho lung kum pui, nuam ing nge.
 - Tung leang van pan, kiang lau tha awng, thai le na von, sik mul nong sua, bua ziam maw.
19. - Kiang kiak nu aa, thin thu za tam, tham sa awm lai, vei ing nge.
 - Awm lai puak lel, tha kiak tu se, tuai in zing vai, bang lap ee.
20. - Tun sung lai zom, ka tuai mang awng, ngu thal bangh suang, kim ing nge.
 - Tun sung lai zom, tang ni thum awng, sua lun ka the, na awng nge.

21. - Ni nu von toai, muan tui bang ciim ciin, aw ka he, lua neam te.
 - Kiang pham zin bang, na thak na lum suang tul maw, tu bang cin tu, kul sin hang, bang ngak sak nge.
22. - Lia khat min law, ka von lian nu, phung lai a, zin bangh tha nge.
 - Kiang taw thing bang, zawng maw ve cia, tun siang suul, bang heak ve cia.
23. - Thei sen vang ngai, suk tui mom no, von awng ci bang, teal ve te.
 - Dih cim ho lung, kum man ngawl a, na tha kiak pal, lua sa nge.
24. - Phung tu lam bang, na zon na suk tui mim phung, a tong zawi kai, thiam sa nge.
 - Sen pu pa taw, tong hawm khawm suk tui lun ten, thin thu phei lam, bang pha ee.
25. - Von lian nu meal, ka mu luang mai mak lung dei, sun ni kim, nau bang ka nge.
 - Sing dang aang kawi, na zong zongh in, lia kei thin lai, lai lung ngil, lo ding hi ee.
26. - Pu pa khan ngui, bang zop na suk tui lun te, phual mei bang pat lai tak a, von tha kiak pal, lua sa nge.
 - Zin in zeak a, pham na le tham sa vei na, ngai taw ngi bang, khen ta ee.
27. - Thian mang hawm tel, lia khat von tawi, sun ni kai ma, vul awng nge.
 - Mim phung puan bangh, ih lai na suk tui lun mang, tun nun thum bang, ngai ing nge.

Sizaang Ngeina Labu

28. - Von awng na kiak, nu ciang a phung zon kawi neam, sam bang peal tu huan khau bang, khi nuam ing nge.
 - Suk tui lun mang, hau tawi tong neam, ngi bang khen leng, tun noai bang, ngoi vak ing nge.
29. - Ka von ngual koai, pat puan bang neam, meal mu leng luan, thi hi ze.
 - Meal mu leng luan, thi hi ee, sam bang peal leng, ngua bang ka hing, zo diam maw.
30. - Mai mak mim phung, lun tong neam te, ka duang lai ngu, bang zen ee.
 - Ngia bang nong zun, thiam lalawm te, tak a nau bang, sang ing nge.
31. - Ngam lai tul thing, na niam lai zong, suk tui lun taw, duang zil ing nge, zin in ngi bang, khen ta ee.
 - Von awng lo bang, hing hi le te, tuak khial na phung, zon te mun aa, hau ngual tong neam, tong na sua nuam ka na maw.
32. - Ka von ngual kawi, mai mak zo zam, kil bang khan kim, khen man ngawl a, kawi pham sun nau, bang ka ve cia, sik mul sua bang, hing veang nge.
 - Tuak khial phai awng, a na zal ciang, na tun ngai sial, ham bang nong huai, bang lo aw.

A THIP NA

33. - Tun kiak sua kiak, ka sial na, a neam zaw maw, khan kim khen kiang, mang ka awi, ka neam zaw maw.
 - Kop a ka sial, nu tun hui bang mau veang nge, tang kawi ni thum, ngu thal bang, suang lai veang nge.
34. - Tun sung lai zom, ciin le tuai, taang ni thum awng, lia lai zom teng, lum sung ngua, bangh hing ve vua.

- Zang kuam thuk pan, kiang awi in, khau bang cia nge, kan kong suak in, tuai mang in, he lua neam ee.
35. - Khai tui ka nu, ciang te le, zaang si phung ten, kiang na kiak nau bang, hong awih, pui tek hi ee.
- Tun noai bang ngoih, in bang he, nau bang kap te, kiang awng nge mal, bang hong ko, thei nuam veang nge.
36. - Lia tawi phai lim, ngeak no leh, lun tawi heisa, sen vang ngai tawh, ni khat phual mei, bangh tua ee.
- Deih pal ki lo, ang lai ah, thel bangh siat sa, nuai zin zeak aa, kiak nan ngi, bangh khen ta ee. (*A maak pa Thang Cin Dal (Dalno) a phua.*)

NU CIIN VUM HE NEP NA LA (173-21)

Nu Ciin Ciang:-

1. - Pham sul zui aa, tuai lian nu awng, lai tui phung lai, keau awng nge.
- Kil bang khen kim, khen man ngawl aa, kiang zon na luan, thi hi ee.

Bo Lian Khaw Pau:-

2. - Sial lum tawi pui, za ih lai aa, ngual lai ah kaan, saang ve cia.
- Lang na lamh tawh, na lung tup tawh, kawi nu ciang thang, lai ve cia.

Pa Son Ngul leh Nu Ciin Vuum:-

3. - Sial lum toai pui, za tam lai aa, nang tong neam sing, om ngawl ze.
- Thin lai tui bangh, na ciim kom aa, len pui khau bangh, thung hi ve cia, za tam baan zaal, a bia zee.

Sizaang Ngeina Labu

4. - Ngua bang tuan na, na sau nun nuam, lai neam sawl bang, ka baan na awng nge.
- Na kiak nu ah, thai le na von, meal mu leang luan, thi hi ee.

5. - Awm lai kung kuai, na kiang lun mang, taang bang dam tu, ih ngai man a, thang ciang a zing, zin awng nge.
- Kiang pham sa ma, ciang suan ngawl, khau bangh nong ciah, vui si tuang lam, in nei veo cia, ih tawh na te, thei diam maw.

Pa Kim Ngo phua:-

6. - Za ta tong dok, tai nga hawm thiam, ciin ni ngeal hong, zal ta ze.
- Na kiak nu aa, thai le na von, luan thi tui taw, na sau dawng, kong hong sak cia.

Nu Dim Cing phua:-

7. - Kawi tawh lung tup, hau ta ngam zaang, tul thing min ngei, zial ve cia.
- Sau na sak le, tul thing khan thiam, lai lung na muang, thei ziam maw.

Pa Sing Pum phua:-

8. - Lai tui lun mang, ih phung ngam zaang, ma zap ngi a, zial ve cia.
- Lung tup tui bangh, tung pan cingh nge, na tha kiak ngal, in ze nge.

9. - Sau na sak le, ma zap tul thing, phai mit ngu ling, bangh do ee.
- Na kiak nu a, thai le na von, phung le ngual ten, lai lung zuan, na tam sa nge.

10. - Kiak lung heh thai, le na von phung, len tam ngual tam ah, lum suang phu ze.
- Ngai teng zai la, na koai luan thi, a tul maw in, ciau lum suang, in po ta ee.

Pa Lian Zam phua:-

11. - Zua khan dung zil, ka sawn mang awng, tong dam zawi,kai thiam ve cia.
- Zawi kai thiam le, na tong hawm thiam, ngual taw lem zawng, ka sa ze.
12. - Lei do sawl sang, ma zap mun pan, ngual lai kan sang, ka na cia.
- Zaang ta luun tawh, tong hawm thiam aa, sial lum sua mang, tang awng nge.
13. - Sawn awng ngua bang, na tuan na tu, zaang lei daw tam, mun zaang sau pha, ngai ve cia.
- Zaang lei daw tam, mun zaang lai a, lung dei sau mang,zam sak ve cia, vai sua pa, nun zil ve cia.
14. - Zo dam ngam zaang, sawn na tul suan, len tu ngam thing, zing bang ze.
- Maa na zap na, tul suan kot kawl, phai mit heam, thak ngam bong nge.
15. - Zin ih zeak a, awm lai pian dang, tui bangh thiang tu, na ngai man a, phak sap zaang, tual tung ve cia.
- Awm lai tui bang, thiang la ta ee, luan thi tui taw, na koai khau, bang hong cia ee.

Pa Phut Hau phua:-

16. - Tun kiak sua kiak, hui bang theu maw, lai lung heh nu, lo bangh thual cia.

- Zua luang min taw, mai mak lung dei, siang a nong len, baang ve cia.

Pa Vum Kam phua:-

17. - Ni nu ngual koai, sawn zo zam awng, za tan baan, zaal a bia ee.
- Sun ni nuai ah, sol tha nuai ah, sial lum tawi pui, na tha kiak lai, hong kuai ee.

Nu Dim Cing phua:-

18. - Lai tui von tawi ka tuai mang awng, tong dam zawi kai, thiam ve cia.
- Pu pa thei lo, tul thing min thang, zo tui bang suan, hi ve cia, lai lung na muang, thei ziam maw.

Pa Lun Pau phua:-

19. - Khan tum dang a, pian tum dang ee, vai luun taw hong, zawng ve cia.
- Ci suan taang bangh, a phat kom a, vai lun in paak, bang tawi ta ee, mi za tan, mo bang dong ee.

Pa Son Ngul phua:-

20. - Ni nu von tawi, muan tui bangh ciim, ciin awng ka he, lua neam cia.
- Kiang pham zin bangh, na thak na, lum suang pham maw, kul sin hai bang, ngak sak cia.

A THIP NA

21. - Thei lo lai ah, sen pu pa, lal mi hen na, zaang tawi ta taw, tun sung lamh, puan zawng hingh nge.
- Phung le ngual awng, tong dam sua, sia heak vun naw ngua bangh tuan na, zaang len tual, ci tek tu zee.

* * *

THUKLAI PI NUAM DIM
(106-21)LA

1. - Tun taw sua taw lo bang hin lai, banthangsungdip thiam ka na ze.
- Tun le sua awng na kiaknu a, ih sau dai a dam sang nge.
(*A-an hau a phua hi.*)
2. - Tunsung lai zom tiin le tuai awng, mealmu ngawl a thaam awng nge.
- Na kiaknu a na tuai liannu luanthi taw na hei veang nge.
(*Pa Suang Zam (105-23) le Pa Tun Ko Lian.*)
3. - Sen angkawi taw lo bang hin lai, ngamzang a sau ngual ing nge.
- Ngamzang a saungual ih veang nge, tul minngei taw zal khawm nge. (*Thanzang lo ah Inn sak le Lingmaw ciinn.*)
4. - Puvon ngamzang ngua bang tuanna, sawmsial huang khiak na awng.
- Sawmsial ka huang khiak na awng banthang ka ngualna awng nge. (*Thanzang lo ah ngan khawi a, an hau a mipi vak bul hi.*)
5. - Hong thang taze, hong thang taze, kiang banzal hong thang ta ze.
- Zua ngamzang le ka kiang banzal a kop in hong thang khawm ze. (*Thanzang lo a lingmaw ciin le Lingmaw Kawlengam khuapilianbel Yangon dong ah a zuak sia minam kim in za hi.*)
ရန်ကုန်စွေးပြံ့တွင် ဖြသခဲ့၍ ပြည်သူလူထုအားလုံး ကြည့်ရှုခဲ့သည်။
6. - Mimphung thei bang sen natu a, laingeal in tuang nusia ze.

Sizaang Ngeina Labu

- Kiang awng nau bang ih ki theam na'n ngamzang a sau ngual hing nge. (*Pa Suang Zam Pa Tun Ko Lian hong nusiat le Thanzang lo ah Innsak.*)
7. - Tuldei kungciin sunni bang tang, ngam lo bang tul thei ze.
- Kiang awng inn bang he heak in aw, zangsi in neam na hi ze. (*Sizang sung theampo ah Lingmaw lal kik a phua.*)
8. - Kiang kiaknu a tawi senno taw phaksap a zing zin ing nge.
- Hen ngai bang a, lamh ngai bang a, tuang lam tunn sau ka sa ze. (*Ah tanu Zam Za Dim taw kibawl tu naubu at tu ah Falam pai.*)
9. - Ka luantai taw ka thamsa taw hau siang sawl bang baang ing nge.
- Hau siang sawlbang ka ban mun pan do mun a ki hil ing nge. (*Falam Saya Thawng Ko Hau (115-23) mun ah tung a tuak pan Zato ah kaa a phua hi.*)
- 10.- Kung tung ka awmlai awng nge lam tui a tuang nu sia nge.
- Zangsi lun le Lamtui mang awng Thian in lumbang sung hen aw. (*Dr. Ni Hei le Saya Thawng Ko Hau.*)
- 11.- Zing ka zit na ka tuai mang awng tongzawi nakaih thiam ve te.
- Na ciin ngualkawi na ngai man a, ning le ai a sung ve te. (*Saya Thawng Ko Hau a phua*)
- 12.- Zing ka zitna tuai lian nu awng nutun taw kim in tee nge.
- Kiang kiaknu a ngaisial lian nu haam bang hong huai thiam ve te.
(*Saya Thawng Ko Hau zi Ngiak Za Dim a phua hi.*)

- 13.- Ka ang pan piang sawm mom no awng, thinlai tui bang ciim ve te.
- Awm lai kung kuai zing ka zit ni'in inn bang na he ba nam maw. (*Sayama Zam Man Cing a phua hi.*)
- 14.- Tun sung laizom tang khat tangh awng sua sau haibang ngak ve te.
- Tun min sua min ih law luang a, vonmang taw zing vai hawm ve te. (*Pu Tuang Tun (106-21) le a tapa Lam Za Cin aphua hi.*)

A THIP NA:

1. - Ka ang panh piang lia tawi le phung zozam awng, tha ka kia zong lung hong ngil ba vak ing nge.
 - Kiak kum tung a leangvan dawng ka hong ta le, thei sen ka kiang mang mun a hil lai tu. (*Saya Thawng Ko Hau le Sayama Zam Za Dim aphua hi.*)

* * *

THUKLAI NU NIANG KHAW CING (111/21) LA

La kai khawm: U Ngin Hau (Thuklai)

ANAW

1. - Ka von thaam na awng ci tang lei do pian dang lo mei a hong laang nge.
 - Sang le lal puan bang thua tangh lei do simlu ka sum tual a han mung a zial ing nge.
2. - Lai thaam na lung a ngil ngawl ka von ni ngeal han lung ciam a do sim lu tui bang a toai ing nge.
 - Ka von lal tha aw ci tangh mual ni thum hal do ngam lei a zing zu bang tho ing nge.

LA NGUI:

3. - Pu von lo bang na hin lai a sing ngual ngen a om ve te.
 - Na hen pa tang a tuang ci a sawm sial a huangdim ci e.
4. - Na hen tuun siang na tut luang a von luang hong tuang tung ta ze.
 - Aw khi ten dal aang nasiat luang luan thi na aang a sia te.
5. - Pu von kaih tam zang si hen thiam do zing zin a thaam awng nge.
 - Ih khan khuam thing bang ki lai a zang si puan bang thak ta ze.
6. - Ka kiang lai zom muan tui bang ciim tun noai bang ngoih zo ing nge.
 - Kot kawl zing vai ih sial ngawl a phung lai ei tai nga sam ze.
7. - Ka von thaam na lei do tum dang thang van zam luang nging bang ze.
 - Lii tui ngual in laam bang veel e ka phai mit suan ngam bong nge.
8. - Thang van top na ka von mang awng do kawl ciang a pham awng nge.
 - Len pui ngual in nu sawl sin e kiak taw hau ngual sing ing nge.
9. - Von pham sa le nu tun ngai sial do in ka min zeek khawm me.
 - Zang ta se sum tam nong se sang ka von ni thum ngai zaw nge.

- 10.- Ka von pham sa ka ngaih man na do lai mim bang thum ing nge.
 - Tuang lam tun sau kiang lung tim taw phei phung tham sa luai sang nge.
- 11.- Nu tun sial tam he lua neem tu tang ni thum von kong tawi awng.
 - A pham tu le zang tual tung tu von ni thum tang kong toai awng.
- 12.- Mim phung mal ki bang ih hun na von mang lau tha sung la nge.
 - Ka von lau tha leang van kai sa thian mang mun hil tuak ing nge.
- 13.- Lei do tum dang sun ni bang so zing dai bang nawk hak ci ze.
 - Tun ang zuu bang ka siat kom ma do kawl ciang khuai bang tu ze.
- 14.- Ka von lang lam zang ta se sum phung in hawm tel in nei ee.
 - Thai taw von taw lai kuang um e von lam te an in nei e.
- 15.- Phung thin thu le von hen kol khai ka kaan kong hong hong khawm me.
 - Zin tong hawm ziam thian zing vai ziam ka kaan kong hong hong khawm me.
- 16.- Ka kawi kawl a zin mang tun nu ka sau huang dai kan ven naw.
 - Tul neem no le phung zan mang sia zang lam neu taw sil ing nge.

Sizaang Ngeina Labu

- 17.- Do tong hawm ma zang si mom no mi za vui tang bang kawm me.
 - Sial lum kawl ciang za ii lai a von awng ei kiak pal saang nge.
- 18.- Thual ngua luang nge von luang lup na na tun ka thin lai zen za ne.
 - Tang ni sa le dam tui ngai tu von awng ka zai tha kuai te.
- 19.- Zaang kuam thuk pan do pial lai pan von awng tun siang zong ve te.
 - Tuang lam tun sau sua siang tung sa zing dam khat meel mang awng nge.
- 20.- Von awng do lai nalen pui te sau nen pial va laam bang ze.
 - Na kiak nu a tang ngual dei la zon taw nun nuam a heak kik pheang ze.
- 21.- Ka von tha kiak ni bang awi te tang ni bang naawi ka vet vun na va al ngia siim ka vet vua.
 - Van siin nuai a tang ngual lia ngual a pham maw mi om nam maw.
- 22.- Zang si ih ngual hau ih phung in kiak kum zang ni suak ci ze.
 - Kiak kum khaam na do lun mang zong se sum tam se om ngawl ze.
- 23.- Ka von pham sa sul kik tu bang lei do sim lu ngai ing nge.
 - Lai khum phai mit sing maw tang nge von ngeal taw hoi ka sa ze.
- 24.- Ka kiang lai zom tuai lian nu awng ning beal ka muan sa awng nge.

- Pu von kuul sin na zal na pan ning ngual tu lung muang maw nge.
- 25.- Von kiak nu a phung hawm i thiam me sawm sial taw he luan neem nge.
- Ning le ai sa kan kong hong nge ai sa pheek nang in zau ing nge na tun luan thi bei maw nge.
- 26.- Lei do tum dang vaang khua suan ne phung taw suang mual kal ing nge.
- Phung taw suang mual kal ing nge sang taw vang khua zong ing nge.
- 27.- Lei do thiam thil do lun tai nga ka siang tui bang tung awng nge.
- Von kiak cian naka tel ciang a sak luang zin bang ling ih veang nge thin lai phui ngua huang bang ze.
- 28.- Sak ciang tang no sang phung na khen lung he ngawm na ngai ing nge.
- Zang kam kei le na nuai sawm sial thang zing tui bang toai ing nge.
- 29.- Do kawl ciang tawi zang len tual a sang mang ngua bang phuk hi ve tia len pui na ngual sing ve tia.
- Zang ta se sum kong se ngawl a hau na hawm tel sang lun mim khau zeak ing nge.
- 30.- Ka tun sawm sial in tua nge ka zua kam kei in tua nge.
- Nung le ka ma pham min law ni ning beal ka ngual tam sang nge.
- 31.- Von ni thum vo sa sua ci nge do sim lu le sang lun ni thum lai tui khua mual ah sua nge.

Sizaang Ngeina Labu

- Ning le ai sa niang sak ing nge von ngual sok hei san bang hi e kawl ciang thang van mau bang ze.
- 32.- Ka von ngual koai phung tawi lian nu do taw zing vai hawm awng nge.
- Kawi awng navon na sial ngawl a ka sau zing dai bang pial ve tia kiang luang te an in nei te.
- 33.- Do lai paai bang pa ki zep na nu tun kaan kong hong awng nge.
- Sang le lal khua mual sua sang zong von awng na zua thang zong nge.
- 34.- Ka von ni thum zo zam pal sing tun ni kai ma vul awng nge
- Zang ta se sum zua siang tut sa thang kum khua vei man ngawl ze.
- 35.- Ka ang pan piang tang tawi ni thum do sawl thak a bei awng nge.
- Ngam lai hai thei pang vil bang a ka von lam dal bang khak bel in zua sau na zubang pua ze.
- 36.- Phung awng tui bang ka aam kom ma zang si lai a thang ve te.
- Thin lai va bang na pil kom a, khua kim in ni bang, en ta e, thai le von taw hei khial te.
- 37.- Lai tui ka phung tai nga sep teng tun ni bang tang kim ve vua.
- Ziat le vei pan do phung tam me mal ki bang ki hung ve vua.

A THIP NA:

- 38.- Ka von pham sa nu ciang nga heak kik tu bang do lai sim lu le sang lun sum tu ngai ing nge.
- Zin pham do pham inn bang a ka he man a ka he kot kawl pan zing leang hual khau sut ing nge.
- 39.- Von aw ei kiak na tu a lei do tum dang pat tum bang ki sai tung a thang van mau bang ze.
- Zin a pham la tam na ve do a zal la phak sap von zal ngu ling sut bang vei ing nge.
- 40.- A pham za tam inn bang a ka he man a khua mual pa ning tui kong sia lo dei sang nge.
- Khua mual pan ning tui kong sia lo bei sang nge sang ka sim na pan sawl pial va lam bang ze.

* * *

THUKLAI NU VUNG KHAW HAU (111-22) LA

La kai khawm: Pa Tuang Za Thang (Pumva)

1. - Mim bang pian na nung le ka ma sen pu von ten sang le lal huai thiam ci ze.
- Sang dei lal dei han mung na phu, ngual taw tan bang kim ve te.
2. - Zua awng kil bang na khan ciang a, do lun kawl ciang tawi hiveu te lau tui sik khu in nei te.
- Zang tui tual ah do inn pan tun le zua awng ngual taw lem a zawng ve te.
3. - Mim bang pian na tun le zua aw ng, ang lai hong tawi thiam veu te.

Sizaang Ngeina Labu

- Na von mom teng al bang ta tu ma zap hiam bang meet hi veu te, ngual lai dik sang tang ung nge.
- 4 - Ka tun awng nge nu tun awng nge, zua siang a tuang tung nam maw.
 - Ciin ni ngeal taw ka zua mang taw lai kuang na um khawm nam maw.
- 5. - Sei sang tan ciang ka tun nu awng ni nu sul zui ing nge.
 - Phung taw tua tu ma bang pat sa von lian nu sul zui ing nge.
- 6. - Tang tawi thiam a ka sen ni nu zangsi ngual a thang ka na te.
 - Lai kuang kiim sa ciin ngai tang awng koi a na haw ta ziam maw.
- 7. - Ka kiang lai zom sei a ham bel phung lai lian nu zial ve te.
 - Thai taw von taw zang ii don a lung dei sau mang ngual ve te.
- 8. - Do sawn pan tui hong laan kom a ka ciin mang awng phaak sap a vai thaam veu te.
 - Siang sung lam bang la zong ngawl a zang tawi lian nu zial ve te.
- 9. - Ciin nu ngai khua ka tual ciang a sau ngual vang la sa nge.
 - Na kiak nu a thai le na von phung meal mak a sawl bang hei tu sik mul na sua bua ziam maw.
- 10.- Von min thei kung kong law na ka ciin mang awng tai ni khat meal mang awng nge.
 - Ka ciin thaam na do sawn san tui tuai in khua mual a sua ee.
- 11.- Kaang tui sol tha na hei na thaang ii nen pan ciin awng tuang nu sia te.

- Mi za zin bang liing sak hing nge sak luang kan kong suak ve te.
- 12.- Zin zeak khial a thai le na von ngai sial lo bang hing ta ze.
- Leang van tual pan na von mom teng meal a nong mu thei ziam maw.
- 13.- Lai lun ngam zang ngi bang hun na ciin awng bat phu thaam hingh nge.
- Tun le na zua na tuai khat tang ni ciin sun nau bang kap ee.
- 14.- Vai mang sol tha ciin tong neam awng lai tui mun a do lai bat phu thaam hing nge.
- Zang kuam thuuk pan tung ciang sial lum ei kiak na hi ze.
- 15.- Lai tui khua mual ki tawi tung pan zua in ning tui hong sia ni a ciin awng nong hei lei nam maw.
- Tung leang van a phung lun teng taw lau tha na hei lei nam maw.
- 16.- Ka kiang lai zom lia khat tang awng ni nu sul a phei tui a bual ve te.
- Ang lai tang tawi tan zo ka zu ka kiang sun nau bang ka te.
- 17.- Tun mang tha a a kiak ciang a ciin lian nu in ka sau sii sial bang zuan ee.
- Thin lai tui bang ciim hi le mawng kiang le von taw sawl bangh hei tu thin lai tai nga ka se ciang a na tuai zin bangh liing ing nge.
- 18.- Tun Sung lai zom ka ciin mang awng tong dam hong zawi thiam ve te.
- Ciin hawm tel le thin thu zeak thiam zua luang mun a muang ing nge.

Sizaang Ngeina Labu

- 19.- Kot kawl zing vai ka hawm pui tu ciin awng na min lo ing nge.
- Ning le ai sa tuang hong tut luang lung he ciin siang a tun nge
- 20.- Thei bang sen a ka ciin lai zom do lai sial lum na law mun pan ngual lai kaan a saang ve te.
- Kang tui taw tong hawm khawm a sial lum tawp a tangh hi ve te za ta kaan sang in dial ee.
- 21.- Nu tun khuam thing bangh kong lai na ciin kawi namin lo ing nge.
- Thin lai tui bangh na ciim kom a tuai teng lum bang sung ve te.
- 22.- Pa zua pham ee nu tun zal ee kung vul taw zin bang tha ve te ngual taw tan bang kim ve te.
- Ciin lung pil le ciin kawi lian nu tui bang ciim a phung lai zing vai na hawm thiam taw zua kot kawl huai thiam ve te.
- 23.- Ka ciin ngual kawi lun lian nu awng nung ciang dal tu muang ing nge.
- Pang pan mal kim pang vak ve te lung he zing dai bang kamh ze.
- 24.- Pa zua sau sak kuang bang lua tu sik mul sua huai thong ve te.
- Zing dai nen a vai bang ih thaam lung ka sial ciang na tuai ka luan thi hi ze.
- 25.- Lung he khing an ka kum pui tu ciin lian nu min lo ing nge.
- Siang sung zing vai hawm khawm leang a ngia bang ki zun tek leang ee.

- 26.- Ciin awng lo bang na hin lai ah tong dam neam le lang na lamh taw phung lai lum bang sung ve te.
- Tha na kiak ciang kul sin zal ciang tun nawi bang ngoi zo ing nge.
- 27.- Zin le do hawm zu bang sia a ciin teng tang bang thot ta ee phung lai thim khua zing sa nge.
- Ciin khat kung kawi kum sawt al bang uap po in na phung tai nga sung lai po aw.
- 28.- Pa zua sau sak kuang bang lai tu kiang taw han lung ciam ing nge.
- Han lung ciam na kiang zai tha le se sem se na zua sau kuam thing bang lai nge.
- 29.- Tun sung suak a lai ngeal cing sa sik mul sua huai thong ve te.
- Thin lai ngai khua ka tua ciang a von ni thum le kot kawl he huai kum sawt al bang uap po aw.
- 30.- Ziat le vei pan lum bang sung tu lun sumh tual ah min ih law vai bang sam ze.
- Mim bang pian na tel na keak se zai tha zong neam tuam ve te.
- 31.- Kiang awng han lung ih ciam na ih sau zil a zaam sa nge.
- Tha kiak nu a sawl bangh hei tu ka sial ciang a sik mul na sua bua ziam maw.
- 32.- Ciin ni ngeal taw tun le zua taw uum bang ih khawl na hi ze.
- Uum bang khawl na sawl bang hei na kiang awng ka tham sa hi ze.

- 33.- Za ta lung tup tul thing min ngei ciau tui kuam a kiang awng tuu bangh suan ve te.
- Na kiak nu a tul dei kung ciin ma na zaam na meal mu leng luan thi hi ze.
- 34.- Khua van nuai a awm lai ki pha kiang tung sawl bang baang ta ze.
- Kiang awm lai paw lim bang lian ee kiak tu ngam bang khaam la nge.
- 35.- Vai lun tong hawm tuang lam phaak kuan kiang zai tha neam nei ve te phai mit sot pham sa hi ze.
- Bat tha law na zai tha neam na zang ta se sum tha pham ci a ih duang a baang om ngawl ze.

ANAW

- 36.- Pupa ngam zaang ih tung a tul dei kung kiin dawn suang thei a ka dik maang dawn suang ngawl ze.
- Sawn le von nun nop na tu a tul dei kung kiin mana zap na luan thi taw sul zui ing nge.
- 37.- Kiang awng han lung ih ciam na ih ngam zaang le ih sau nong ngai bua ziam maw.
- Dei lo paam pai lung ki ngil bang dai nen a zal thong ve te.
- 38.- Nu tuun min seal von lian nu awng aang tawi awm a taan ve te.
- Tun le na zua ka hei mun pan tawi tu ma mun muang ung nge.
- 39.- Kawi nu ciang a tun le na zua lum bang hong sung thiam ve te.
- Ka von ngual kawi tang bal bangh pil lang na lam ngual sing ve te.

- 40.- Pa zua awm lai khau bang sut tu Thian mang mun mal bang ko na tu kung vul hiam bang meet ve te.
- Kiak kum cing tu se ai se sa von awng ngam bangh khaam la te.
- 41.- Mai mak lung dei ngua bang tuan na zang lei daw tam heam tui vang khua mi ci teng vang khua hi ze.
- Tun min seal le a dik lun mang muan tui bang ciim suk tui laam tui lim tui tai nga sung ve te.
- 42.- Mai mak lang lam se sum se tam zang lei daw tam mun in na dei zial ve te.
- Mun in dei zial zua ngai sial hawm tel khen ve te na zua lun lung tai sak te.
- 43.- Lung a zawk bel mun a muang bel na hei na ngam la sa nge.
- Ih sau nen pan kong sial ciang a nu tun luan thi luang ing nge.
- 44.- Von teng po lung zawk bel awng nge bel lun sau nuai na hei mun pan na tun nong sial bua ziam maw.
- Von lung zawk le na tun ngai sial al bang ta tu von awng mun a muang ing nge.
- 45.- Ka von a lian nu awng nge thin lai tui bang ciim ve te.
- Thian tong hawm ziam zin zeak khial ziam sik mul sua huai thong ve te.
- 46.- Von awng lam ngial na kiak pui te meal ka mu ciang na tun ka pham sa hi ze.
- Thian in dal ngua bang haa hen naw kum sawt ngua bang hing po in na tun ngai sial nau bang om po in aw.
- 47.- Ka von lian nu thei bang sen bel lun phung sim tu lung dei a zin bang tha nge.

Sizaang Ngeina Labu

- Na dit zai tha khual tang dung zil ngua bangh tuan na lung dei sau mang ngual ve te.
- 48.- Ka von thei bang sen bel awng nge sua min kong law na hi ze.
- Lang na lam maw sial ngam bong nge sua lun it han lung ciam na teng von aw mu bang ngai po aw.
- 49.- Ka von thei bang sen bel aw ee thin lai tui bang cim po aw, ngual taw lem bang zawng po aw.
- Na tun laam dal khak hi ve te thian hawm thiam taw kot kawl lum bang sung in aw.
- 50.- Lai lung zawk bel ka von mang awng sen ang kawi le von ni ngeal taw sua sau thaang bang vil ve te.
- Von ni ngeal le na sen ang kawi meal ka mu ciang na tun sui lung tai sak te.
- 51.- Zua min law na ka von mang awng ngu ling sut bang vei ih veang nge tung thian mang mal bang ko nge.
- Zin in laam tual sik khial ni ziam thian mang aang zal ni ziam maw von awng nge.
- 52.- Von awng phai va na law pui te tang ngual lia ngual tun siang aa tuang tung ta ze.
- Thin lai tai nga ka sial ciang a ni ciin luan thi lung ing nge.
- 53.- Kiang awng lo bang hing hi le te sawn ni ngeal le von ngual kawi tuang tung hi ze.
- Ih von ni ngeal khu va tui bang zo tang bang dam thei hen na phung za tam dawn suang hen aw.
- 54.- Sai bang ih sawm zai le ih awi lum suang phu tu ciin awng ih lung tup hi ze.

- Lung tup zang ngi suak thei ta ze ciin awng na luang tho maw te.

A THIP NA

- 55.- Tun kiak sua kiak a sa nga tang bang na ee khan kim khen ciang bang ka awi zaw lai ee.
- Zai dei tang phung bang ka cian ciang tun le sua ngai khua za tam sial na hi ze.
- 56.- Nung le ka ma pham za tam kong sial ciang a tung ciang leang van saang sawn a phung cing veu te.
- Kiang lun ka phung mang teng le ciin le tuai teng tun le sua teng nun nuam in na hei nam maw.
- 57.- Tun le sua ngel cing taw hei ding ki sa kan tui do teng ciin teng sawl bang tha ee.
- Ciin teng bat phu hawm na kal tui sim lu sang nam kim taw tun le sua zial sa hi lung muang veang nge.

* * *

THUKLAI PU PAU NGIN (121- 22)LA

- 1.- Do na hawm tel, tul ta min thang, ka cial daw, thuum va dil e.
- Do kawl ciang le, zaang dol cial awng, ka dei ngo, thul a sia nge.
- 2.- Thawl thang a mang, sawm sial awng nge, Kei kan hai bang, ngak awng nge.
- Tun min sua min, ka law na ze, lau-tha ka hual, na hi ze.
- 3.- Phung zai tha le, ngai teng zai tha, khua mual ki tawi, no awng nge.

Sizaang Ngeina Labu

- Sang kaa sial na, tio lum suang awng, khua mual a, phung cing sang nge.
- 4.- Tio kuam lum suang, min thang ci a, Tuai mang taw, tong ciam ing nge.
 - Tuai mang taw tong, dam ciam ing nge, khua mual tu bang, suan ing nge. (*ULam Za Pum*)
- 5.- Ka tuai lian nu, muan tui bang cim, na kiak na, meal in ma nge.
 - Na von hawm tel tuang, hong tung e, na min thei bang, lo ing nge. (*Lian Ciang leh Mang Cin Hau*)
- 6.- Phung tawi mom no, dei ka thai lak, sang ti teng ma, zial ing nge.
 - Nung le ih ma, ih sial na ze, zaang phual mul a, sim hing nge.
- 7.- Ka sawn mom no, ang ah sia nge, ngual lai kan sang, lei ve te.
 - Sen pu pa ii, ma bang pat sa, pha leh sia, tong aw ci e. (*Tuang Za Thawng*)
- 8.- Pu von nih thum, vai bang thaam tu, sawn in tang lo, bang phong te..
 - Sang na kaa taw, lal na hen taw, khua mual sang, sak lei ve te. (*Vum Za Nang*)

* * *

THUKLAI
SAYA LIAN NGO (121-23) LA

La kai khawm - Thawng Khaw Pau (Thuklai)

- 1.- Kaang tui ta i, vang khua suan na, Laamtui khua pi, lam ngial ka kiak, na hi ze. (*Falam*)
- Lun teng min bang, a bual na ze, nga bang a maan, na hi ze.
(*Falam*)

- 2.- Tun ang pan lai, zawm teng awng nge, koi a na haw, ta ziam maw?
- Nih thum a tuang, nu nong siat se, tun mang ih ngai, bua ziam maw?
(*Vum Ko Kam, Awi Kho Dim, Khup Kho Mang, Dim Kho Mang, Awi Kho Mang, Thang Cin Pau*)

- 3.- Tun le zua in, khuang bang thawn a, vai mang thiam thil, sin ing nge.
- Tun awng tui bang, na cim kom a, sim lei ka nan, na hi ze.

- 4.- Thiam thil sin pui, suk tui nih ngeal, sial lum pua kan, sang hi ze.
- Kan a sang e, sial bang lian e, phung zua mang sing, om ngawl ze.
(*U Dal Za Kam, U Lian Cin Zam, U Vum Ko Hau*)

- 5.- Thiam thil sin pui, phung lun zua pa, do sung inn kan, sang ve te.
- Do lai zing vai, nong hawm ciang a, ih kuam ni bang, taang pheang ze.
(*Sithu U Vum Kho Hau ih S.H.S Thuklai hong phu*)

- 6.- Zaangsi lem pui, phung zua tam ngual, do ih luang a, bel lun luang a sim lei za tam, kawn awng nge.

Sizaang Ngeina Labu

- Thai taw von taw, bual awng nge. von taw kaang taw ciam awng nge, (*Sithu U Vum Kho Hau*) France:Indonesia, Cambodia leh Yokoslavakia ah Ambasador a sep na.
- 7.- Bel lun mang taw, nam ci tam taw, do ta pal bang, nang ing nge.
- Za tam kan a, Thian in ni bang, awi ngawl ze.
(*Japan ngal ah a liamna*)
- 8.- Sial lum pua a, ka thang bua zong, za ta tui bang, ciim sak nge.
- Za ta tui bang, ciim sak tu a, khua ci teng a, kawn ing nge... (*Khuasak, Tuimui, Tui Thang, Lumte, Losau, Thuklai ah sang saya a sep a phua*)
- 9.- Pu von na dung, zil hi veang nge, mun inn ngam lo, tam sa nge.
- Thian in lum bang, sung lai hen na, tu kawl tawi, nuam lai veang nge.
(Lam tung inn mun = Ks. 660/+
Muidam = Ks.1050/+
Khau Ngo = Ks. 750/+ a leih na)
- 10.- Koai le von al, bang ta na tu, Thian aw na tel, sang ing nge.
- Zaangsi ngual ban, ki sa bong nge, se sum sawm sial, koi a na haw, thei ziam maw?
- 11.- Zua in lum bang, hong sung e, cial daw taw mun, muang ing nge.
- Thaw lo hong nguan, lai ve te, kawl ciang hong nguan, lai ve te. (*Pa Pau Ngin*)
- 12.- Ngai na veang nge, nih thum law luang, lia lai zom hong,ngai ing nge.

- Nau bang ka kaa, taang bang huan tu, kiang taw kum sawt, hing in naw. (*Daw Ciang Niang*)
- 13.- Ci bang tawm a, tuai ngeal awng nge awm lai tuang nu, se ve vaw.
- Thai taw von taw, muang ve vun na, se-sum taw, lai zawng ve vaw. (*Thawng Kho Pau leh Thang Cin Pau*)
14. - Tun lung tup a,zua lung tup a,hau toai ka koai, mang awng nge.
- Sau dei kang bang, lam hing nge, thiam bang ih sin, tam ta ze.
15. - Van sin nuai a, nam ci von tawi, kan a sang le, tui bang a ciim, tam ta ze.
- Tui bang a ciim, tam ta e, von aw ei mom, lua hing nge. (*Ngin Thian Pau*)
16. - Lun ih von tawi, nu tun mang awng, lai duang a,hong baang ta te.
- Tun awng inn bang, he heak in na, tuai nih thum ten, tun mang laam bang,muak tu ze. (*Nu Cing Mang*)
- 17.- Tuai teng kiak nu,lai-teng mal nu,tai ni khat a,tun mang sun nau,bang ka nge.
- Na kiak nu a, na von nih thum, tun mang lawk bang, tau ung nge.
18. - Von tawi thiam a, ni nu awng nge, tang khat taw lo, bang, hing ve te, na sial za tam, ka sa ze.
- Thian hawm thiama, na phung lai a, sawn taw phung cing, kik awng nge. (*Ni Vung Neam.*)
19. - Miim bang pian na, pu von nih thum, do lai kan sang, kim ve le.

Sizaang Ngeina Labu

- Pi sei in lum, bang hong sung e, neal bang hau kim, tek ve te.
- 20.- Pu von ma bang na ki pat in, miim phung puan bang, huai hi ve te, tai nga se a, sung ve tee.
- Na hawm thiam le, na zeak thiam aw, phung sua mang sing om ngawl ze.
- 21. - Pu von ngam zang, daw tam awng nge, tuk kawl toai a, tuai taw han lung ka ciam na.
 - Tul dei kuung ciin,nun kai luai sa,tham sa vei law, lai ing nge.
- 22.- Pum tui von taang, bang khan na tu, phung tong lawm a, sen phung niin bang, neng hi ve te, phung ngam zaang tel, sasua tee,
 - Do lai bat phu, tham zong bang a, phungin sia bang, sawm hi ve te,bat na ngawl e, se sum se ngawl, ngam zaang hawm a, tan ung nge.

A THIP NA

- 1.- Khua kiim hau ngual a tai le, ei phung ci tawm, khau bang sut leang, kuam hal e, zum huai saang nge.
 - Sen pu pa va bang pau le, phung uap hi a, tu a ei pau, phung te luan thi, luang sak.
- 2.- Tun le ka zua taang bang dam,nga bang len lai,phung laithin thu, khau bang nok, suut thiam saang.
 - Ih ngam zaang in ka zua min thei lo hi a,tul kawl toai thiam, ka tun min sial na hi.
- 3.- Zua meal mak a ngam zaang tel, sa bang na hawm, zua lau tha le ngam zaang sun, nau bang kap ze.
 - Tuang lam tot khial, thian in tai, nga ong se le, nun bang nuam a, nga bang len, lai vul thei e.

* * *

THUKLAI
PU VUM KHUP TANU S/M CINGH ZA PAU
(105-24) LA

La kai khawm Sayama Cingh Za Pau (A), Thuklai

LA NGUI

1. - Zua awng lo bang na hin lai aa, tainga na se ngual sing ve te.
- Tai ngasee le lun tongdawk a tang na khan ngual khup ve te. (*Pa Vum Khup thu pil mama a thunei te in thu dong tek hi.*)

2. - Tun le zua awng na lungtup a, mualheam ni bang kaai ve te.
- Pupa ngam lo singta ngual ngen tu kawl na tawi thiam ve te. (*Pa Vum Khup le Nu Nuam Dim Thanzang lo ateang, a lotho hi.*)

3. - Mimbang pianna sen tun nu awng al bang hong taa thiam ve te.
- Hial nen kung ciin zata ngual ngen namci ta in niciin si sial bang zuan ze. (*Thanzang Lingmaw sia Mikang Mivom in hong en hi.*)

4. - Tun sung laizomh ciin khat tangh awng zua sau na zu bang pua te.
- Ka ciin ngualkawi lun lian nu awng tong zawi na kaih thiam ve te. (*Ka uu Sya Kham Thawng le a Zi mo Cing Lian Mang ka phua hi.*)

5. - Ka pianna ni bang lun ee mimphung ngeal cing ka nang nge.
- Suan ngua bang hiang zua lun ngeal cing sun ni kim khen man ngawl ze.
(*Pa Tuang Vum, Pa Hang Kai, Pa Do Ko Kam, Pa Lam Ko Thang, Pa Suang Zam, Pa Tun Ko Lian le Pa Suak Lian te ka phua hi.*)

Sizaang Ngeina Labu

6. - Ka zua ni bang a lun awng nge ngual lai kan sang ka na te.
 - Na kiak nu a tang le lia ngual, aal bang hong daa tam taa ze. (*Dr. Ngin Thawng, U.K pan a laivuanna ah a khatna nga a, Kham Medal khat hong cia pui sia ka phua hi.*)
7. - Zua kiak nu a lum bang sung tu pu von na min lo ing nge.
 - Pupa khan ngui ih zop na ze, tong zawi kaih a sung ve te. (*Pu Khai Ko Zam ka phua hi.*)
8. - Mimphung lai ah zua minthang awng tainga na se thiam ve te.
 - Nunthum law luang ka tu'n mang awng, ning le ai a sung ve te. (*Pa Vum Zam le Nu Vung Lian ka phua hi.*)
9. - Zangtawi tang ngual zatam lai a, na vang sun ni bang ta'anh ze.
 - Na hawmthiam maciang suanh ve te zangtawita nau bang omh tia. (*Pa R.S.M Khai Ko Mang Ngalkap Batalion bup sung nasepna ka phua hi.*)
- 10.- Puvon taangtawi ka tuai mang awng zata lum bang sung ve te.
 - Ka tuai ngual kawi lun liannu awng ham bang hong huai thiam ve te. (*Ka puno Lam Za Cin le a zi Pino Vung Lian Dim ka phua hi.*)
- 11.- Zua min law luang senni nu awng tong zawi na kaih thiam be te.
 - Kawi taw ciamb a saudei minthang ngual tung tuanh na'n lawm sangnge.
(Ka Ni Mang Ko Dim a Taik Inn sak ka phua hi.)
- 12.- Nu ciang ka phung lum bang sung tu tawi liannu lung muang ing nge.

- Zangta sesum, sesum pal lai tun siang tuang tut lei ve te.
(Ka ni Mang Ko Dim ih Keima S/m Cingh Za Pau hong phua hi.)
- 13.- Phak ih sap a ka tuai liannu nun nuam sawl bang hei awng nge.
 - Von kiak nu a lang nalamh taw ham bang hong huai thiam ve te.
(Syama Ciang Za Dim ka phua hi. Australia pan in a ngim nga theampo hong hu hi.)
- 14.- Ka tuai ngual kawi tang khan thiam awng thin lai va bang pil awng nge.
 - Na hawm thiam le na lang lamh taw zangsi na ngual sing ve te.
(Dr. Pau Za Nang, TSBC aphot aphua)
- 15.- Tunsung laizom ciin liannu awng phung lunlai mazaam ve tia.
 - Thian hawm telze na von nithum ngual taw tanbang kim sak te.
(Ka u nu Kham Ko Cing ka phua hi.)
- 16.- Nunthum luai pui ciin lung zawk awng hau lun taw lem zawng ve tia.
 - Maciang na phung lun ngeal cing te'n ham bang hong huai thiam sang nge.
- 17.- Tun sung laizomh tuai lian nu awng thinlai vabang pil ve te.
 - Zin leang tuak khial awm lai kungkuai ngai tam ka sial na hi e.
(Ka nau nu S/m Ciang Za Huai ka phua hi.)
- 18.- Tun sung laizomh tuai momno awng zata taw lem zawng ve te.
 - Thianmang zeak a, hau lun ang panh von na tawi ngeal cing sang nge.
(Ka nau nobel S/m Zam Za Dim ka phua hi.)

Sizaang Ngeina Labu

- 19.- Phung lun mang awng hawmthiam na te, vangkhua a sau ngual awng nge.
- Ngaldonh pan tembang kitawi ee, vangkhua lum bang sung sang nge.(*Dr. Vum Ko Hau ka phua hi.*)
- 20.- Bel lun sau sak zawn zing awng nge, lia ngual ki tawi na hi ze.
- Lia ngual, ki tawi na hi a, tang no kan sang na'n nei ze.
(State High School Thuklai ka phua hi.)
- 21.- Lia ka lungtup zanglentual aa theilo thiamthil sin ing nge.
- Zangtawi ngual taw lem zawng ing nge dei ngoo, pal ngia bang tuanh nge. (*Yangon ka nurse sin le Diploma Cap ka nga ka phua hi.*)
- 22.- Zanta sesum mu bang ngai ing nge zua mang thel bang tho sak zee.
- Bellun hawmtel nau bang sang ing nge, tun mang ham bang huai ing nge. (*Kumpi na ka sep tawntung Dr.Ngin Thawng ka phaw tawntung na le ka Nu ka vaak ka phua khop hi*)
- 23.- Lia ka khan zu bang sia ci nge, Thianmang vang lim bang beal nge.
- Tung Thianmang in lum bang sung ee, ngual lai a mun muang ing nge. (*Maw nei mi ki telna ngupna sanh thei na thu ka phua hi.*)
- 24.- Zanglei dawtam nun nuam vangkhua lia in ngil ngia na'n nei nge.
- Nam ci ngual taw lem zawng ing nge tun siang la ngai na veng nge.
(Homalinmyo le Khanti myo ah,ka om ka phua hi.)

25.- Ka-ang pan piang lia khat tangh awng thinlai tui bang ciim awng nge.

- Zua min law na von khat tangh awng zata taw lem zawng ve te.

(*Ka tanu s/m Zam Man Cing le ka tapa Khup Za Khai ka phua hi.*)

A THIPNA

26.- Ka sen lai in tun le zua in maciang suanh ee, kil bang khanh ciang vaimang tongdam sang ingh nge.

- Vaimang tong dam sang ing nge miza lai a singta hawmtel ni-ciin nau bang sang ing nge.

(*Letsong tam ma ma ka sanh ka phua hi.*)

27.- Khuathang dam tui zata ih tuang lam hi a, tuai awng nge zal na'n nong nei peang ziam maw.

- Thinlai ngu ling bang do nge ka tuaimang awng leang van zua siang na haih ba nam ciing nge.

(*Dr. Ngin Thawng tapa Thawng Suanh Kai ka phua hi.*)

28.- Ciin mang thakiak zangdon pan ngal in zaa nge, kua bel in ham bang a huai ka tawm ciing nge.

- Phung lun mang awng na vang sun ni luun e ciin sakluang zong tun siang tuang tut zo ve te. (*Ka U Kham Khaw Thawng Falam ah thi na thu le, Menzi U Tun Thawng in a luang Thuklai khua ah hong puak sak ka phua hi.*)

29.- Sen ni nu awng na hawmthiam zam dil dial ee, zata'n sawl bang beal ee kan sang ve te.

- Von tawi teng la ngual lai a kan sang tek a, sen angkawi taw pham maw lo bang hing in aw. (*Menzi U Tun Thawng zi ka ni Vum Khaw Dim ka phua hi.*)

- 30.- Thianmang zeak in ka von kulsin a sia nge Thianmang nen a nun nuam in na hei nam maw.
- Tha ka kia a leang van tual ka tung a le, von mang in laam bang hong muak kik lei tu ze.
- 31.- Sen kik thei leng tun nun thum luai kik thei leng sua tul kung ciin ih nen ah khawl lai leng nge.
- Sen lai thin thu hui khau bang sut kik thei leng, sen ciang ngual taw nui thiam bawl khawm lai leng nge.
(Thanzang lo nuam la lawm ah, Lungdamvawt Zan Vaa ciang ah Vok ngo ah ka ngual tamh te vaak bul ih veang, khat vei beak ta bang hi lai leng ka ci nop na hi.)
- 32.- Mim phu lai ah tuai lung sua awng thin lai tui bang ciim ve te.
- Sing vang khua hau bang omh ve cia lum bang hong sunh thiam ve te. *(Dr. Kam Cin Dal ka phua hi.)*

* * *

THUKLAI
SAYAMA CINGH ZA PAU (105-24)
SIZANG TAANG LAWM LA TE

La kai khawm Sayama Cingh Za Pau (A), Thuklai

Tu laitak ah, Kawl Mintami te le Minta te la ki saak bang ma ih Pate ih Nute zong in, a nuai a bang in lawm la na ki sak hi. Thuklai khua Pa Vum Khup le Nu Nuam Dim ii a ngak nut a tangval lai ah a lawm la ki sak te:-

Nu Nuam Dim in Pa Vum Khup tung ah a sak maksak va dul sia:

1. - Ih sen lai bang hi bo ee ih mom lai bang sen lai ciam bang ngai awng ciam kik lai leang.
- Sen lai ciam bang ngai awng ciam kik lai leang aa, tha kiak bai ee thim khat zial khawm lai leang.

2. - Zang si lai a tang tam ngual zatam na ve, duang hong zenh lai hong kuai peang om hi.
 - Mising thinthu paam pann huisi laang bang ze, sen ngual ngaih aw lailung phu bang kho in.
3. - Thim zin nuai a taang leang se zatam na ven thei sen ngual ngai lai a tang bang na sangh.
 - Nong len kum sawt sing ngual ngen vul zo ka zuu ngai na ban zal lung cim tak khamh ngam bongh.

Pa Vum Khup thuk kik na:

4. - Vangkhua lai a lia nem no heisa tong neam sua siang sung aa kumciin tul pui nuam ing nge.
 - Zua siang sung a kumciin tul pui nuam ing nge, patang tung a va bang tuanh pui nuam ing.

Nu Nuam Dim ii thuk kik la leu na:

5. - Tiau dung phual ngo lap thiam le phung zo zam no tua maw bang aa patang tuanh pui nuam ing nge.
 - Khua sua lam a na banzal sim nuam ing nge, nen heisa bang ka beng a baa nuam ing nge.

**THUKLAI KHUA PA VUM KHUP (105-23) LE
A ZI NUAM DIM (106-21) TE II SHIELD A PHUA
LA**

Shield a piate teng:-

1. U Vum Za Pum	(253-23)	Thuklai
2. Bogyi Lian Mang	(108-22)	Thuklai
3. Dr. Ngin Thawng	(105-23)	Thuklai

SHIELD LA

1. - Phak ih sap aa tuaimang zingzin tun ang na ngai ka nam maw.
 - Do vangkhua panh hau vangkhua panh phamsa'n tun siang tung ve tee. (*U Vum Za Pum Yangon ah thi a phua hi.*)
2. - Vangkhua uap tu von ningeal awng kulsin a thel bang sia nge.
 - Na kiaknu a minlaw na tu nikhat hong tuang tung khawm zee. (*Bo Lian Mang le Dr. Ngin Thawng a Shield vaithak hong thet khawp ah phua hi.*)
3. - Vaimang thiamthil zata ngual ngen taang in ka siang a tunh zee.
 - Khuakim ngual aw hong lel lo aw vangkhua taw lawm sang nge. (*Shield pui khat Mualbeam panh hong nga Thuklai khua ah hong cia pui ah phua hi.*)
4. - Suktui lun le zang singual awng tanh bang na kim nam maw.
 - Batphu tuana pham minlawna, sumh tual a sai bang laam nge
5. - Do thiamthil le Suktui lun taw laitui-ih minthang khawm ze.
 - Sangkaa lal hen mual sua tu bang phung in laam bang muak ta zee. (*Mualbeam panh hong cia tu ni Suangbum pan ki muak hi.*)
6. - Von te pheiphung tawi zang awng nge ngualtung vabang tuang awng nge.
 - Sangkaa luang le lal hen luang ci'ing patang a sai bang laam nge. (*Tu sia Limkhai khua U Mang Ko Thang (167-23) Chairman a sep lai in Sizang bup in Tedim panh Shield pui khat hong cia pui sia, Thuklai Hausapa U Lam Ko Mang (127-22) Inn panh ki aai aa, tasia U Lam Ko Mang zi Nu Dim Za Cing (120-22) ih la phua hi.*)

A THIP NA: (A phuak Nu Nuam Dim (106-21))

7. - Sang simlu la hi bo ee ka vonmang awng vaimang thiamthil ka siang a tunh zo ve tee.
- Sang kaa sang lal hen sang zong minthang zaw tee taang ngual lai lia ngual lai a et lawm saangh.
(Pa Vum Zam (103-23) tapa Kim Cin a phua hi.)

8. - Pupa khanngui zop na ze, momno ngual awng a kum ciin aa sang le lal khua mual sua zee.
- A kumciin aa sang le lal khuamual sua ze a ni ciin a taang le lia lung taai sak ze.

1. - Awmlai veilo khaltui bang kiamna tu a, sen lencil ngual ngaino in ka lai kuai.
- Kiak kum ciam zong law lo ding, sen lim ngual ngai zin khen lo buang tual nong khia pal lua sang nge.

2. - Ka sen vang ngai phualngo no kong vang than puih, len lai thinthu nang na lung sik ziam maw.
- Mual cin sang a lomei kai zuan lai tak a, zang ngam tui bang nang na le luanh ziam maw.

3. - Thei sen tongsanh ngai no aw kong ci zong a pal va zeam lai lung na zuang ta ziam maw.
- Thing leal heisa kong law tu ci ngam bong nge, len lai lung zuanh kei tong dam na sang in.

4. - Seino ih tamhngual in e lia le tang in, thim zin tong sanh, na ngai lung, sik ze ci.
- Heam lam thinthu a ziam maw, vangdon sing leal tang le lia ii ngam ngi bang khenh ziam maw.

5. - Tung sunni no mual dawn a tumta ding aa, nen heisano ngual kawi a tul ding awng.

- Nen heisano ngual kawi a tul ding awng nge lung tuak ho neam zo tang bang na dam tanh.
- 6. - Tung sunni kil a kia ee zang donn liap ee, mui khua zing tu a zu zang va nam ve.
- A zu zang va nam seam taw sen ngual ngai taw do siang ma naw, pheiphung tham sa vei ing.
- 7. - Kong law lo ding tul hum heisa pal awng nge, kong sanh lo ding thei sen ho tong neam awng.
- Tongneam a biak thim zin la zuan ngam bong nge, za ih lai a phaimit heam thak nial ing.
- 8. - A tui luang suk len phai ngeak, zang pial va no thang van a, tang sol sa lai toi no bang.
- Ngal donn cial a tulta awng ka lung ngai awng lang kai heisa law lo a tul ding awng.
- 9. - Tung sunni kil a kia ee, zang donh liap e, san neam liano na siang mu bang ngai ing.
- Zang ni sa suak mualdawn a ta tum na ve khua thang damtui le luan zong ngil buanh ciin gh.

Khangno te ih lawm la hi bang hi:-

- 1. - Lia le tang ho ki len laitak in Cing Khup Ngam Bawm lenzil ding awng nge.
- Cing Khup Ngam Bawm lenh zil lai leang a, khuva no bang tuang khawm lai leang.
- 2. - Zatam phin tui bang ngawmna, tung ciang soltha nuai simlei tanh e.
- Tung ciang soltha vangtang nuai a, zai dei nga bang len ki am leang ee.

3. - Ni khat meal mu ciim man ngawl a, zal mang meal mu ding taw ki lawm e.
 - Zal mang meal mu ding taw a lawm a, pheiphung suanh tul kai in lia tuam e.
4. - Vaimang thiamthil dat tui ngawm thiam lungzuanh va bang ka tuanh na hi zee.
 - Tong sang lo ka pian zil no vang la ngai siang a va leang ve aw.
5. - A ngam vang la ngai no hei na, koi panh donh leng meal ka mu diam maw.
 - Tul thing sang ah ka tuang zong a, ngai meal mu lo kei awng nge tang lung zuang veang nge.
6. - Heina peu a mual ciin sang a, vang ngaih na ngai no ngim si aw kheng maw ee.
 - Vang ngaih na ngim si aw kheng maw ee duang zenn nang tong dam aw sang maw nge.
7. - Kei ngai bang a vang nong ngai le, lai a temnam hiam kham na ngai aw.
 - Lai a temnam hiam kham na ngai aw mualheam tang tong sua thiam na ngai aw.

Ni dang lai khua sung khat ngaknu le tangval, ki it te zong ki teang sak thei ngawl hi. Nupa thei ngawl hi. Phungkhawm thei ngawl het hi. Khuadang te bek taw teang thei hi. Tua hun ah Na a sak na te a nuai ah bang la na phuak hi.

1. - Momno taang ngual len lai aa, tang bang na ee kiak a huai zong, phual mei bang tua nial leang.
 - Ngai ngi ngei te sing ang a zal ta ding awng ngai lo bul taw phual mei bang tua ding awng.

Sizaang Ngeina Labu

2. - Ka tung ciang a khai mu lam va dial awng nge, phung taw tua khua na mu le hong hil tanh.
- Kei paw sak a leang ing nge thang ah leang ing nge thang a hui te phung taw tua mu bek ingh.
3. - Ngam khuva lai zawng zong tua ciam thei a phung awng lamei bang ki tenh ta nial hingh.
- Phung ih hi le tun sung khat lai zawng leang aa, sing dang von tawi ih hi le tua nial leang.

* * *

VOKLAK PU SUUM KAM LA

La kaikhawm: Ngin Do Thang, Bekan khua

1. - Meal ma pu von liim bangh lian aa, sia khuang a kai tam ka na.
- Akai tam taw, a sia khuang taw, (a mim phung taw)ni khat al bang, mang khawm ee.
2. - Thei lo lai a, sen pu von awng, khai tui lun taw, hawm awng nge.
- Lun sau nen pan, ngua bangh tuan na, ngual in ii min, lo ta ze.
3. - Pu von lang lam, lengkeal za tam, sing ngual ngen aa, om ve cia.
- Na lung tup aa, mun zang lai pan, selawi tual khawi, kik ve cia.
4. - Kawi le na von, ka ngai man aa, lun lam tui bang, tawi ingh nge.
- Sawm sial ngaw le, ning beal ngual aa, nu tun tawl huai, ka na cia.

5. - Zang si hau ngual, a ki dem na, tun in ka dei lei ci ze.
- Tun awng tem bangh, na dei le, sawm sial nam kim zo ve te.
6. - Zua kiak nu aa, ka lung tup aa, ka sau dawn kil, bang khan nge.
- Kawi taw von taw, lai zom teng taw, sua ngeal taw hei, nuam ingh nge.
7. - Sei no lam kun, thian nop lai aa, kawi lia'n nun tuang, nu sia ze.
- Kawi le ka von, ka ngai man aa, pa taang huang, sak kik ingh nge.
8. - Zua kiak nu aa, kawi le von in, soltha khat tuang, nu sia ee.
- Khaw thang len kum, vei man ngawl a, ban thang pan khing, an sia nge.
9. - Nu tun nun thum, luai peal pheang a, kawi ang sam bangh, zal ingh nge.
- Mom na lai aa, kawi le von awng, ngual lai len, zum ka na nge.
10. - Nun bangh nop le, al bangh dah awng, kim pui ka ngual, khup ingh nge.
- Zang mang tuan na, zaang kolsa awng, min ngei sawm sial, taw tuang nge.
11. - Ngam lai tul thing, phung cing na po, sawm sial sim na, lawm sangh nge.
- Ka phu ziam maw, ka lawm ziam maw, sum tual tul phung, cing sa nge.
12. - Ka sen lung tup, tung la vak cing, sawm sial a zial, kik ingh nge.

Sizaang Ngeina Labu

- Sing tan phai mit, suan nuam vak cing, phui ngua dawn ka, huang sak ze.
- 13. - Sen pu von le, bel lun mang ten, hen dei khua mual, a sua ze.
- Lal hen luang a, zua pal mai aa, sawm sial ngaw lu, en ve vaw.
- 14. - Zua laizom awng, sen ni nu awng, hau lai mim bang, bual awng nge.
- Ang lai taang tawi, tan na ve cia, sawm sial kop maa, ciang suan tee.
- 15. - Al bang na tha, khua mual na sua, pu von na khan, pha la nge.
- Sum tual han mung, sawm sial na ngaw, ngual taw lem a, zawng ingh nge.
- 16. - Phung le ngual in, lawm lo ci aa, pham tam sim nan, lawm sang nge.
- Zin pham do pham, sial na ci nge, zaang lun tuan na, zial ingh nge.
- 17. - Sei no ngual awng, ei khan khem bel, leido tum a, dang ci ze.
- Lei do tum dang, hong khang ci aa, taang i lal hen, dang ci zee.
- 18.- Pu pa thei lo, meal thei hing nge, zang si khan pian, dang ci ze.
- Pu pa dawi ai, tam la lawm ee, thian tongdam aa, nil hing nge.

19. - Dei ko tu bang, phak ii sap aa,lai mun mal bang,kong hil zee.
 - Tuai tong neam la, tuang tung ngawl a,sawm sial ai sa, phung in bal, bang mal ta ze.
20. - Tuai in sin lo, teng sin hing nge, lai taw zing vai, hawm khial nge.
 - Pe thik hui khau, tong dam thak aa, lei do sua pa' n, hil sak zee.
21. - Lam tui tual a, do sau nuai aa, ka tuai zin bangh, ling awng nge.
 - Tuai awng zin bang, na ling lo aw, nun nop sial kik, lei hing nge.
22. - Zin sawm sial le, laak nuai sawm sial, ii khua mual aa, laam khuang taw, ki muak sak nge.
 - Taang ka ngual aw, ze zum lo vua, zaang si ngual in, maa bang pan aa, ning le ai sa, zam cing nge.
23. - Khai tui khua a, sua khat tang awng, sa nga lawi bang, thang awng nge.
 - Na sa nga a, thang zaw maw, ban thang dip a, thang zaw maw.
24. - Khai tui za tam, ni thum lai a, sua awng na hen,pha la nge.
 - Hen na keak khua mual, sua le te, na tun laam bangh pak tu vee.
25. - Om lai vei a, khai tui tun nu, khum nuai sawm,sial aw ci nge.
 - Ni khat tang bang, dam na ngawl aa, tuang kong tut kal, ngak la tee.

Sizaang Ngeina Labu

26. - Ka hial nen a, nu tun pham sa, kam kei lung, mawl ka sa zee.
 - Tun le na sua, na ngai man a, pa tang pan ho, dial khai te.
27. - Zang don kam kei, ka hang ci a, sua ban zal a, vul awng nge.
 - Khai tui khua mual, tul vum tung pan, tun in ten nik, teang sak nge.
28. - Ka tuai ngual kawi, hau tawi lia nu, pa taang a lap, tan awng nge.
 - Tuai aw inn bang, he heak in na, sawm sial lian taw, zal ve nge.
29. - Sial aw mung bang, kong tup ngawl a, zaang phual mul a, sim ingh nge.
 - Mim phung tu tawm, ka sial ngawl aa, kam kei taw mual, suak khawm nge.
30. - Kawi le von ka, ngai man a, do ta thiam thil, ka ang aa thel, bang sia nge.
 - Tuang lam tun sau, ka po awng nge, kawi siang tut kal, ngak la nge.
31. - Laam va dial laam, va dial ee, zin sawm sial laam, va dial ee.
 - Zin sawm sial le, lei do sim lu, pa taang a, lam va dial ee.

A THIPNA

1. - Ka dei ka sim na hi ee, ka va al ngia, kawi taw zial ngawl, ze ka zum, ka lai hi.
 - Ka tuk lu a, ka va al, ka keal sawn ngia, phung awng ngual awng, et a lawm, pen nam cing nge.

2. - Ka zua ii pa, taang tung a ka tun niing sak, taang ka tung ten, kung ka kuai sak lei hi ee.
- Mi ci phei phung, suan na le ngam bangh man na, ka pham ta le, phei phung in, nei ngawn ingh nge.
3. - Ka kuan lam aa, kol sa tung a tuang ingh nge, ka cia lam aa, zin sawm sial, tung tuang ingh nge.
- Sen ka kawi le, zua mang awng luang tho ve vua, pa taang tung aa, zaang phual mul, taw tuang veang nge.

* * *

VOKLAK
PU SUANGH THANG (142-21)LA.
La kaikhawm - Pa Vungh Ko Khai

LA NGUI

1. - Tang ka khan zu bang sia sang, pu von na nun lai a khua kiim tan sial bang a zong hi ze.
- Sial lum kawl ciang vai bang lap la veang, thi min ka law na ze sum tual a haan sawl hong ziing naam maw.
2. - Pu von na ton mung luang a sawm sial ka ngaw tam sak nge.
- Tun min zua min ka law na khan ngui zop na a lian bel siang a sia nge.
3. - Vai mang ni thum han lung ciam ten phung luang huan thing zan sia ze.
- Lung muang maw nge ka sum tual pan sang lun sawm sial in tua nge.
4. - Zang si ngual ngen hau vang than na sawm sial le se lawi thua nge.

Sizaang Ngeina Labu

- Pham tam nau bang ka ki theam na ka cial daw mau ngi ngeei e.
5. - Ka sum tual hong en ve vua sawm sial lum suang liik bang ze.
- Cial daw zil za ngau zu tawi na vo sa sem na neam awng nge.
6. - Hau tun ngeal ih dei tang ci suan lai zom ngeal a cing la ze.
- Khat tang lo bang hing hi veang nge sang lun taw siang zong ing nge.
7. - Hau tawi thei bang ka sen lai a nau bang ka na tam sa nge.
- Thawn ing nge vang khua thawn ing nge lum ing nge khua mual lum nge.
8. - Zua min than na zang vui sai awng ka kawl ciang a pha la nge.
- Ka kawl ciang a pha la nang nge, zang mang tawi a thang ing nge.
9. - Zo tui ka vang khua awng nge sing ih nial vang khua awng nge.
- Thing ci paal lun pial va bop bang ka khua sang lun in bawm e.
10. - Tun awng lo bang na hin lai a bu suan khing an taan hi ve hing phung lai sil puan kawm hing nge.
- Mim bang pian na pu von ngeal in al bang ta a ngual lai sei sang tangh ing nge.
11. - Min thang ing nge hau ka ngual awng nuai zin om lai in bawm e.
- Zang se sum sang ciam pui phung awng vom mang an bang it zaw nge.

12. - Ka ang pan piang von mom ngeal awng nen hei sa bang paal awng nge.
 - Zang si hau ngual na kawi tu se tun le zuan sial khol ung nge.
13. - Thi lau tha le zin phung cing ten kawi mang hai zu nong zot sak.
 - A kum ciam khaan kiik ing nge vui sai a thian tuak ing nge.
14. - Tun awng nge tun mang awng nge hau tawi ka tun mang awng nge.
 - Ning tui sia tun na ngai zong a, thian in laam khuang bang tho e.
15. - Tin min thang le tuai lung zaw awng ngual lai a et lawm awng nge.
 - Zin in khia e ei awng nge ih sau dai a dam ta ze.
16. - Sang sim lu le ngaw tam sawm sial von in khua mual hong sua ze.
 - Phei phung tawi a na zaam kom a, zang lam'lian cii bang teal sak veang phung zong laam bang paak na ze.
17. - Mim bang pian na se sum lam huai zang si ma ciang sa daw nge.
 - Lau tha lum bang ka sun na tu hau aw lam bang cial ing nge.
18. - Miim bang pian na dawi kii bang zek thin thu pha dawng kong hon sak a hau ngual ngen a om sak nge.
 - Sang lun na sai pha la nang nge, sawm sial ngaw a khup ing nge.
19. - Ih phung lai a tong hawm thiam tu ciin mang tuai mang koi a na haw ta ziam maw.

Sizaang Ngeina Labu

- Zang ni suak e len kum vei e tai nga na se hun hi ve.
- 20. - Na zua ni ngeal sang le lal huai ngual lai a kaan sang hi ze.
 - Zua lal hen luang sang ciin na sai tang meal tum a dang awng nge.
- 21. - Tun sung lai zom tuai lian nu awng zin lai lak a zaal awng nge.
 - Ning le ai sa kot kawi dim a na ngual leang bang hong zawn aw.
- 22. - Phung lam thaam na mun inn ngam lo na hawm thiam tu ngai veang nge.
 - Tun le zua hei kiik thei hen na, lai mang hong luang tho thei le.
- 23. - Mun inn ngam lo taang bangh pha taw hau tawi sial bang suak khawm e.
 - Ban thang kiam law lai hing nge, ciin mang in kiak na nei e.
- 24. - Pu von ngam zang muan lei suak sa ngam thel bang laam sawn ngeal aw.
 - Hau zua khan a thim khua ziing sa na hawm thiam za lai tan e.
- 25. - Pu von ngam zang sim sal tangh sa kum ciin va bang phawng hing nge.
 - Nun nop tang sial ka sut kum vui sai sim kum sul a hong heak kiik pheang e.
- 26. - Zin'len thiam e do tum dang e zo tui phung taw ciam ing nge.
 - Vang khua an bang ka ii man a tang ka ngual khuang bang thawn ing nge, zang si lai ka thang sak ze.
- 27. - Thian hawm tung a Dimtui vang khua do in tu bang suan ta ze.
 - Sawn le ka phung zang si hau ngual hei maw tu bang thang dam tui bang kiam ing nge.

28. - Zin len thiam e pian tum dang e von luang khau bang sut lange.
 - Mang luang khau bang sut kik thei veang ka min lun sing vui sai tung a tuang ing nge.
29. - Sawm sial ngo leang thang zaw maw nge sang ciin sai leang thang zaw maw.
 - Sang ciin sai sang sawm sial ngo leang mi za sui lung tai zaw e.
30. - Pu von ngam zang ih tung a lun suang meal hoi zai tha teng po neam na hi eh zin zong a awi thei ciam maw.-
 - Khai tui ci suan hang tawi hi nge, ning le ai sa ka ngual lai a tang ka zum mun om ngawl ze.
31. - Zang si hau ngual zin siam zaw te zang dol cial se sum se ze.
 - Se sum se ngawl zang nen dol cial tang le lia khawl na nei e.
32. - Ngui bang cin 'lai mung bang ka tup tul dei hong tuang tung maw e.
 - Ih phung tu a a tawm ciang a tul thing dei sial in la nge.
33. - Pa zua cial daw nun bang nuam sa kawi mang in lung muang maw e.
 - Hau ngual in tem bang dei sak phung taw khiap a dot tui bang ka laak sak ze.
34. - Von mang lung tup lak nuai sawm sial thin lai tawl a toi ka nang e, ka lai ngil neam ka sa ze.
 - Hau tawi tui bang kiam hen ci a zin awng nong zeak na hi e.
35. - A kum ciin a sawn mang von mang ei kiak ngo sai bang langh e.
 - A en ing nge ih phung lai pan von mang ni thum in sam e.

Sizaang Ngeina Labu

36. - Sen na pu pa sang le lal huai sawn mang ngeal awng ngual lai a kan sang awng nge.
- Kum pui mang von tawi awng nge, leang van sua siang zong awng nge.
37. - Tun sung mim bang piang tawm pheang a sua mang in tuang nu sia ze.
- Sen kawi taw ciam kiik ing nge, sang lun lal lun mual sua nge.
38. - Va - al tui khu hau mun zing zin ning le ai a tuang tungh ing nge tang bang dam na lawm sa nge.
- Hau tawi an bang hong it zaw teen ai sa ciang baal hong lui ze.
39. - Pu von ngeal lai a ki zawng ka von mang awng tung sun ni bang sa awng nge.
- Khua van nuai lian za thum lai a na min lun e hong thang e.
40. - Kawi mang lung tup sua mang zaal na suk tui lun mo bang dong nge.
- Lun dai nen pan lam tui tual pan tai ni khat a ka dei ngeal tui bang la nge.
41. - Sim lei hawm tan sawn le von awng kong zing zin le lam bang a na muak ve vua.
- A pham zin bang kong thaak na sawm sial ngaw na ih haan mung zong kaai hi ve.
42. - Pu von lam kaai zang kuam zai na ngai man a, lum suang taw tong ciam ve te.
- Ma zap kuam zai a zai sang zong von mang an bang it zaw nge.
43. - Pu von min thang thal bang na suan vai vut in leang zo ta ze.
- Aw khi ten dal dei a lang lam nuai a muan lei suak ta ze.

44. - Pu von ni thum na nun lai a nun bang paw nuam ka na ze.
- Sing tawi ham bang na huai te na na sau hai bang ngaak ta ze.
45. - Suk tui lun ih thian mang tong saan ka saan sawn in mi za in bawm e.
- Mi za in bawm,hau ngual in bawm e, pham za tam tu khau bang suut veang e.
46. - Ka vang khua a thian mang zua pa phung ih hawm mawk hawm thei zua pa tum bang le ha huai ing nge.
- Thin thu le thiam ki sa veang nge, tong dam le neam ki sa nge.
47. - Vai tun lang lam a min ngei bel von in ka siang a tun e.
- Von aw tuang a nong tut ni vang khua thawng e ngual tung ka tuan na hi e.
48. - Tul ka dei sial in la ing nge, pa taang cial neam in daw nge.
- Tang be sam le zang phual mul awng nun nop ka sial na hi ze.
49. - Cii bang na top ciin mang sawn mang se sum na lam tam ka na.
- Se sum na lam tam ka na e, na kiak nu a, kawi ngeal in ma ciang suan ta e, zin le thian in na awi na le nun nop sung tui na law aw.
50. - Len se thing le zang hual tuang awng tum bang huai pui nuam ing nge.
- Ka pham ta le vai tun hawm tel zua siang tut pui man pha e.
51. - Ka sen lung tup vai tun kawl ciang lai in lam dal bang khaak e.
- Sang ciin sang lun ka saai bua zong zua ni thum kiak na hi ze.

Sizaang Ngeina Labu

52. - A kum ciin a vai tun hawm tel ka duang sawl bang bang khaak ta ze.
- Khua vaan nuai lian hau ka ngual ten tung sun ni bang kaai et ze.
53. - Nu ciang lam daal bang khaak veang ka sawn mang in ka min zang khua thawng sak ze.
- Za ta san sing sengh lai pan lam tui tual pan, ka dei phai ngo ngeak khe nge.
54. - Zang si hai zu zawng awng nge vui tui mang awng se sum na lam huai awng nge.
- Nu ciang lam dal bang khaak ve telai zom bang a muang ing nge.
55. - Pu von khan ngui na zop na khua ci khuai bang suan awng nge.
- Khua van nuai lian za ta lai pan, sawm min lun eh hong thang e.
56. - Tun bang huai kuan zai tha tual kuan sawn mang lang lam phei phung in nei tuak ing nge.
- Thian in ni bang awi hen law kum sawt lo bang hing hen naw.
57. - Zua mang teng ih sim lei kul taw, kang tui zua pan laam bang a kot e.
- Khua kiim ngual aw laam bang el lo aw, lai tui von mang sun ni bang sa e.

ATHIP NA

58. - Vui sai sim na sau ni thum dai dam ta e, ngaw tam sim na len se thing phung cing sang nge.

- Lau tha hual na vui sai tung a tuang veang nge, ka ki lawm nam khan ngual awng hong en ve vua.
59. - Lun tawi hau tawi ki kawm a sia khuang na kai zin mang zua pa ze na zum na lei ziam maw.
- Leang vaan dawng khaal zin tun nu na om zi aw vai sai zua pan ka ma ciang hong saat tu ze.
60. - Hau ngual in sang a sim le sim lei veang nge, sawm sial beal bang a ngo le ngo lei veang nge.
- Zua ni thum in thang van dawng hong hon ta le, nuai sim lei a khan ngual kai zak vul bong nge.
61. - Bel van suan tu mual ciin sang hong lang na te, na vaang khua thim khua a zing na lei tu ze.
- Zin hawm khial ziam phung za tam hual nan nei e, thai le von nau bang a kap na lei tu ze.
62. - Hau tawi sanga tang bang a a nat kom a, phuan cil za tam zing dai bang nawk zal veang nge.
- Ngual lai a kan sang tu le hawm tel niang tu zin zeak hi e, ngual awng nge ci tek vun naw.
63. - Na phung ka meal nong ma ziam ka von mang awng zangsi kuam a mang teng po sawn mang hi e.
- Nang bang hi bong vai tun tong sang ba nang nge, tem bang ka dei kawi siang tuang tung zo ta ze.
64. - Vai tun ang siat kawi siang tung lo bei sa nge, ka aw khi sang ten dal sang min thang zaw e.
- Ka aw khi sang ten dal sang min thang zaw eh, ka pham ta le zua siang tut pui man pha e.
65. - Kei paw mang ing tul mang hong tuang tung ta e, phung

zai tha le sawm sial in tui bang la nge.

- Ka sen lung tup tui bang a tung tam sa nge, sen kiik thei leng luai ciang zal pheang nuam veang nge.
66. - Pu von ih ngam bang man na sia khuang kai na, zo dam kuam a kei paw mang ngii ngeei ing nge.
- Tu kawl tawi leng mim le sawm tang huai ing nge, kei ka lak nuai li cin' na ki lawm sa nge.
67. - Phung lai tai nga tel sa bang tu si ing nge, hawm tel pha teng a ka kop a sang veang nge.
- Ka thin thu pha leang vaan kai pui ta ning nge, ka zai la in sim lei haai bang ngaak hen naw.

* * *

VOKLAK
PU ZA SUANG (143-21) LA
La kai khawm:- Vungh Khaw Khai

1. - Sen puvon minthang bel awng nge, namti aanglai a sia te.
 - Aanglai a na siat do ih lai a, nuun nuam a heak tam taze.
2. - Zua nthum le miimphung zatam, naa nuai luang thing bang ki phom.
 - Ka tiin hang le sawn nthum ten, khua mual pan ningtui sia ee.(*Siallum khua a phua*)
3. - Puvon ngam zaang ngai ing nge, tuai nthum taw hau mun a ziing zin ing nge.
 - Sesum tam paai a kua ing nge, sakluang zin bang liing ing nge.
4. - A lam nuun nuam va zui ing a mual minthang, tuai taw khawlna va mu nge.

- Tuai taw khawl na va mu ing nge, hau mun phaimit siing maw nge.
5. - Sen puvon awng zaang a huisai, mabang ih patna hi ee.
- Kawi awng ning beal ngual po ven na, pataang ngawk sak kik leang ee.
6. - Kawi zaal mang a laikhun tung pan, huisai hong tuang tung ti ze.
- Pupa ih khua mual tungah, huisai lam sak kik leang ee.
7. - Ngo tui pio a sanglun awng nge, zua min ka law na hi ze.
- Sawn momno matiang suan ing nge, huisai taw mual suak ing nge. (*Ngin Suak a phua*)
8. - Vangkhua saat tu tiin lia nu awng, ningbeal ngual thiam ka na te.
- Na kiaknu a tawi sen te taw, damtui thiam bang sin ing nge. (*On Cingh aphua*)
9. - Vangkhua bealtui bang niin ti a, ngam zaang sai bang saat ing nge.
- Ngam zaang sai bang ka saa mun a, taang bang damna lawm sa nge.
10. - Ngo tui pio a sanglun awng nge, zua min ka law na hi ee.
- Ka khua mual a kolsa simlu, tuun min law na lawm sa nge.
11. - Zua awng laal mi na hen luangah, sang lun tung a tuang ing nge.
- Tuun awng sawm taang na thaw luanga, pataang ngawk sak kik ing nge.
12. - Ka sumtual tulthing phung ting, sawmsial ka simna hi ee.
- Ka pataang zaangta ngo dial, lautha ka sialna hi ee.

Sizaang Ngeina Labu

- 13.- Ka sau mang le phung tuun nu in, zaang si va bang phawng khawm ee.
 - Von ni ngeal le sanglun simlu, thim khat kammei suak khawm ee
- 14.- Thai aang awkhi san singh sengh ee, sau taw kop a bum ing nge.
 - Kot kawl ka ning tuum hi bo ee, sawmsial a zin bang tha nge.
- 15.- Tawi no taw hei ka tu banga, ka sau dawn kiil bang khan nge.
 - Miimphung taw hei ka tu bang a, ka sau limlian ka sa ze.
- 16.- Zai tha khuam bang a lai tu se, von tawi lai kuang kiim ka na.
 - Tuklu paal puak a po zonga, pheiphung thin lai tawl ing nge.
- 17.- Sau mang ngual pui sawn hang awng nge, koi a na haw ta ziam maw.
 - Thai le na von na ngai bua ziam, tun le zua na ngai nam maw.
(Pau Dongh aphua)
- 18.- Ka sau nen a phung mang sausak, sawmsial ih tum na hi ee.
 - Sawmsial ih tum na awng nge, ai baal ka mal na awng nge.
(Lian Thuam a phua)
- 19.- Sen pupa ih ma bang patsa, zaang huisai le zaang kolsa taw ngual awng nge, ka lawm nam maw.
 - Dawi ai vei ding lung lau ing nge, zaang mang tuanna a ni ngeal in, sawm sial lian taw zial ing nge.
- 20.- Ka sen pian a, ka lung tup in, zin leang khuamthing bang nol ding ma ngai ing nge.
 - Ka puak lel in ii ka lel ziam, zingleang biakna puak lel nge.
- 21.- Thian tong saang tu zaangsi taang ngual, tung pialva bang laam taze.

- Pupa dawi ai zinleang biak tam, nuai zin len kiil a khia nge.
- 22.- Kim pui ngual taw kim la hen ti, sau mang kammei suakta ze.
 - Mealmak phai bi ngam tulthing taw, sil puan bang thua zo ing nge.

Apa la Za Kam popna:-

- 23.- Nu awng nge nu awng, om lai ka paai a kua nge nu aw,
 - Pa awng nge pa aw, sa namtin a zial ing nge pa aw.
- 24.- Ka zua bang keak ka tiin tong hawm zaang phual mul taw huisai taw mual suak ing nge.
 - Lautha lum bang hong sung nale, sang simlu taw taang ngual kot peu lam bang ze.
- 25.- Thuum va dil thuum va dil ee, ka zua tialdawthuum va dil.
 - Mau va ngei mau va ngei ee, nu tuun sausak mau va ngei.

A THIP NA

- 26.- Zaang a huisai salim lian a min ngei bel, khan peal maw a, dawi ai bang zek zo ve ee.
 - Nu tuun ka min law na le zua min law na, huisai tunga zaang phualmul taw tuang veang nge.
- 27.- Zua nthum do lai a laak a thang zaw maw, sau mang kammei a ka sua a thang zaw maw.
 - Zua nthum do lai a laak siing in ngen ee, sau mang kammei a ka sua ngual siing veang nge.

ZA KAM THIPNA

- 28.- Tha ka kiak tiang tuun le zua na muak vun na, zaang phulmul taw huisai taw kong pai tu ze.
 - Thei bang sen a zua awng nge tuangnu nong siat, thin lai nguung bang nong do bua ziam maw.

* * *